
This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books


<https://books.google.com>



This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





456
30 dl


M. W. Knäpf. pag. 93.


40 P. O. Germ

17.


P. O. germ.

~~18~~ 18.














Doctor Brants Narrenschiff

Carl Heinrich *M. ccccc. vi.*
Stue. v. Hofnung in Mueß
 Nüt on vrsach *ay 682*



M. vj. *Benedictoburanj.*
 Glor hab ichs narren schiff gediebt
 Mit grosser arbeyt vff geriebt
 Und das mit doren also geladen
 Das man sie nit durfft anders baden
 Eyn yeder hett sich selbs geriben
 Aber es ist dar by nit bliben
 Til mancher hat noch sym geduncken
 Hoch dem villicht er hat getruncken
 Muw rymen wellen dar an hencken
 Die selben soltten wol gedencken

BIBLIOTHECA
 REGIA
 MONACENSIS.




Das sie vorfassen in dem schiff
 Dar inn ich sie vnd ander triff
 Hetten jr arbeyt wol erspart
 Bis schiff mit altem segel fart
 Vnd düt glich wie das erst vß fliegen
 Löst sich mit schlechtem wynd benügen
 Wor ist/ Ich wolt es han gemert
 Aber myn arbeyt ist verkert
 Vnd ander rymen dryn gemischt
 Benen/kunst/art vnd moß gebryst
 Myn rymen sint vil abgeschnitten
 Den synn verlürt man in der mitten
 Jeder rym hat sich müssen schmucken
 Noch dem man in hatt wellen drucken
 Vnd sich die form geschicket hat
 Dar vmb manch rym so übel stat
 Das es mir inn mym hertzen we
 Beton hat tusent mol/vnd me/
 Das ich myn groß mügsam arbeyt
 On schuld hab übel angeleyt
 Vnd ich sol öfflich sehen an
 Das ich nit hab gelon vß gan
 Vnd mir nie kam für mund noch kâlen
 Aber ich will es gott befâlen
 Wann diß schiff fôrt in synen nammen
 Sins diethers darff es sich nit schammen
 Glich wie das alt in allen sachen
 Es kan nit yeder narren machen
 Er heiß dann wie ich bin genant
 Der narr Sebastianus Brant

Eyn vorred in das narrenschiff.


Zu nutz vnd heylsamer ler/ verachtung vñ
eruoldung der wifheyt/ vernunft vnd güt/
ter sytten/ Auch zu verachtung vñd straff
der narrheyt/ blyntheyt/ yrrsal/ vñd dor/
heyt/ aller stät/ vñ geschlecht der menschen/
mit besunderm flyß ernst vñ arbeyt gesamlet
zu Basel/ durch Sebastianū Brant/ in bey
den rechten doctor.

U land syndt yetz voll heylger geschrifft
Und was der selen heyl an tryfft/
Bibel/ der heylgen vätter ler
Und ander der glich bücher mer/
In maß/ das ich ser wunder hab
Das nyemant bessert sich dar ab/
Ja würt all gschrifft vnd ler veracht
Die gantz welt lebt in vinstre nacht
Und düt in sünden blindt verharren
All strassen/ gassen/ sint voll narren
Die nit dan mit dorheyt vmbgan
wellen doch nit den namen han
Des hab ich gedacht zu diser früst
wie ich der narren schyff vff rüst
Galleen/ fust/ kragk/ nauen/ parck
Kyiell/ weydlyng/ hornach/ rennschiff starck

Folio



Schlytt/karren/stoßbären/rollwagen
Eyn schyffmöcht die nit all getragen
Die yetz sint inn der narren zall
Eyn teyl keyn für hant über al
Die stieben züher wie die ymmen
Uil vnderstont zu dem schiff schwymmen
Eyn yeder will vorman syn
Uil narren/doren kumen dzy
Der bildniß ich hab gar gemacht
Wer yeman der die geschrifft veracht
Oder villicht die nit künd lesen
Der siecht im molen wol syn wesen
Und synden dar inn/wer er ist
Wem er glich sy/was im gebrist/
Den narren spiegel ich diß nenn
In dem eyn yeder narr sich kenn
Wer yeder sy würt er bericht
Wer recht in narren spiegel sicht
Wer sich recht spiegelt/der lert wol
Das er nit wiß sich achten sol
Mit vff sich halten/das nit ist/
Bann nyeman ist dem nütz gebrist
Oder der worlich sprechen tar
Das er sy wiß/vnd nit eyn narr
Bann wer sich für eyn narren acht
Der ist bald zu eym wisen gemacht
Aber wer ye will witzig syn
Der ist fatuus der gfatter in yn
Der düt mir ouch dar an gewalt
Wann er diß büchlin nit behalt



II

Wie ist an narren keyn gebrust
 Eyn yeder syndt das in gelust
 Und ouch war zū er sy geboren
 Und war vmb so vil sint der doren/
 Was ere vnd freud die wißheyt hat/
 Wie sōgklich sy den narren stat/
 Wie syndt man der welt gantzen louff
 Bis büchlin würt gūt zū dem kouff
 Zū schympff vnd ernst vnd allem spil
 Findt man hie narren wie man wil/
 Eyn wißer findt das in erfreudt
 Eyn narr gern von syn brüdern seyt/
 Wie findt man doren arm vnd rich
 Schlym schlem/eyn yeder findt syn glich/
 Ich schrott eyn kapp hie manchem man
 Der sich des doch nit nymet an
 Herz ich in mit sym namen gnent
 Er sprech/ich hett in nit erkennt/
 Doch hoff ich das die wisen all
 Werden har inn han wolgefall
 Und sprechen vß jr wissenheyt
 Das ich hab recht vnd wor geseit
 Sydt ich solch kuntschafft von in weyß
 So geb ich vmb narren eyn schweyß
 Sie müssen hören worheyt all
 Ob es inn joch nit wolgefall
 Wie wol Terentius spricht/das
 Wer worheyt sag/verdient haf
 Ouch wer sich langzyt schnützen dūt
 Der würfft ettwan von im das blūt

Folio

Und wam man Coleram anreygt
So würt die gall gar oft bewegt
Dar vmb acht ich nit/ob man schon
Adit worten mich würt byndergon
Und schelten/vmb myn nützlich ler
Ich hab der selben narren mer
Den wißbeyt nit gefallet wol
Diß büchlin ist der selben vol
Noch bitt ich yeden/das er mer
Will sehen an vernunff vnd er
Dann mich oder myn schwach gdicht
warlich hab ich on arbeit nicht
So vil narren zû samen bracht
Ich hab ettwan gewacht zû nacht
Do die schlieffent der ich dedacht
Oder villicht by spyl vnd wyn
Sassen/vnd wenig dochtent myn
Eyn teyl in schlytten vmher füren
Im schne/das sie wol halb erfrüren
Eyn teyl vff kalbßfüß gingen sust
Die andren rechten jr verlust
Den sie den tag hetten geban
Und was im inn gewyns dar vß möcht gan
Oder wie sie morn wolten liegen
Adit gschwätz/verkouffen/manchen triegen
Den selben noch zû dencken all
wie mir jr wyß/wort/werck/gefall
Ist wunder nit/ob ich schon oft
Do mit myn gdicht nit vürt gestrofft
Bewacht hab/so es nyeman hofft

III

In disem spiegel sollen schowen
All geschlecht der menschen man vñ frowen
Je eyns ich by dem andren meyn
Die man sint narren nit alleyn
Sunder findt man ouch nãrrin vil
Ben ich die schleyer/sturtz vnd wil
Mit narrenkappen hie bedeck
Metzen hant ouch an narren rœck
Sie wellen yetz tragen on das
was ettwan mannen schãntlich was/
Spitz schũch/vud vñ geschnytten rœck
Das man den milchmerck nit bedeck
wicklen vil budlen in die zœpf
Broß hœrner machen vff die kœpf
Als ob es wer eyn grosser stier
Sie gãnt har wie die wilden thier/
Doch sollen erber frowen mir
Uerzyhen/dann ich gantz nit jr
Bedencken zũ keyn argen will
Ben bösen ist doch nit zũ vil
Der selben man eyn teyl hie fyndt
Die in dem narren schiff ouch fyndt
Dar vmb mit flyß sich yedes sũch
Fyndt es sich nit in disem bũch
So mag es sprechen/das es sy
Der kappen vnd des kolben fry
Meynt yemant das ich in nit rũr
Der gang zũn wisen für die thũr
Und lydt sich/vnd sy gũtter dũg
Bis ich eyn kapp von Franckfurt bring

a iiii

Den vordantz hat man mir gelan
 Wann ich on nutz vil bücher han
 Die ich nit lyf / vnd nit verstan




Don vnutzen buchern

Das ich sytz vorman in dem schyff
 Das hat vorlich eyn sundern gryff
 On vrsach ist das nit gethan
 Uff myn libry ich mich verlan



III

Von büchern hab ich grossen hertz
 Verstand doch dreyen gar wenig wort
 Und halt sie dennacht in den eren
 Das ich inn will der fliegen weren
 Wo man von künsten reden düt
 Sprich ich/do heym hab ichs fast güt
 Do mitt lof ich benügen mich
 Das ich vil Bücher vor mir sich
 Der künig Ptolomeus bstelt
 Das er all Bücher hatt der welt
 Und hielt das für eyn grossen schatz
 Doch hatt er nit das recht gesatz
 Noch dar vberichten sich
 Ich hab vil Bücher ouch des glich
 Und lief doch gantz wenig dar inn
 War vmb wolt ich brechen myn synn
 Und mit der ler mich bekümbren fast
 Wer vil studiert/würt eyn fantast
 Ich mag doch sunst wol syn eyn ber
 Und lonen eym der für mich ler
 Ob ich schon hab eyn groben synn
 Doch so ich by gelerten byn
 So kan ich ja sprechen jo
 Des tütschen orden bin ich fro
 Dann ich gar wenig kan latin
 Ich weis das vinum heisset wyn
 Bucklus eyn gouch/stultus eyn dor
 Und das ich heis domine doctor
 Die oren synt verborzen mir
 Adan sah sunst bald eyns müllers thier



Wer sich vff gwalt im radt verlost
 Und henckt sich wo der wynd bar bloßt
 Der selb die suw jnn kessel stoßt



Von gutten reten

Al sint den ist dar no ch gar nott
 wie sie bald kumen in den rot
 Die doch des rechten nit verston
 Und blintlich an den wenden gon



Der güt Lusi ist leyder dot
 Achytosel besitz den rodt/
 wer vrteln sol vnd raten schlecht
 Der dunckt vnd folg alleyn zū recht
 Alff das er nit eyn zunsteck blib
 Do mit man die suw in keffel trib
 worlich sag ich es bat keyn fūg
 Es ist mit duncken nit genūg
 Do mit verkürtzet würt das recht
 Es dörfft das man sich bas bedecht
 Und witer fragt was man nit wust
 Bann würt das recht verkürtzet sust
 So hast keyn wörwort gegen gott
 Bloub mir für wo es ist keyn spott
 wann yeder wüst/was volgt bar noch
 Im wer zū vrteln nit so goch/
 Mit solcher moß/würt yeder man
 Gemessen/als er hat gethan
 wie du richtst mich/vnd ich richt dich
 Als würt er richten dich vnd mich/
 Eyn yeder wart noch synem dot
 Der vrtel die er geben hat
 wer mit sym vrteyl bschwäret vil
 Dem ist gesetzet ouch syn zyl
 Do er eyn gewaltig vrteyl syndt
 Der steyn der felt im vff den grindt
 wer hie nit halt gerechtikeyt
 Der syndt sie dort mit hertikeyt
 Keyn wisheyt/gwalt/fürsichtikeyt/
 Keyn ratt/gott wider sich vertreyt

Wer setzt syn lust vff zyttlich güt
 Und dar inn sücht syn freud vnd müt
 Der ist eyn narr inn lib vnd blüt



Vongytikeyt

Der ist eyn narr der samlet güt
 Und hat dar by keyn fryd noch müt
 Und weiß nit wem er solches spart
 So er züm synstren keller fart



VI

Vil narrechter ist der verdüt
 Adit üppikeyt vnd lichtem müt
 Das so jm gott hat geben beyn
 Dar inn er schaffner ist alleyn
 Und dar vmb rechnung geben müß
 Die me gilt dann eyn hand vnd füß
 Eyn narr verläßt syn fründen vil
 Syn sel er nit versorgen wil
 Und vörcht jm brest hie zyttlich güt
 Mit sorgent/was das ewig düt/
 O armer narr wie bist so blindt
 Du vörchst die rüd/vnd syndst den grindt
 Mancher mit sünden güt gewynt
 Dar vmb er in der hellen brynt
 Syn erben achten das gar kleyn
 Sie hülfen jm nit mit eym steyn
 Sie löften inn kum mit eym pfundt
 So er dieff ligt in belen grundt/
 Bib wil du lebst durch gottes ere
 Hoch dym dot würt eyn ander here/
 Es hat keyn wiser nye begerdt
 Das er möcht rich syn hie vff erd
 Sunder das er lert kennen sich
 Wer wiß ist/der ist me dann rich/
 Crassus das golt zū letst vß trangk
 Hoch dem inn hat gedürstet langk/
 Crates syn gelt warff in das mer
 Das es nit hyndert inn zū ler
 Wer samlet das zergenglich ist
 Der grabt syn sel in kott vnd mist

Wer vil nüw fünd machi durch die land
 Der gibt vil argern yß vnd schand
 Vnd halt den narren by der hand



Von nurven funden

Das ettwan was eyn schantlich ding
 Das wigt man yetz schlecht vnd gering
 Eyn ere was ettwan tragen bert!
 Jetz hand die wybschen mann gelert!



VII

Und schmyeren sich mit affen schmaltz
 Und dünt entblößen iren halß
 Til ring vnd grosse ketten dran
 Als ob sie vor sant Lienhart stan
 Mit swebel/hartz/büffen das har
 Dar in schlecht man eyer klar
 Das es im schüsselkorb werd krus
 Der henckt den kopff zum fenster vß
 Der bleicht es an der sunn vnd für
 Dar vnder werden lüse nit dür
 Die trügen yetz wol in der welt
 Das düt all kleyder sindt vol felt
 Röck/mäntel/hembder/vnd brustdūch
 Pantoffel/styfel/hosen/schūch
 wild kappen/mäntel/vmblouff dran
 Der jüdisch sytt wil gantz vff stan
 Bann eyn fund kum dem andern wicht
 Das zeygt das vnser gemüt ist licht
 Und wanckelbar in alle schand
 Til nüwerung ist in allem land
 Kurtz schentlich vnd beschrotten röck
 Das eyner kum den nabel döck
 Buch schand der tütschen nacion
 Das die natur verdeckt will han
 Das man das blößt/vnd sehen lat
 Dar vmb es leyder übel gat
 Und würt bald han eyn bößern stand
 we dem der yrsach gibt zu schand
 we dem ouch der solch sch and nit strofft
 Im würt zu lon das er nit hofft

Wie wol ich vff der grüben gan
 Und das schynt messer im ars han
 Adag ich myn narrheyt doch nit lan



Von altten narren

Adyn narrheyt loßt mich nit syn gryß
 Ich byn vast alt/doch gantz vn wif
 Eyn böses kynd von hundert jor
 Den jungen trag ich die schellen vor



Den kynden gib ich regiment
 Und mach mir selbst eyn testament
 Das mir leydt würt nach meynem dot
 Ich gib exempel vnd bößrödt
 Und trib was ich jung hab gelert
 Myner boßheit will ich syn geertt
 Und gtar mich rümen myner schand
 Das ich beschissen hab vil land
 Und hab gemacht vil wassers tryeb
 In bößheyt ich mich allzeyt yeb
 Und ist mir leyt/das ichs nit mag
 Trolbringen me/myn alten tag
 Aber was ich ytz nym mag thun
 Will ich entpfellen heyntz myn sün
 Der würt thun/was ich hab gespart
 Er koppt yetz mir noch in die art
 Es stat im dapferlichen an
 Lebt er/es würt vñ im eyn man
 Man muß sprechen/er sy myn sün
 Bann er dem schelmen recht würt thun
 Und würt sich in keyn düngen sparen
 Und in dem narren schiff ouch faren
 Das wirt mich nach mym dot ergetzen
 Das er mich wirt so gantz ersetzen
 So mit düt alter yetz vmb gan
 Alter will gantz keyn witz me han
 Susannen richter zeygten wol
 Was man eym alten truwen sol
 Eyn alter narr syner sel nit schon
 Schwär ist recht thun/ders nit hat gewont

wer synen kynden übersicht
 Ir mütwill/vnd sie straffet nicht
 Dem selben zů letzt vil leydes geschicht



Wonler der kynd
 Der ist in narrheyt gantz erbliynde
 Der nit mag acht han/das syn kynd
 Mit züchten werden vnder wist
 Vnd er sich sunders dar yff flyht

Das er sie laß irr gon on strauff
 Blich wie on hyrten gönt die schaff
 Und in all müt wil über sicht/
 Und meynt sie dörfen stroffens nicht/
 Sie syen noch nit by den jaren
 Das sie behalten in den oren
 was man in sag/sy strauff vnd ler/
 O grosser dor/merck zü vnd hör
 Die iugent ist zü behalten gering
 Sie mercken wol vff alle ding/
 was man in nüwe häfen schitt
 Den selben gschmack ver lont sie nitt
 Eyn iunger zwyg sich biegen lat/
 wan man eyn alten vnderstat
 Zü biegen/so knelt er entzwey
 Zymlich stroff/bringt keyn sörglich gschrey
 Die rüt der zucht vertribt on schmertz
 Die narrbeyt vff des kyndes hertz
 On straffung selten yemans lert
 Als übel wechset das man nit wert
 Ihely was recht vnd lebt on sünd
 Aber das er nit strafft syn kynd
 Des strafft in gott/das er mit klag
 Starb/vnd syn sün vff eyenen tag/
 Das man die kynd nit ziehen will
 Des fyndt man Carhelyn vil
 Es stünd yetz vmb die kynd vil bas
 Geb man schülmeister inn/als was
 Iphenix/den Ipeleus synem sün
 Achilli sücht/vnd zü wolt dūn

Philippus durh sücht kriechen landt
 Bis er sym sün eyn meister fandt
 Dem grösten künig in der welt
 wart Aristoteles zü geselt
 Der selb Platonem hort lang jor
 Und Plato Socratem dar vor
 Aber die vätter vnser zyt
 Dar vmb das sie verblent der gyt
 Nemen sie vff söllich meister nün
 Der in züm narren macht eyn sün
 Und schickt in wider heym zü huf
 Halb narrechter dann er kam druf
 Des ist zü wundern nit dar an
 Das narren narrecht kynder han
 Crates der alt sprach/wan es im
 Zü stünd/wolt er mit heller stym
 Schryen/jr narreu vnbedacht
 Ir hant vff güt samlen groß acht
 Und achten nit uff üwer kynd
 Den jr söllich richtüm samlen syndt
 Aber üch würt zü leist der lon
 wann üwer sün in radt sönt gon
 Und stellen zucht vnderen nach
 So ist inn zü dem wesen gach
 wie sie von jugent hant gelert
 Dann wirt des vatters leydt gemert
 Und frist sich selbst das er on nutz
 Erzogen hat eyn wynterbutz
 Enlich dün sich in büben rott
 Die lästern vnd geschmähen gott


Die andern hencken an sich sack
 Bise verspilten roß vnd rök
 Die vierden prassen tag vnd nacht
 Das würt vsz sollichen kynden gmacht
 Die man nit in der jugent zucht
 Und mit eym meyster wol versicht
 Dann anfang/mittel/end/der ere
 Entspringt alleyn vsz gütter lere
 Eyn löblich ding ist edel syn
 Es ist aber frömbd/vnd nit dyn
 Es kumbt von dinen eltern har/
 Eyn köstlich ding ist richtung gar
 Aber des ist des gelückes fall
 Das vff vnd ab dantz wye eyn ball/
 Eyn hüpsch ding der welt glory ist/
 Unstantbar doch/dem all zyt gbrist
 Schonheyt des libes man vil acht
 wert ewan doch kum über nacht/
 Blich wie gesuntheyt ist vast lieb
 Und stiel sich ab doch wie eyn dieb
 Groß sterck/acht man für köstlich hab
 Rymbt doch von kranckheyt/alter ab/
 Dar vmb ist nützt vnd ötlich mer
 Und bliblich by vns dann die ler
 Borgias frogt/ob sellig wer
 Von Persia der mächtig her
 Sprach Socrates/ich weiß noch nit
 Ob er hab ler vnd tugent üt/
 Als ob er sprech/das gwalt vnd gold
 On ler der tugent nützet solt

wer zwischen steyn vnd steyn sich leyt
 Und vil lüt vff der zungen dreit
 Dem widerfert bald schad vnd leydt



Von zwitteracht machen

Mancher der hat groß freud dar an
 Das er verwirret yderman
 Und machen künn diß hor vff das
 Dar vß vnfründschafft spring vnd has



Mit hynder red vnd liegen grof
 Gibt er gar manchem eynen stoß
 Der das erst über lang enpfindt
 Und machet vß dem fründ eyn fyndt
 Und das ers wol besyglen mög
 Lügt er/das er vil dar zü leg
 Und wills in bichts wiß han gethon
 Das nit verwiffung kum dar von
 Und das ers vnder der rosen hett
 Und in din eygen hertz geredt
 Meynen do mit gfallen wol
 Die welt ist sölicher zwytracht vol
 Das man eyns vff der zungen trag
 wyter dann vff eyn hangenden wag
 Als Choredet/vnd Absolon
 Das sie grof anhang möchten han
 Aber es schlytz in ybel vß
 In allem land ist Alchymus
 Der fründ zertrag vnd hynderlieg
 Und synger zwischen angel dieg
 Die werden oft geklembt dar von
 Als der/meynt entfohen lon
 Umb das er Saul erschlagen hett
 Und die do dönnen Hifbofeth
 Als dem der zwischen müllteyn lyt
 Eschicht/wer vil zwytracht macht all zyt
 Man sicht gar bald in geberden an
 was er sag vnd sy für eyn man
 Bürg man eyn narren hynder thür
 Er streck die oren doch har für

Wer nit kan sprechen ja vnd neyn
 Und pflegen rott vmb grof vnd kleyn
 Der hab den schaden jm alleyn



Zeit volgen guttem rath
 Der ist eyn narr der weiß will syn
 Und weder glympf noch moß düt schyn
 Und wan er wißheyt pflegen will
 So ist eyn goch syn faderspill

XIII

Vil syn von worten wise vnd klüg
 Die ziehen doch den narren pflüg
 Das schafft das sie vff jr weysheyt
 Verlossen sich vnd bschydikeyt
 Und achten vff keyn frömden ratt
 Bis in vnglück zü banden gat
 Syn sün Thobias all zyt lert
 Das er an wisen ratt sich kert/
 Dar vmb das nit volgt güttem ratt
 Und den veracht die hufsfrow Loth
 wart sie geplagt von gott dar von
 Und müst do zü eym zeichen ston/
 Do Roboam nit wolgen wolt
 Den alten wisen/ als er solt
 Und volgt den narren/ do verloz
 Er zehen gslecht/ vnd blieb eyn dor/
 Het Nabuchodonosor Daniel gebort
 Er wer nit inn eyn thier verkert
 Achabeus der sterckest man
 Der vil groß tugent hat gethan
 Het er gefolget Jozams ratt
 Er wer nit so erschlagen dot/
 Wer all zyt folgt syn eygnen houbt
 Und guttem ratt nit folgt vnd gloubt
 Der acht vff glück vnd heyl gantz nit
 Und wil verderben ee dann zyt
 Eyn fründes ratt nyemant veracht
 wo vil rät sint/ ist glück vnd macht
 Achitofel sich selber dot
 Das Saul nit volget synem ratt

wer hat hōß sitten vnd geberd
 Und guckt wo er zūm narren werd
 Der schlayfft die kappen an der erd



Von bosen sytten

Uil gand gar stoltz in schuben bar
 Und werffent den kopff bar vnd dar
 Dann hyn zū tal/dann vff zū berg
 Dann byndersich dann überz werg

Dann gont sie bald/dann vast gemacht
 Das gibt eyn anzeig vnd ursach
 Das sie hant eyn lichtferig gemüt
 Vor dem man sich gar billich hüt
 Wer wiß ist/vnd güt sitten hatt
 Dem selb syn we en wol an stat
 Und was der selb ansacht vnd düt
 Das dunckt eyn yeden wisen güt
 Die wor wißheyt vocht an mit scham
 Sie ist züchtig/still/vnd fridsam/
 Und ist jr mit dem gütten wol
 Des füllt sie got genaden vol
 Besser ist haben güt geberd
 Dann alle richtum vff der erd
 Als sitten man gar bald verstat
 Was eyner in syn hertzen hat
 Mancher der sytten wenig schonet
 Das schafft er hat syn nit gewont
 Und ist gezogen nit dar zü
 Des hat geberd er/wie eyn kü
 Die best gezierd/vnd höchster nam
 Das sint güt sitten/zucht/vnd scham
 Zü güttem sydt sich Noe zoch
 Doch schlug im Lham syn sün nit noch
 Wer eynen wisen sün gebert
 Der syt/vernunft/vnd wißheyt lert
 Der soll des billich dancken gott
 Der in mit gnad versehen hat
 Syns vatters nase Albinus ab
 Das er in nit hat gezogen ab

Wer vnrecht/gwalt/düt eynem man
 Der im nye leydes hat geihan
 Do stoffend sich sunst zeven an



Von varer fruntschafft

Der ist eyn nar/vnd gantz dorecht
 Der eynem menschen düt vnrecht
 Bann er dar durch gar manchem trôwt
 Der sich darnach syng vnglücks frôwt

wer synem fründt üt übels düt
 Der all syn hoffnung/trüw/vnd müt
 Alleyn gesetzet hat vff inn
 Der ist eyn narr vnd gantz on synn
 Adan fyndt der fründ/als David was
 Gantz keynen me/mit Jonathas
 Als Patroclus vnd Achilles
 Als Horestas vnd Philades
 Als Bemades vnd Pythias
 Oder der schiltknecht Saulis was
 Als Scipio/vnd Aelius
 wo gelt gebrüst do ist fründtschafft vß
 Keyner so lieb syn nehesten hat
 Als dann jm gesatz geschriben stat
 Der eygen nutz vertribt ail recht
 All fründtschafft lieb sipschafft/geschlecht
 Keyn fyndt man Moysi yetz gelich
 Der andre lieb hab/als selbst sich
 Oder als was Neemias
 Und der gotz vörchtig Thobias
 wem nit der gemeyn nutz ist als werd
 Als eygen nutz des er begert
 Den halt ich für eyn narrschen gouch
 was gmeyn ist/das ist eygen ouch
 Doch Layn ist in allem stat
 Dem leid ist was glücks Abel hat
 Fründtschafft wann es gat an eyn not
 Sant vier vnd zwentzig vff eyn lot
 Und wöl die besten meynen syn
 Sant syben wol vff eyn quitin

Wer yedem narren glauben will
 So man doch hört ver schrift so vil
 Der schickt sich wol ins narren spil



Verachtung der geschrift

Der ist eyn narr der nit der geschrift
 wil glouben die das heyl antrifft
 Und meynet das er leben soll
 Als ob keyn gott wer/ noch keyn held

XVI

Gerachtend all predig vnd ler
 Als ob er nit säb noch hör
 Kem eyner von den dotten bar
 So lieff man hundert mylen dar
 Das man von jm hort nuwe mer
 Was wesens in der hellen wer
 Vnd ob vil lüt füren dar in
 Ob man ouch schanckt do nuwen wyn
 Vnd des glich ander affen spyl
 Nun hat man doch der gschrifft so vil
 Von alter vnd von nuwer ee
 Adan darff keyn zügnis furter me
 Hoch süchen die kappel vnd klusen
 Des sackpiffers von Mickelsbusen
 Gott redt das vsz der warheit syn
 Wer bie sünd düt der lidt dort pyn
 Wer bie syn tag zü weißheyt kert
 Der wirt in ewigkeyt geert
 Gott hat geschaffen das ist war
 Das säb das aug vnd hört das or
 Dar vmb ist der blindt vnd ertoubt
 Der nit hört weißheyt vnd jr gloubt
 Oder hört gern nuw mår vnd sag
 Ich vörcht/es kumen bald die tag
 Das man me nuwer mår werd inn
 Dann vnß gefall vnd syg zü synn
 Iheremias der schrey vnd lert
 Vnd wart von neyman doch gehört
 Des glichen ander wisen me
 Des ging bar nach vil plag vnd we

Wer nit vor gürt/ee dann er ryt
 Und sich versicht vor hyn by zyt
 Des spot man/falt er an eyn sytt



Von vnbesintennarren

Der ist mit narrheyt wol vereynt
 Wer spricht/das heit ich nit gemeynt
 Dann wer bedenckt all ding by zyt
 Der satlet wol/ee dann er ryt



XVII

wer sich bedenckt nach der gedat
 Des anschlag gmeynlich kumbt zū spat/
 wer inn der gdat güt anschleg kan
 Der muß syn eyn erfarnier man
 Oder hat das von frowen gelert
 Die syndt solchs rates hoch geert
 Hett sich Adam bedacht vor baß
 Ee dann er von dem appfel aß
 Er wer nit von eym kleynen biß
 Bestossen vß dem Paradis/
 Hett Jonathas sich recht bedacht
 Er hett die gaben wol veracht
 Die im Tryphon in falscheyt bot
 Und in erschlūg dar noch zū dot/
 Güt anschleg kund zū aller zyt
 Julius der keyser/in dem stritt
 Aber do er hat fryd vnd glück
 Sumbt er sich an eym kleynen stuck
 Das er die brieff nit laß zū hant
 Die im in warnung wozent glant
 Mycano? überschlūg gering
 Clerkoufft das wilpret/ee ers fyng
 Syn anschlag doch so gröplich fält
 Zung/hand/vnd grynt man im abstrält
 Güt anschlag die sint all zyt güt
 wol dem/der sy by zyten dūt
 Dancher ylt/vnd kumbt doch zū spot
 Der stoßt sich bald/wem ist zū not/
 wer Asabel nit schnell gesyn
 Abner hett nit er stochen in

An mynem seyl ich draffter yeuch
 Vil narren/affen/esel/geuch
 Wie ich versuer betrug vnd leyh



Von buolschafft

frow Venus mit dem ströwen arß
 Byn nit die mynnst im narren sars
 Ich zuch zu mir der narren vil
 Und mach eyn gouch vß wem ich wil



XVIII

Adyn kunden nyemans nennet all
 wer hat gehört von Circes stall/
 Calypso/der Syrenen joch
 Der gedenck/was gwaltes ich hab noch
 welcher meynt das er wytzig sy
 Den dunck ich dieff in narren bry/
 wer eyn mol würt von mir verwundt
 Den macht keyn krüter krafft gesunt
 Darvmb hab ich eyn blinden sün/
 Keyn büler sicht was er sol thün
 Adyn sün eyn kyndt ist/nit eyn man
 Büler mit kyntheyt dünt vmbgan/
 Clon inn wirt selten dappfer wort
 Blich wie von eynem kind gehört/
 Adyn sün stat nacket vnd bloß all tag
 Bann bülschafft nyemen bergen mag/
 Böß lieb die flücht/nit lang sie stat
 Darvmb myn sün zwen flügel hat/
 Bülschafft ist lycht zu aller fryst
 Müt vnstätters vff erden ist/
 Cupido treit syn bogen bloß
 Elff yeder syt/eyn kocher groß/
 In eym/hat er vil hocken pil
 So mit trifft er der narren vil/
 Die sint scharff/gulden/hockecht/spitz/
 wer troffen würt der kumbt von witz/
 Und dantzet bar noch am narren holtz
 Im andern köcher/vogelboltz
 Sint stumpff/mit bly beschwert/nit lücht
 Der erst macht wunt/der ander flücht

Folio

Wan trifft Cupido/den entzyndt
Amor syn brüder/das er bründt
Und mag nit leschen wol die flam
Die Bidon jr leben nam
Und macht das Medea verbrant
Ir kynd/den brüder dot mit jr bandt
Teseus wer ouch keyn widhopff nit/
Pasypbae den stier vermitt/
Phedra Theseo für nit nach
Hoch sücht an irem stieffün schmah/
Messus wer nit geschossen dott/
Troy wer nit kumen in solch nott
Scilla dem vatter lief syn boz
Hyacinthus wer keyn ritter spor/
Leander nit syn schwymmen dat
Messalina wer in küscheyt stat
Mars ouch nit inn der ketten lag
Procris der becken sich verwäg
Sapho nit von dem berg ab fiel
Syrän vmbkerten nit die kyel
Circe lief faren wol die schiff
Cyclops vnd pann nit leichtlich pfiff
Leucothoe nit wybrouch gbär
Myrrha wer nit Adonis schwär
Byblis wer nit irm brüder holt
Dana entpfeng nit durch das golt
Myctimine flüg nit vß by nacht/
Echo nit wer eyn stym gemacht/
Lysbe ferbt nit die wissen böz
Athalanta keyn löwyn wer

Des leuten wyb wer nit geschmâcht
 Und darumb erschlagen eyn geschlecht
 David ließ wesschen Bersabe
 Samson ver trüwt nit Balide
 Die abgât Salmon nit anbât
 Amon wer an synr Schwester stât
 Joseph wûrd nit verklagt vmb suß
 Als Bellerophon Hippolitus
 Der wiß man als eyn roß nit gyng
 Am thurn Virgilius nit hyng
 Quidius hett des keyfers gunst
 Hett er nit gelert der büler kunst
 Es kâm zû wißheyt mancher me
 wan im nit wer zûr bülschafft we
 wer mit frowen hat vil credentz
 Dem wirt verbrennt syn conscientz
 Und mag gentzlich nit dienen gott
 wer mit inn vil zû schaffen hatt
 Die bülschafft ist eym yeden stand
 Gantz spötlich/narrisch/vnd eyn schand
 Doch vil schântlicher ist sie dann
 So bülen dünt alt weib vnd man/
 Der ist eyn narr/der bülen will
 Und meynt doch halten maß vnd zyl/
 Dann das man wißheyt pfleg vnd bül
 Als gantz nit ston in eynem stül/
 Eyn büler wirt verblânt so gar/
 Er meyntes nârn nyemans syn war
 Bis ist das krefftigste narren krutt
 Bis kappen klâbt lang an der butt

wer spricht das gott barmhertzig sy
 Alleyn/ vnd nit gerecht dar by
 Wer hat vernunft wie genß vnd sü



Von vermessenheyt gotz

Der schmyert sich wol mit esels schmaltz
 Vnd hat die büchsen an dem hals
 Der sprechen gar/ das gott der herr
 So barmhertzig sy/ vnd zürn nit ser

Ob man joch ettwan sünd wolbung/
 Und wygt die sünden also gering
 Das sünden ye sy gantz menschlich
 Nun hab doch gott das hymelrich
 Ben gensen ye gantz nit gemacht
 So hab man all zyt sünd volbracht
 Und vobe nit erst von nüwen an/
 Die Bybel er erzelen kan
 Und ander sunst hystorien vil
 Dar vß er doch nit mercken will
 Das allenthalb die stroff dar nach
 Beschriben stat/mit plag vnd rach/
 Und das gott nye die lieng vertrüg
 Das man in an eyn backen schlug/
 Gott ist keyn böhem/oder Watt
 Ir sprochen er doch wol verstat/
 wie wol syn barmung ist on moß/
 On zal/gewiecht/vnnentlich groß/
 So blibt doch syn gerechtikeyt
 Und strofft die sünd in ewikeyt
 An allen den/die nit dünt recht
 Dar oft/bis inn das nünd geschlecht
 Barmhertzikeyt die leng nit stat
 wenn gott gerechtikeyt verlat/
 wor ist/der hymel könt nit zu
 Ben gensen/aber ouch keyn kü
 Keyn narr/aff/esel/oder schwyn
 Kumbt yemer ewiklich dar in/
 Und was ghört in des tufels zal
 Das nymbt im nyeman über al/

wer buwen will/der schlag vor an
was kostens er dar zū müß han
Er würt sunst vor dem end ab stan



Von narrechtē anschlag

Der ist eyn nar der buwen wil
Und nit vor byn anschlecht wie vil
Was kosten werd/vnd ob er mag
Vollbringen solchs/nach sym anschlag




Vil hant grof buw geschlagen an
 Und möchten nit dar by bestan
 Der künig Nabuchodonoso:
 Er hūb in hochfart sich entbor:
 Das er Babylon die grosse statt
 Durch synen gewalt gebuwen hat
 Und kam in doch gar bald dar zū
 Das er in feld bleib/wie eyn kū
 Memroth wolt buwen hoch in lufft
 Eyn grossen thurn für wassers klüfft
 Und schlug nit an das in zū schwār
 Syn buwen/vnd nit möglich wer
 Es buwt nit eyn yeder so vil vñ
 Als vor zytten dett Lucullus
 Wer buwen will/das in nit ruw
 Der bedenck sich wol/ee dann er buw
 Dann manchem kumbt syn ruw zū spat
 So in der schad inn seckel gat/
 Wer etwas grof will vnderstan
 Der soll syn selbst bewerung han
 Ob er mög kumen zū dem stat
 Den er in für genomen hatt
 Do mit in nit eyn glück zū fall
 Und werd zū spot den menschen all/
 Vil wāger ist/nit vnderstan
 Dann mit schad/schand/gespōt ablan/
 Pyramides die kosten vil
 Und Labrynthus by dem Nil/
 Doch ist es als nūn langst do byn
 Keyn buw mag lang vñ erd hie syn

Füllig in künfftig armüt feltt
 wer statts noch schleck vnd füllen stelt
 Und sich den brassern zu geselt




Von fullen vnd prassen


Der düt eym narren an die schü
 Der weder tag noch nacht hat rüw
 wie er den wanst full/vnd den buch
 Und mach vß im selbs eyn wynschluch






Als ob er dar zu wer geboren
 Das durch in wurd vil wyns verloren
 Und er wer eyn täglicher ruff
 Der gehört wol in das narren schiff
 Wann er zerstört vernunft vnd synn
 Das wirt er in dem alter inn
 Das in würt schlottern kopff vnd hend
 Er kürzt syn leben vnd syn end
 Eyn schädlich ding ist vmb den wyn
 By dem mag nyeman witzig syn
 Wer freud vnd lust dar inn im sucht
 Eyn drunckner mensch gar nyemans rucht
 Und weiß keyn moß noch vnderseyt/
 Vil vnkusch kumbt vß trunckenbeyt/
 Vil übelß ouch dar vß entsprinckt/
 Eyn wiser ist/wer syttlich drinckt/
 Moemöcht lyden nit den wyn
 Der inn doch fand vnd plantzet in/
 Loth sündt durch wyn zur anderñ fart/
 Durch wyn der touffer köppfet wart/
 Wyn machet vß eym wisen man
 Das er die narrenkapp streift an/
 So Israhel sich füllen wol/
 Und inn der buch was me dann vol/
 So syngen sie zu spilen an
 Und müsten do gedantzet han/
 Gott gebot den sūnen Aaron
 Das sie syn soltten wynes on/
 Und alles das do truncken macht
 Des priesterschaft doch wenig acht




So Iholofernes druncken wart
 Uer loz den kopff/zü dem bart/
 Thamyris riecht zü spieß vnd tranck
 So sie den künig Lyrum zwang
 Durch wyn lag nyder Bennedab/
 Do er verloz noch all syn hab
 All ere vnd tugent gar vergaß
 Alexander/wann er truncken was/
 Und dett gar oft in trunckenheyt
 Das im wart selber dar noch leit/
 Der rich man tranck als eyn gesell
 Und aß des morgens in der hell/
 Der mensch wer fry/keyn knecht gesyn
 Wan drunckenheyt nit wer/vnd wyn
 wer wyls vnd seyft dings flyßet sich
 Der wirt nit sellig oder rich/
 Dem we vnd synem vatter we
 Dem würt krieg/vnd vil vnglücks me
 wer statts sich füllet wie eyn kü
 Und will eym yeden drincken zü
 Und warten/als dans man im bringt/
 Bann wer on nott vil wyls vß drinckt
 Dem ist glich/als der vß dem mer
 Entschloß/vnd lyt on synn/vnd wer
 Als dünt die vß dem praß hant acht
 Schlemmen vnd demmen/tag vnd nacht
 Den dreit der wirt noch kuntschafft zü
 Eyn büß vnd viertheyl von eyner kü
 Und brangt inn mandel/figen/rif/
 So bzalen sie in vß dem yß





Vil würden bald vast witzig syn
 Wann wisheyt steckt inn dem wyn
 Die inn sich giessen spat vnd frū
 Je eyner drinckt dem andern zū
 Ich bring dir eyns / ich kützel dich /
 Das gbürt dir / der spricht / so wart ich /
 Und wer mich / biß wir beid sint vol
 So ist den narren yetz mit wol
 Eyns vff dem becher / zwey für den mund
 Eyn strick an den hals wer eym gesundt
 Und wāger dann sollich füllery
 Triben / es ist eyn grof narry /
 Die Seneca zittlich für sach
 Dar vmb er inn syn büchern sprach
 Das man würd etwai geben mer
 Eym druncken / dann eym nüchtern ere
 Und man wurd wellen gerümet syn
 Das eyner druncken wer von wyn
 Die biersupper ich dar zū meyn
 Do eyner drinckt eyn tunn alleyn
 Und werden do by also vol
 Adan lieff mit eym eyn tür vff wol /
 Eyn narr muß vil gesoffen han
 Eyn wyser mäßlich drincken kan
 Und ist gesünder vil dar mit
 Dann / der mit kübeln in sich schüt
 Der wyn ist gar senfft am jngang
 Zū letst sticht er doch wie eyn schlang
 Und güßt syn gift durch alles blüt
 Blich wie der Basiliscus dūt





wer güt bat/ vnd eregüt sich mit
 Und nit dem armen do von gytt
 Dem wirt verseit/ so er ouch bitt




Alon vnnutzem richthum
 Die größte dorheyt in aller welt
 Ist/ das man eret für wißheyt gelt/
 Glud zücht bar für eyn richen man
 Der oren bat/ vnd schellen dran



Der muß alleyn ouch in den rat
 Das er vil zû verlieren hat/
 Eym yeden gloubt so vil die welt
 Als er hat inn synr tāschen gelt
 Der pfenning der muß vomen dran
 Wer noch in leben Salomon
 Man lieh in/in den rat nit gon
 wann er eyn armer weber wer
 Oder im stünd syn seckel ler/
 Die richen ladt man zû dem tisch
 Und bringt in wilpret/vögel/visch/
 Und dût on end mit inn hosiern
 Die wile der arm stat vor der türen
 Und schwitzet/das er möcht erfrieren/
 Zum richen spricht man/essen herr/
 O pfenning/man dût dir die ere
 Du schaffst/das vil dir gûnstig sint
 Wer pfenning hat/der hat vil fründ
 Den grüßt vnd schwgert yeder man/
 Wolt eyner gern eyn ee frow han/
 Die erst frag ist/was hat er doch/
 Man fragt der erberkeyt/nym noch
 Oder der wifheyt/ler/vernuufft
 Man sücht eyn vß der narren zunfft
 Der inn die milch zû brocken hab
 Ob er joch sy eyn köppels knab
 All kunst/ere/wifheyt/ist vmb sunst
 Wo an dem pfenning ist gebrust
 Wer syn oz/von dem armen stopfft
 Den hört gott nit/so er ouch klopfst




Der vocht zwen hasen vff eyn mol
 wer meynt zweyn herren deinen wol
 And richten vß me dann er soll




Von dienst zweyer herren

Der ist eyn narr der vnderstot
 Der welt zû dienen / vnd ouch gott
 Bann wo zwen herren hant eyn knecht
 Der mag in nyemer dienen recht





Bar oft verdürbt eyn hantwercks man
 Der vil gewärb vnd hantwerck kan
 Wer jagen wil / vff eyn stand
 Zwen hasen vohen / mit eym hund
 Dem würt etwan kum eyner wol
 Bar dick würt jm gantz nit zū mol
 Wer schiessen vß vil armbrust will
 Der trifft kum etwan wol das zyl
 Wer vff sich selbst vil ämpter nympt
 Der mag nit tūn das yedem zymbt
 Der bie muß syn vnd ander wo
 Der ist recht weder bie noch do
 Wer tūn wil das eym yeden gefalt
 Der muß han ottem warm vnd kalt
 Und schlucken vil das jm nit schmeckt
 Und strecken sich noch der gedeck
 Und künden pfulwen vnderstrowen
 Eym yeden vndern ellenbogen
 Und schmieren yedem wol syn stryn
 Und lügen das er keynen erzürn
 Aber vil ämpter schmecken woll
 Adan wermbt sich bald by grossem kol
 Und wer vil win versüchen dūt
 Den dunckt doch nit eyn yeden gūt
 Dan schlecht geschmydt / ist bald bereyt
 Dem wisen liebt eynfaltikeyt
 Wer eynem dient / vnd dūt jm recht
 Den halt man für eyn trüwen knecht
 Der esel starb / vnd wart nye satt
 Der all tag nuwe herren hatt





wer syn zung vnd syn mundt bebüt
 Er schirmt vor angst/sel/vnd gemüt
 Eyn specht syn jung mit geschrey verriet




Von vil schreyzen

Der ist eyn nar der anden wil
 Dar zū sunst yederman schwigt stil
 Tnd wil on not verdienen baß
 So er mit ere möcht schwigen baß

wer reden wil/so er nit sol
 Der fügt in narren orden wol
 wer antwort/ee man frogt in
 Der zeigt sich selbs eyn narren syn
 Mancher hat von sym reden freid
 Dem doch dar vñ kumbt schad vnd leid
 Mancher verlaßt sich vñ syn schwätzen
 Das er eyn nufred von eyner hätzen
 Des wort die sünd so starck vnd dieff
 Das er eyn loch redt in eyn bueff
 Und riechtet zu eyn geschwetz gar licht
 Aber wenn er kumbt zu der bicht
 So es im gilt ewig lon
 So will die zung von stat nit gan/
 Es sindt vil Mabal noch vñ erd
 Die schwätzen me dan in gut werd/
 Mancher für witzig würd gescherzt
 wann er sich nit hett selbst verschwätzt
 Eyn späch verradt mit syner zung
 Das man syn näst findt/vnd die iung
 Mit schwigen man verantwurt vil
 Schaden entpogt/wer schwätzen wil/
 Es ist die zung eyn kleyn gelid
 Bringt doch vil vnru/vnd vnfrid
 Befleckt gar dick den gantzen lib
 Und macht vil zanken/krieg/vnd kyb
 Und ist eyn wunder groß in mir
 Das man macht zam eyn yedes thier
 wie hert/wie wild/wie grym das ist/
 Keyn mensch syn zungen meister ist



Zung ist eyn vngerüwigs güt
 Vil schaden sie dem menschen düt/
 Durch sie/ so dünt wir schelten gott
 Den nächsten gschmähen wir mit spot
 Mit fluchen/noch red/vnd veracht/
 Den gott noch sym bild hat gemacht/
 Durch sie/verrotten wir vil lüt
 Durch sie/blibt vnuerschwigen nüt/
 Adanher durch geschwätz sich so begot
 Er darff nit kouffen wyn noch brot
 Die zung die brucht man in das recht
 Durch sie würt krum das vor was schlecht
 Durch sie/verlürt manch armer man
 Syn sach/das er muß bettlen gan/
 Schwätzer ist nüt zü reden vil
 Er kitzet sich/vnd lacht wenn er wil
 Und redt keym menschen üt güts noch
 Er sy joch nyder oder hoch/
 welch machen groß geschrey vnd bracht
 Die lobt man yetz/vnd hat jr acht
 Floz vf/welch köstlich inbar gant
 Vil grosser rock vnd ring an hant
 Die fügen yetz woll fur die lüt
 Eyn dünnen rock acht man yetz nüt/
 wer noch vfferd Demosthenes
 Tullus oder Eschynes
 Adan geb in durch jr wisbeyt nüt
 wann sie nit künden bschissen lüt
 Und reden vil geblümter wort
 Und was eyn yeder narr gern hort/



wer vil redt/der redt dickt zû vil
 Und muß ouch schiessen zû dem syl
 werffen den schlegel ver vnd witt
 Und rinckengyessen zû widerstrit/
 Til schwätzen ist selten on sünd
 wer vil lügt der ist nyemans fründ
 wer herren vbel redt üt
 Das blibt verschwigen nit lang zit
 Ob es joch ver geschâh von jm
 Die vogel tragen vß din stym
 Und nymbt die leng nit wol güt end
 Bann herren hand gar lange bend/
 wer vber sich vil bowen wil
 Dem vallen spân inn die ougen vil
 Und wer syn mundt inn hymel setzt
 Der würt oft mit sym schad geletzt/
 Eyn narr syn geist eyns mols vff schütt
 Der wiß schwigt vnd beit künfftig zytt
 Als vnnütz red/keyn nutz entspringt
 Schwätzen me schad dan frommen bringtt
 Bar vmb vil wâger ist geschwigen
 Bann schwätzen reden oder schryen
 Sotades durch wenig wortt
 Bekerckert wart als vmb eyn mozt
 Er sprach alleyn Theocrytus
 Das einoygig wer Antigonus/
 Und starb drum in sym eygem huf
 Als Demoshenes vnd Tullius
 Schwigen ist loblich/recht/vnd güt
 Besser ist red/der im recht dût

Wer etwas syndt/vnd dreit das byn
 Vnd meynt gott well/das es sy syn
 So hat der tufel bschiffen in



Vonschatz fynden

Der ist eyn nar der etwas syndt
 Vnd im synn ist also blindt
 Vnd spricht/das hat mir got bschert
 Ich acht nit wem es zü gehört

XXVIII

was eyner nit bat vß gespreyt
 Das ist zû schnyden jm verseit
 Eyn yeder wiß by siner ere
 Das das eym andern zû gehöꝛ
 was er weiß das es syn nit ist
 Es hilfft nit/ob jm schon gebriest
 Und er es fyndet on geuerd
 Er lüg das es dem wider werd
 weist er in/des es ist gesyn
 Oder geb es den erben syn
 Ob man die all nit wissen kan
 So geb man es eym armen man
 Oder sunst durch gotts willen vß
 Es soll nit bliben in dym huß
 Bann es ist ab getragen gütt
 Dar durch verdampt in hellen glütt
 Dar mancher vmb solch sunden sitzt
 Ben man oft ribt/so er nit schwitzt/
 Achor behielt das nit was syn
 Und brocht dar durch das volck in pyn
 Zû lest wart jm/das er nit meynt
 So man on barmung in versteynt/
 wer vß sich ladt eyn kleyne bürd
 Der nâme eyn grosser/wen es jm würd
 fynden vnd rouben acht gott glich
 Bann er dyn hertz an sicht vnd dich
 Ul wâger ist gantz fynden nüt
 Bann fundt/ven man nit wider gitt
 was man fyndt vnd kumbt eym zû huß
 Das kumbt gar yngern wider druß

e iiii

Wer zeygen düt eyn güte stroß
 Und blibt er in dem pfütz vnd moß
 Der ist der synn vnd wisheyt bloß



Von stroffen vnd selb tun

Der ist eyn nar der straffen will
 Das im zū tūn nit ist zū vil
 Der ist eyn nar vn vngeert
 Der alle sach zūm bösten kert


Und yedem ding eyn spett anhenckt
 Und nit syn eyggen bresten denckt
 Eyn hant die an dem wägscheid stat
 Die zeygt eyn weg/den sie nit gat
 Wer in syn oug eyn troboum trag
 Der tûg in druf/ee dan er sag
 Brüder/hab acht/ich sieh an dir
 Eyn äglin das mißfellet mir
 Ea stat eym lerer vbel an
 Der sunst kan stroffen yederman
 wann er das laster an jm hatt
 Das vbel ander lüt an stat/
 Und das er liden muß den spruch
 Herr artzt dünt selber heylen üch
 Ancher kan rotten ander lüt
 Der jm doch selb kan raten nüt
 Als Gentilis vnd Mesue
 Der yeder starb am selben we
 Bes er meynt helffen yederman
 Und aller meyst geschriben von
 Byn yedes laster das geschieht
 So vil schynbarer man das sieht
 So vil/als der wurt höher geacht
 Der sollichs laster hat volbracht
 Bü vor die werck/dar noch die lere
 wilt du verdienen lob vnd ere
 Das volck von israhel hatt synn
 Stroffen die sün Benyamyn
 Und lagen sye dar nyder doch
 Dann sye in sünden woren noch

Wer gern die wißheyt hört vnd lert
 Bentzlich zú jr sich all zyt kert
 Der würt in ewikeyt geert



Die ler der wißheyt
 Die wißheyt schrygt mit heller stym
 O menschlich gschlecht myn wort vernym
 Tuffschydikeyt hant acht jr kyndt
 Mercken all die in dorheyt syndt





Büchen die ler vnd nit das gelt
 wisheyt ist besser dann all welt
 Und alles das man wünschen mag
 Stellen noch wisheyt nacht vnd tag
 Flüt ist/das jr glich vff erd
 In rätten ist wisheyt gar werdt
 All sterck vnd all fürsichtikeyt
 Stot zū mir eyn/spricht die wisheyt
 Burch mich/die künig hant jr kron
 Burch mich/all gsatz mit recht vff ston
 Burch mich die fürsten hant jr landt
 Burch mich/all gwält jr rechtspruch handt
 wer mich lieb hat/den lieb ouch ich
 wer mich frū sucht/der fyndt mich
 By mir ist richtum/güt vnd ere
 Mich hat besessen gott der herre
 Von anbegynn in ewigkeyt
 Burch mich hatt gott all ding bereyt
 Und on mich ist gar nüt gemacht
 wol dem/der mich allzyt betracht
 Dar vmb myn sūn nit synt so trāg
 Sellig ist der gat vff myn wāg
 wer mich fyndt/der fyndt heyl vnd glück
 Der mich hasst/der verdirbt gar dick
 Die plag würt vber narren gon
 Sie werden wisheyt sehen an
 Und den lon/der drumb ist bereit
 Und werend wurt in ewikeyt
 Das sie inblütend/vnd selbst sich
 In jamer nagent ewiklich



Wer meynt das im gantz nüt gebreht
 Und er glück hab vffs aller best
 Den trifft der klüpfel doch zu lest



Von vberhebung glücks

Der ist eyn nar der rümen gtar
 Das im vil glücks zu handen far
 Und er glück hab in aller sach
 Der wart des schlegels vff dem tuch





Dann glücksal der zergenglicheyt
 Eyn zeychen ist vnd vnderfcheyt
 Das gott des menschen sich verrücht
 Ben er zu zytten nit heym sücht
 Im spruchwort/ man gemeynlich gyecht
 Eyn fründt den andern oft besiecht
 Eyn vatter strofft oft eyn sün
 Das er vorcht hab/ vnd recht ler tün
 Eyn artzt/ gibt sur vnd bitter tranck
 Do mit dest ee genäß der kranck
 Eyn scherer meysfelt/ schnydt die wund
 Do mit der siech bald werd gesunt/
 We we dem kranken wann verzagt
 Der artzt/ vnd er nit strofft/ noch sagt
 Das solt der siech nit han gethon
 Er solt das/ vnd das han gelon/
 Sunder er spricht/ gent im recht byn
 Als das er wil/ vnd glustet in/
 Als wän der tufel bschissen wil
 Dem gibt er glück/ vnd richtum vil
 Bedult ist besser in armüt
 Dann aller welt glück/ richtum/ güit/
 Sins glücks sich nyemas yberhab
 Dann wenn gott will/ so nymt es ab
 Eyn narr ist/ wer do schriget dyck
 O glück wie loß du mich/ o glück
 Was zychstu mich/ gib mir so vil
 Das ich eyn narr blib noch eyn wil
 Dann grosser narren wurden nye
 Dann die allzyt glück batten bye


wer aller welt sorg vff sich ladt
 Und nit gedenckt syn nutz vnd schad
 Der lyd sich/ob er erwan bad



Von zu vil sorg
 Der ist eyn nar der tragen will
 Das im vff heben ist zu vil
 Und der alleyn will vnderston
 Das er selb datt nit möcht gethon

wer nympt die gantz welt vff syn rüch
 Der felt in eynem ougen blück
 Man list von Alexander das
 Die gantz welt im zu enge was
 Vnd schwitzt dar inn/als ob er nüt
 Für synen lib genüg hett wirt
 Lief doch zu lest benügen sich
 Adit syben schübigem ertrich
 Alleyn der dot erzeigen kan
 wo myt man müß benügen han
 Biogenes vil mächtiger was
 wye wol syn bebusung was eyn faß
 Vnd er nütt hatt vff aller erdt
 So was doch nüt das er begerdt
 Van Alexander solt für gon
 Vnd im nit vor der sunnen ston/
 wer hohen dingen stellet noch
 Der müß die schantz ouch wogen hoch
 was hilff eyn menschen das er gewyn
 Die gantz welt/vnd verdürb er dryn
 was hilff dich/das der lib kām hoch
 Vnd für die sel ins bellen loch/
 wer sorgt ob die gens gent bloß
 Vnd fagen wil all gassen vnd stroß
 Vnd eben machen berg vnd tal
 Der hat keyn fryd/rüw/vberal
 Zu vil sorg/die ist nyeman für
 Sie macht manchen bleich vnd dürr
 Der ist eyn narr der sorgt all tag
 Das er doch nit gewenden mag



Wer vil zu borg vff nemen wil
 Dem essent wölff doch nit syn zyl
 Der esel schlecht in vnder wil



Von zu borg vffnemen

Der ist me dan eyn ander narr
 Wer statts vff nymbt vff borg vnd har
 Und in im nit betrachten wil
 Das man spricht/wölff essen keyn zyl



Als dünt ouch die/den jr bofheyt
 Gott lang vff besserung' vertreyt
 Und sie doch täglich mer vnd mer
 Tlfladen/dar durch gott der herr
 Ir wartet/bis das stündlin kunt
 So bezalen sie bym mynsten pfundt
 Es sturben frowen/vieh/vnd kynndt
 Do der von Amorien sünd
 Und Sodomiten kam jr ziel
 Hierusalem zü boden fiel/
 Do jm gott beittet lange jor
 Die Hiniuiten bezaltten vor
 Bar bald jr schuld/vnd wurden quit
 Doch behartten sie die lenge nit
 Sie nomen vff noch grösser we
 Des schickt in gott keyn Jonas me/
 All ding die hant jr zyt vnd zyl
 Und gont jr stroß noch/wie gott will/
 wem wol ist mit nemmen vff borg
 Der hat zü bezalen gantz keyn sorg/
 Mit bis by den/die bald jr hendt
 Strecken/vnd für dich bürgen wendt
 Dann so man nit zü bezalen hett
 Sie nemen kuter von dem bett/
 Do hunger in Egypten was
 Nomen sie korn vff so vil/das
 Sie eygen wurden binden noch
 Und müsten das bezalen doch/
 wann der esel anfocht syn dantz
 halt man in nit wol by dem schwantz




wer wünschet das er nit verstor
 Und nit syn sachen setzt zū gott
 Der kumbt zū schaden dick vnd spott




Von vnnutzen wunschen

Der ist eyn nar der wunschen dūt
 Das im als bald schad ist als gūt/
 Und wan ers heit vnd wurd im wor
 So wer er doch eyn nar als vor

Adas der künig wünschen wolt
 Das als / das er angriff / würd goldt
 Do das wor wart / do leidt er nott
 Dann jm zū gold wart wyn vnd brot /
 Recht hatt er / das er deckt syn hor
 Das man nit säch syn esels or
 Die dar noch wüchsen in dem ro
 we dem / syn wünsch all werden wor
 Til wünschen das sie leben lang
 Und dū der sel doch allo trang
 Adit schlemmen / prassen jm wynbus
 Das sie vor zyt muß faren vß /
 Dar zū / ob sie schon werden alt
 Sint sie doch bleich / siech / vngestalt
 Ir backen vnd hūt sint so lār
 Als ob eyn aff jr mütter wār /
 Til getzlicheyt die jugent hat
 Das alter in eym wesen stat
 Inn zyttern glyder / stym / vnd hirn /
 Eyn trieffend naß / vnd glatzecht stirn /
 Synr frowen ist er fast vnmār /
 Im selbst / vnd synen kynden schwer
 Im schmeckt vnd gefelt nūt was man dūt
 Und sicht vil / das in nit dunckt gūt /
 welch leben lang / die hand groß pin
 All zyt in nūwen vnglück syn
 In truren vnd in stātem leidt /
 Enden jr tag in schwartzem kleyd
 Hektor / Pleus / vnd Laertes /
 Beklagten sich im alter des



Das sie zu lang ließ leben gott
 So sie jr sün an schowen dot/
 wer Priamus gestorben vor
 Und het gelebt nit so vil jor
 Sah er nit leyd so jämmerlich
 An sün/frow/dochter/stat/vnd rich/
 wann Mythridates/vnd Marius/
 Cresus/vnd der grof Pompeyus
 Mit werent worden also alt
 werent sye dott in grossem gwalt/
 wer hüpscheyt jm/vud synem kynd
 wünschet/der sücht vrsach zu sünd
 wer Helena nit gewesen schon
 Paris het sie in kriechen gelon
 wer hässlich gsyn Lucrecia
 Sie wer geschmähet nit also/
 Het Byna koppff vnd hofer ghan
 Sychen het sie gelossen gan/
 Es ist gar selten das man treit
 Bynander schonheyt vnd küscheyt/
 Glor vß/die hübschen hansen nün
 Die went allbübery yetz dūn
 Und werden doch gefellet dick
 Das man sie sticht in narren strick/
 Mancher wünscht/hüser/frow/vnd kynd
 Oder das er vil gulden fynd
 Und des glich göuckels/das gott wol
 Erkennt/wie es geroten sol
 Bar vmb gibt er vns etwan nüt
 Und das er gibt/nymbt er zu zyt



Ettlich dem gwalt ouch wünschen noch
 Und wie sie stygen vff vast hoch
 Und betrachten nit das höher gewalt,
 Best höher wider abber falt
 Und das /wer vff der erden lyt
 Der darff vor vall sich vörchten nyt
 Gott gibt vnß alles das er will
 Er weyß was recht ist / was zü vil
 Ouch was vnß nütz sy / vnd kum wol
 war vß vnß schad entspringen soll
 Und wann er vnß nit lieber bett
 Bann wir vnß selbs / vnd das er dāt
 Und macht vnß (was wir wünschten) wor
 Es rüwt vnß / ee vß kem eyn jor /
 Bann vnser bgir die macht vnß blind
 Zü wünschen ding / die wider vnß sint
 wer wünschen well das er recht leb
 Der wünsch das jm gott dar zü geb
 Eyn gsunden synn / lib vnd gemüt
 Und in vor vorchet des todes bhüt
 Clorzorn / begyr / vnd bösem gydt
 wer das erwirbt in diser zyt
 Der hat syn tag geleyt bas an
 Bann Hercules ye hat gethan
 Oder Sardanapalus hatt
 In wollust / gfüll / vnd fäder watt
 Und hat alles das jm würt syn not
 Darff nit an rüffen glück für gott
 Eyn narr wünscht synen schaden dick
 Syn wünsch würt oft syn vnglück

Wer nit die recht kunst studiert
 Der selb jm wol die schellen rürt
 Und würt am narren seyl gefürt



Von vonutzem studieren
 Der studenten ich ouch nit fyr
 Sie hant die kappen vor zü stür
 wann sie alleyn die streiffen an
 Der zippfel mag wol naber gan



Dann so sie soltten vast studieren
 So gont sie lieber bübelieren
 Die jugent acht all kunst gar kleyn
 Sie lerent lieber yetz alleyn
 Das vnnütz vnd nit fruchtbar ist
 Das selb den meisteren ouch gebrüst
 Das sie der rechten kunst nit achten
 Vnnütz geschwätz alleyn betrachten
 Ob es well tag syn / oder nacht
 Ob hab eyn mensch / eyn esel gemacht
 Ob Socrates oder Plato louff /
 Solch ler / ist yetz der schüler kouff /
 Sindt das nit narren vnd gantz dumb
 Die tag vnd nacht gant do mit vmb
 Vnd krützigem sich vnd ander lüt
 Keyn bessere kunst achten sie nüt
 Dar vmb Origenes / von jnn
 Spricht / das es sint die frösch gesyn
 Vnd die hundes mucken die do hant
 Bedurechtet Egypten landt /
 Do mit so gat die jugent hyen
 So sint wit zü Lyps / Erfordt / wyen
 Zü Heidelberg / Adentz / Basel / gstanden
 Kumen zü letst doch beym nit schauden
 Das gelt ist verzeret do
 Der truckery sin wir dann fro
 Vnd das man lert vff tragen wyn
 Dar vß würt dan eyn benlelyn
 So ist das gelt geleit wol an
 Studenten kapp wil schellen han

Solt gott nach vnserm willen machen
 Ubel gieng es in allen sachen
 wir würden weynen me dan lachen



Donzvider gott reden

Der ist eyn narr/der macht eyn für
 Das er dem sunnen schyn geb stür
 Oder wer sackeln zünden an
 Und will der sunnen glast zu stan

Til mer der gott stroffe vmb syn werck
 Der heist wol Henn von Marrenberg
 Dann er all narren vbertrifft
 Sin narheyt gibt er in geschrifft
 Dann gotz gnad vnd fürsichtikeyt
 Ist so voll aller wissenheyt
 Das sie nit darff der menschen ler
 Oder das man mit rüm sie mer
 Dar vmb o narr / was strafft du gott
 Bin wisheyt ist gen im eyn spott
 Lof gott dñ synem willen nach
 Es sy gütat / stroff / oder rach
 Lof wittern in / lof machen schön
 Dann ob du joch dar vmb bist hön
 So geschicht es doch nit bester ee
 Bin wünschen dñt alleyn dir we
 Dar zñ versündest dich gar schwär
 Til wäger dir geschwigen wer
 wir betten das syn will der werd
 Als inn dem hymel / so vfferd /
 Und du narr wilt in stroffend leren
 Als ob er sich an dich müst keren
 Gott weiß all ding baß ordinieren
 Dann durch din narrecht fantisieren
 Das jüdisch volck das lert vñ wol
 Ob gott well das man murmeln sol
 wer was syn ratgeb zñ der zyt
 Do er all ding schüff / macht vñ nüt
 wer hat im geben vor vñd ee
 Der rüm sich des / vñd stroff in me

wer vff syn frumkeyt halt alleyn
 Und ander vrteylt böß vnd kleyn
 Der stoßt sich oft an herte steyn



Der ander lüt vrteilt

Der ist eyn narr der sich vertröst
 Uff won / vnd meynt er sig der größt
 Und weiß nit das in eyner stund
 Sin sel fert dieß in hellen grund



XXXVIII


Aber den trost hat yeder narr
 Er meynt nit syn der nächst der far
 wann er schon ander sterben sicht
 Bald hat eyn vrsach er erdicht
 Und kan sagen/der dert also/
 Der was zu wild/der selsten fro
 Der hat diß/vnd ibens gethan
 Dar vmb hat in gott sterben lan
 Und vrteylt eynen noch sym tod
 Der villicht ist in gotts gnod
 So er in grössern sünden lebt
 wider gott vnd syn nächsten strebt
 Und so zecht dar vmb nit stroff vnd büß
 Und weiß doch/das er sterben muß
 wo/wenn/vnd wie/ist im nit kundt
 Bis das die sel fert vß dem mündt
 Doch gloubt er nit das sy eyn hell
 Bis er hyn in kumbt über die schwel
 So würt in denn der synn vff gan
 So sie in mitt der flammen stan
 Eyn yeden dunckt syn leben güt
 Alleyn das hertz gott kennen düt
 Für böß schätzt man oft manchen man
 Den got doch kent/vnd lieb wil han
 Mancher vff erden würt geert
 Der noch sym tod zur hellen fert
 Eyn narr ist wer gesprechen dar
 Das er reyn sig von sünden gar
 Doch yedem narren das gebrist
 Das er nit syn will das er ist

Wem noch vil pfrunden hie ist nott
 Des esel felt me dann er got
 Til seck die sinr des esels dot




Von vile der pfrunden

Der ist eyn narr / wer hat eyn pfrun
 Der er alleyn kum recht mag tün
 Und ladt noch vff so vil der seck
 Bis er den esel gantz ersteck



Eyn zimlich pfründ nert eyne wol
 Wer noch eyn nymbt/der selb der sol
 Acht han/das er eyn oug bewar
 Das im das selb nit ouch vff far
 Dann wo er noch eyn dar zū nymt
 Würt er an beyden ougen blynt
 Dar nach keyn tag noch nacht hat rûw
 Wie er on zal vff nem dar zū
 Als ist dem sack der boden vff
 Bis er fert in das gernerhuß/
 Aber man dût yetz dispensieren
 Dar durch sich mancher ist verführen
 Der meynt das er sie sicher gantz
 So eilff vnd vnglück würt syn schantz/
 Mancher vil pfründen bsitzen dût
 Der nit wer zū eym pfründlin gût
 Dem er alleyn wol recht môcht tûn
 Der bestellt/duscht/koufft so manig pfrûn
 Das er verirrt dick an der zal
 Und dût im also we die wal
 Vff welcher er doch sitzen well
 Do er môg syn eyn gût gesell
 Das ist eyn schwâr sorglich collect
 Worlich der dot im hasen steckt
 Selten man pfründen yetz vff gyt
 Symon vnd Ihesu louffen mit
 Aberck/wer vil pfründen haben well
 Der letzten wart er in der hell
 Do würt er synden eyn presentz
 Die me dût/dann hie sechs absentz





wer singt Eras Eras glich wie eyn rapp
 Der blibt eyn narr bis jnn syn grapp
 Adorn hat er noch eyn grösser kapp




Von vffschlag suchen

Der ist eyn narr / dem gott in gyt
 Das er sich bessern sol noch hüt
 Und sol von synen sünden lan
 Eyn besser leben vohen an



Vnd er im selbs sücht eyn vffschlag
 Vnd nymbt zyl vff eyn andern tag
 Vnd singt Eras/Eras/des rappen gfang
 Vnd weist nit/ob er leb so lang/
 Bar durch sint narren vil verlor
 Die all zyt sungen /morn/morn/morn/
 was sund an trifft/vnd narrheyt sust
 So ylt man zu mit grossem lust
 was gott an trifft/vnd recht ist gethon
 Das will gar schwärlich naher gon
 Vnd sücht eyn vffschlag im all zyt
 Bychten ist besser morn dann hüt
 Adorn went wir erst recht leren tün
 Also spricht mancher verlornen sün
 Das selb morn/kumbt dann nymer me
 Es flücht vnd schmiltz gleich wie der schne
 Bis das die sel nym bliben mag
 So kumbt dan erst der mornig tag
 So würt von we der lib gekrenckt
 Das er nit an die sel gedenckt
 Also verdurben in der wüst
 Der juden vil/der keyner müst
 Hoch solt gantz kumen in das landt
 Das gott verbief mit syner handt
 wer hüt nit geschickt zu rüwen ist
 Der syndt morn me das im gebrüst
 Wän hüt berüfft die gottes stym
 Der weist nit/ob sie morn ruff im
 Der sint vil tusent yetz verlor
 Sie meynten besser werden morn





Der hütt der bewschreck an der sunn
 Und schüttet wasser in eyn brunn
 wer hüttet das syn frow blib frum




Don frowen hütten

Elil narren tag vnd selten gütt
 Hat/ wer synr frowen hütten düt
 Dann welch woll will/ die düt selb recht
 welch übel will/ die macht bald schlecht





wie sie zu wegen bring all tag
 Ir böß fürnemen vnd anschlag
 Leit man eyn malschloß schon dar für
 Und bslüßt all rigel/toz/ vnd tür/
 Und setz ins huß der hüter vil
 So gat es dennahat als es wil
 was halff der thurn dar inn Banâ ging
 Dar für/do sie eyn kynd entpfeng
 Penelope was fry vnd loß
 Und hat vmb sich vil büler groß
 Und was ir man zwentzig jor vß
 Bleib sie doch frum/in irn huß
 Der sprach alleyn/das er noch sy/
 Glor brügnuß syner frowen fry
 Der hab syn frow ouch lieb vnd holt
 Ben sin frow nie btriegen wolt
 Eyn hübschfrow die eyn nârrin ist
 Ist glich eym roß dem oren gbrist
 wer mit der selben eren will
 Der macht krummer fürchen vil
 Eyn fromme frow soll haben gebârd
 Ir ougen schlagen zu der erd
 Und nit hoff wort mit yederman
 Triben/vnd yedem gâßlen an
 Hoch hören alles das man ir seitt/
 Til kuppler gont in schoffes kleydt
 Hett nit Helen vff Paris gyfft
 Eyn antwurt geben in geschafft
 Und Bydo durch ir schwester Ann
 Sie werent beid on frömde mann




Wer durch die synger sehen kan
 Und loßt syn frow eym andern man
 So lacht die katz die muß süß an



Voneebruch

Ebrechen wigt man als gering
 Als ob man schnelt eyn kyseling/
 Ebruch/das gsatz yetz gantz veracht
 Das keiser Julius hatt gemacht

Adan vörcht keyn pen noch stroff yetz me
 Das schafft das die synt in der ee
 Zerbrechen krüg vnd häfen glich
 Und kratz du mich/so kratz ich dich
 Und schwig du mir/so schwig ich dir
 Adan kan wol halten finger für
 Die ougen/das man säch dar vß
 Und wachend tün/als ob man ruß
 Adan mag yetz lyden frowen schmach
 Und gat dar nach keyn stroff noch rach
 Die man/starck mägen hant im land
 Sie mögen towen gar vil schand
 Und tün als etwan dett Latbo
 Der lech syn frow Hortensio/
 wenig sint den gat yetz zu hertz
 Uß ebruch sollich leyd/sorg/ vnd schmertz
 Als Atrydes straffen mit recht
 Do in jr wiber wozent geschmächt/
 Oder als Collatinus dett
 Das man Lucretz geschmächt het
 Bes ist der ebruch yetz so groß
 Clodius beschisft all weg vnd stroß
 Der yetz mit geyslen die wol strich
 Die vß dem ebruch rümen sich/
 Als man Salustio gab lon
 Ancher der würd vil schnatten han
 Bing yedem ebruch solch plag nach
 Als dann Abymelech geschach/
 Und den sünen Benyamyn/
 Oder dar noch ging sollich gewyn

Als David geschab mit Bersabee
 Manchen glust brechen nit die ee
 Wer liden mag das syn frow sy
 Im eebuch / vnd er wont jr by
 So er das wisslich weisst vnd sicht
 Den halt ich für keyn wysen nicht
 Er gibt jr vrsach mer zů fall
 Dar zů die nachburn mumlen all
 Er hab mit jr teyl vnd gemeyn
 Sie bring ouch im den zōroub heyn
 Sprech zů im / hans myn gūttr er man
 Keyn libern will ich / wen dich han
 Eyn katz den müssen gern noch gat
 wann sie eynst angebissen hat /
 welch hatt vil ander mann versücht
 Die würt so schamper vnd verrücht
 Das sie keyn scham noch ere me acht
 Armüt will sie alleyn betracht /
 Eyn eyder lüg das er so leb
 Das er synr frow keyn vrsach geb
 Erhalt sie früntlich / lieb vnd lchon
 Gud vōrcht nit yeden glocken thon /
 Noch kyfel mit jr nacht vnd tag
 Lüg dar by was die glocken schlag
 Dann ich das rott in truwen keym
 Das er vil gest für mit im heym
 Gloz vflüg für sich der genow
 wer hat eyn hübsch / schon / weltlich frow
 Dann nyemans ist zů truwen wol
 All welt ist falsch vnd vntruw vol

Menelaus hett syn frow behan
 Hett er Paris do v schin gelan/
 Hett Agamennon nit zū huf
 Belossen syn fründt Egestus
 Und den vertruwt/hoff/güt/vnd wib
 Er wer nit kumen vmb syn lyb/
 Glych wie Landales der dor groß
 Der zeygt syn wyb eym andern bloß/
 Wer nit syn freud mag han alleyn
 Dem gschicht recht/das sie werd gemeyn
 Dar vmb sol man han für das best
 Ob eelüt nit gern haben gest
 Dor vß/den nit zū truwen ist
 Die welt steckt voll beschyß vnd lyst
 Wer argwon hat/der gloubt gar bald
 Das man tūg das jm nit gefalt
 Als Jacob mit dem rock beschach
 Ben er mit blüt besprenget sach
 Aswerus gdocht das Amon meynt/
 Hester gesmähen/der doch weynt/
 Abraham vorcht synr frowen ee
 Ban er ye kām gon Berare
 Wäger eyn schmyertzler in sym huf
 Bann brüten frömde eyer vß
 Wer vil vß fliegen will zū wald
 Der würt zū e yner grasmuck bald/
 Wer brennend kol inn gören leyd
 Und schlangen inn sym busen treyt
 Und inn synr teschen zücht eyn muß
 Solch gest lonr wenig nutz jm huf

Manchen dunckt/ er wer witzig gern
Und ist eyn ganz doch/ hür als vern
Dann er keyn zucht/ vernunft/ will lern



Narr hür als vern
Eyn narr ist/ der vil güttes hört
Und würt syn wißbeyt nit gemört
Der allzyt begert erfaren vil
Und sich dar von nit besseren wil

Und was er sicht will er han ouch
 Das man merck/das er sy eyn gouch
 Wann das ist aller narren gebrust
 was nu wist/allzyt doren glust
 Und hant doch bald vernüwgert dran
 Und wellen etwas frömdas han
 Eyn narr ist/ver vil land durch fere
 Und wenig kunst/noch tugend lere
 Als ist eyn ganz geflogen vff
 Und gagack kumbt wider zu huff/
 Mit gnüg/das eyner gewäsen sy
 Zu Rom/Hierusalem/Sauy
 Aber do etwas geleret han
 Das man vernunft/kunst/wisheyt kan
 Das halt ich für eyn wandlen gütt/
 Wann ob voll krützer wer din hüt
 Und du künt schiffen berlin kleyn
 Hielt ich doch nit vff das alleyn
 Das du vil land ersüchet bast
 Und wie eyn kü/on wisheit gast
 Wann wandlen ist keyn sunder ere
 Es sy dann das mann sunders lere
 Heit Moyses in Egypten nüt
 Und Daniel gelert die zyt
 Do er was in Chaldeen landt
 Sie weren nit so wol erkant
 Mancher kumbt melbig zu der bicht
 Der gantz wiß werden meint/vnd lycht
 Und gatt berämt doch wider beyn
 Und dreyt am hals eyn mülynsteyn

wer statts jm esel bat die sporen
 Der luekt jm dick biß v ff die oren
 Bald zürnen/stat wol zü eym doren



Unlychtlich zürnen

Der narr/den esel allzyt ryt
 wer vil zürnt/do man nüt vmb gyt
 Blind vmb sich schnauwet als eyn hant
 Keyn gütig wort gat vß sym munde

Keyn büchstab kan er/dan das K
 Und meynt man soll in vörchten ser
 Das er müg zürnen wann er well
 So spricht eyn yeder gütter gsell
 wie düt der narr sich so zerryssen
 Unglück will vns mit narren bschysen
 Er went man hab keyn narren vor
 Gesehen/dann hans esels oz/
 Der zorn byndert eyns wisen müt
 Der zornig weist nit was er düt/
 Archytas/do jm vnrecht geschach
 Von synem knecht/zü jm er sprach/
 Ich soltt das yetz nit schencken dir
 wann ich nit merckt eyn zorn in mir
 Des gleichen Plato ouch geschach
 Keyn zorn von Socrates man sach/
 wān lycht syn zorn in vngedult
 Zücht/der velt bald in sünd vnd schuld/
 Gedult/senfft widerwertikeyt
 Eyn weiche zung bricht hertikeyt
 All tugend/vngedult verschütt
 Wer zornig ist/der bettet nit
 Glor schnellem zorn/dich alzyt hüt
 Dann zorn wont in eyns narren gemüt
 Tilringer wer eyns beren zorn
 Der joch syn jungen hett verlor
 Dann tulden/das eyn narr dir düt
 Der vff narrheyt setzt syn müt
 Der wif man düt gemach allzyt
 Eyn gäher/billich esel ryt

Wer vff sin eyggen synn vßflücht
 Der selb zu den vogelnäster stücht
 Das er oft/vff der erden lyge



Von Eygenrichtikeyt

Der kratzt sich mit den dornen scharff
 Wān duncket das er nyemans bdarff
 Und meynter sya lleyen so klüg
 Und allen dingen witzig gnüg



Der irrt gar dick vff ebner stroß
 Und fñrt sich inn eyn wiltuif grof
 Das er nit licht kumbt wider heyn/
 we dem der velt/vnd ist alleyn
 Zñ kätzer synt vil worden off
 Die woltten nit/das man sie strofft
 Uerlossend sich vff eyne kunst
 Das sie eruolgent rñm vnd gunst
 Til narren sielen ettwan hoch
 Die stygen vogelnäster noch
 Und süchten wäg/do keyner was
 On leyttter mancher nyder saß
 Uerachtung dick den boden rñrt
 Uermessenheyt vil schiff versñrt
 Flyemer erfolget nutz noch ere
 wer nit mag han/das man inn lere
 Die welt wolt Moehören nye
 Bis vndergingen lüt vnd vich/
 Chore wolt dñ das im nit zam
 Dar vmb er mit sym volck vmb kam
 Das sunder thier das frist gar vil
 wer eygens kopffs sich bruchen will
 Der selb zertrennen vnderstat
 Ben rock gar offt/der do ist on nat
 wer hofft dem narrenschiff entgan
 Der müß das wachs inn oren han
 Das brucht Ulisses vff dem mer
 So er sach der Syrenen her
 Und er durch wisheyt von im kam
 So mit eyn end jr hochfart nam

Wer sitzet vff des glückes rad
 Der ist ouch warten fall mit schad
 Vnd das er ettwann nām eyn bad



Von vnglückes fal

Der ist eyn narr der stiget hoch
 Do mit man sâh syn schand vnd schmach
 Vnd sūcht stâts eyn höhern grad
 Vnd gdenck nit an glückes rad

XLVII

Eyn yedes ding wann es vffkunt
 Zum höchten / felt es selbst zu grunt
 Keyn mensch so hoch hie kumen mag
 Der im verbiß den mornden tag
 Oder das er morn glück sol han
 Dann Clotho loßt das rad nit stan /
 Oder den syn güt vnd gewalt
 Uorn tod eyn ougenblick behalt /
 Wer gewalt hatt der hat angst vnd nott
 Vil sint durch gewalt geschlagen dott
 Den gewalt man nit langzyt behalt
 Den man muß schyrmen mit gewalt
 Wo nit lieb ist vnd gunst der gemeyn
 Do ist vil sorg vnd wollust kleyn
 Der muß vil vörchten / der do wil
 Das in ouch sollen vörchten vil
 Flün ist vorcht / gar eyn böser knecht
 Die leng mag sie nit hütten recht
 Wer hatt gewalt der selb der ler
 Lieb haben gott / vnd süch syn ere
 Wer gerechtikeyt halt in der hant
 Des gwalt mag haben güt bestant
 Der hatt syn gwalt wol angeleyt
 Umb des abgang man truren treit
 Wie dem regyrer noch des dot
 Man sprechen muß gelobt sy gott
 Wer waltz eyn steyn vff in die höh
 Uff den salt er vnd düt im we
 Vnd wer verlost sich vff syn glück
 Der velt oft in eym ougenblick

wer kranck ist/vnd lyt in der nott
 Und volget nit eynes artzes rott
 Der hab den schaden/wie es got







Don krancken die nit volgē

Der ist eyn narr der nit verstat
 was im eyn artzt in nōten rat
 Und wie er recht halt syn dyget
 Die im der artzt gesetzet hett

XLVIII

Und er für wyn das wasser nymbt
 Oder des glich das im nit zymbt
 Und lüg das er syn lust er lab
 Bis man in hyn treit zu dem grab
 Wer will der kranckheyt bald entgan
 Der sol dem anfang widerstan
 Dann artzny muß würcken langk
 Wann kranckheyt vast nymbt vberhanck
 Wer gern will werden bald gesund
 Der zoug dem artzet recht die wund
 Und lid sich/so man die vffbrech
 Oder mit meißlin dar in stech
 Oder sie hefft/wesch/oder bynd
 Ob man im schon die hut abschynd
 So mit alleyn das leben blyb
 Und man die sel nit von im tryb/
 Eyn gütter artz dar vmb nit flucht
 Ob joch der kranck halber hyn zücht
 Eyn siech sich billich lyden sol
 Alß hoffnung/das im bald werd wol/
 Wer eym artzt in der kranckheyt lügt
 Und in der bycht eyn priester drügt
 Un vnwo: seit sym aduocat
 Wann er will nemen by im ratt
 Der bat im selbs alleyn gelogen
 Und mit sym schaden sich betrogen
 Eyn narr ist/der eyn artzet sücht
 Bes wort/vnd ler/er nit gerücht
 Und volget altter wiber rott
 Und loßt sich segen in den dott

Mit kracter vnd mit narren wurtz
 Des nymbt er zu der hell eyn sturtz
 Des abergloub ist yetz so vil
 So mit man gsuntheyt suchen will
 Wann ich das als zu samen such
 Ich macht wol druf eyn ketzerbüch
 Wer kranck ist der wer gern gesunt
 Und acht nit wo die hilff har kunt
 Den tufel rufft gar mancher an
 Das er der kranckheyt möcht entgan
 Wann er von im hilff wartend wer
 Und nit müst sorgen grösser schwer
 Der würd inn narrheyt gantz verrücht
 Wer wider gott gesuntheyt sucht
 Und on die wore wifheyt gert
 Das er well wyß syn vnd gelert
 Der ist nit gesunt/sunder gantz blöd/
 Mit wif/sunder in tozheyt schnöd
 In stäter kranckheyt er verhartt
 In vnsynn blintheyt gantz ernart/
 Kranckheyt vß sünden dick entsprint
 Die sünd vil grosser siechtag bringt
 Dar vmb wer kranckheyt will entgan
 Der soll gott wol vor ougen han
 Lügen das er der bicht sich nob
 Ee er die artzney entpfob
 Und das die sel vor werd gesunt
 Ee dann der liplich artzet kunt
 Aber es spricht yetz mancher gouch
 Was sich gelibt das gesölt sich ouch

Doch wurd es sich zů letst so liben
 Das weder lib noch sel wurt bliben
 Und werden ewig kranckheyt han
 So wir der zytlich wend entgan
 Vil sint yetz ful/vnd langest dott
 Hetten sie vor gesüchet gott
 Syn gnad erworben/hülff/vnd gunst
 Le dann sie süchten artzet kunst
 Und meynen leben on syn gnad
 Stürben doch mitt der selen schad/
 Hett Machabeus sich verlon
 Alleyn vff gott vnd nit vff Rom
 Wie er zum ersten dert dar vor/
 Er hett gelebt noch lange jor
 Ezechias wer gestorben dott
 Hett er sich nit gekört zů gott
 Und dar vmb erworben/das gott wolt
 Das er noch lenger leben solt
 Hett sich Adanasses nit bekert
 Gott hett in nyemer me erhört
 Der herr zů dem bettrysen sprach
 Der lange jor was gewesen schwach
 Gang byn/sünd nym/nit bis eyn narr
 Das dir nit böfers widerfar/
 Mancher gelobt in kranckheyt vil
 Wie er syn leben bessern wil
 Dem spricht man/do der siech genaf
 So wart er böser dann er was
 Und meynet gott da mit betrogen han
 Bald gond in grösser plagen an

Der. XXXVIII. nar Folio

Wer öfflich schlecht syn meynung an
Und spant syn garn für yederman
Dor dem man sich lycht hütten kan



Von offlichem anschlag

Eyn narr ist wer will fahen sparen
Und für jr ougen spreit das garn
Bar licht eyn vogel flyegen kan
Das garn/das er sicht vor jm stan

L

wer nüt den trowen düt all tag
 Do sorg man nit/das er vast sachlag
 wer all syn rät schlecht öfflich an
 Glor dem hüt sich wol yederman/
 Het nit entfrembt sich Mycano?
 Und anders gestelt/dann er dett vor?
 Judas het nit gmerckt syn gemüt
 Und sich so bald vor jm gebüt/
 Das dunckt mich syn eyn wiser herr
 Der syn sach weiß/sunst nyemans mer/
 Glor vñ do jm syn heyl lyt an
 Es will yetz rätsehen yederman
 Und triben solche kouffmanschatz
 Die vornen leck/vnd hinten kratz
 Ich halt nit für eyn wisen man
 wer nit syn anschlag bergen kan
 Dann narren rott/vnd büler werck/
 Eyn stat gebuwen vff eyn bergk
 Und strow das in den schühen lyt
 Die vier verbergen sich keyn zyt
 Eyn armer behalt woll heymlicheyt
 Eyns richen sach/würt wyt gespreit
 Und würt durch vntrow hufgesind
 Geöffnet vnd vñbrocht geschwind/
 Eyn yedes ding kumbt lychtlich vñ
 Durch die/by eym syndt in dem huf
 Zu schaden ist eyn böser vint
 Dann die statts by eym wonent syndt
 Glor dem man sich nit hütten düt
 Bringen doch vil/vmb lib vnd güt

b ij

Wer sieht eyn narren fallen hart
 Und er sich darnach nit bewart
 Der gryfft eym narren an den bart



In narren sich stossen

Man sieht täglich der narren, sal
 Und spottet man jr vberal
 Und synt verachtet by den wisen
 Die doch inn narrenkapp sich brysen

Und schilt eyn narr den andern narren
 Der doch vff synem wäg düt karrhen
 Und stoßt sich do zū aller frist
 Do vor der narr gefallen ist
 Hyppomenes sach manchen gouch
 Dor jm enthoubten/doch wolt er ouch
 Sich wogen/vnd syn leben gantz
 Des wer nah gsyn vnglück syn schantz
 Eyn blind den andern schilttet blynt
 wie wol sie beyd gefallen synt
 Eyn krepes den andern schaltt/vmb das
 Er bynder sich gegangen was
 Und gieng jr keyner für sich doch
 Dann eyner ging dem andern noch
 Eym stieffvatter volgt dick vnd vil
 wer nit syn vatter volgen wil
 Hett Phaeton syn faren gelon
 Und Icarus gemöcher geton
 Und beid gefolgt jrs vatters rott
 Sie weren nit in der jugent dot
 welcher den weg Hyeroboam
 Byng/keyner ye zū gnaden kam
 Und sahen doch/das plag vnd roch
 Byng stäts on vnderloß dar noch
 wer sicht eyn narren fallen hart
 Der lüg/das er syn selbs wol wart
 Dann das ist nit eyn doreht man
 wer sich an narren stossen kan
 Der fuschs wolt nit inn berg/vmb das
 Hye keyner wyder kumen was/

Eyn glock on klüpfel / gibt nit thon
 Ob dar inn hangt eyn fuchßschwantz schon
 Dar vmb loß red für oren gon



Zeit achten vff all red
 wer by der welt vß kumen wil
 Der muß yetz lyden kumbers vil
 Und sehen vil / vor syner tür
 Und hören / das er gern entbür



Dar vmb jnn grossen lob die ston
 Die sich der welt hant gethon
 Und synd durch gangen berg vnd tal
 Das sie die welt nit brächt zū fal
 Und sie villicht verschuldten sich
 Doch loft die welt sie nit on stich
 Wie wol sie nit verdienen kan
 Das sie solch lüt sol by jr han
 Wer recht zū tū den willen hett
 Der acht nit/was eyn yeder redt
 Sunder blib vff sym fürnem stift
 Ker sich nit an der narren pfiff
 Hetten propheten vnd wissagen
 Sich an noch red by jren tagen
 Kert/vnd die wifheyt nit geseit
 Es wer in yetz langst worden leit
 Es lebt vff erden gantz keyn man
 Der recht tū yedem narren kan
 Wer yeder man künd dienen recht
 Der müst syn gar eyn gütter knecht
 Und früg vor tag dar zū vff ston
 Und selten wider schlossen gon
 Der müß māl han/vil me dann vil
 Wer yedems mul verstoffen wil
 Dannes stat nit in vnserm gewalt
 Was yeder narr red/klaff/o kalt
 Die welt müß triben das sie kan
 Sie hatß vor manchem me getan
 Eyn gouch singt guckguck dick vnd lang
 Wie yeder vogel syn gesang

h iij

Es ist der narren güt enberen
 Die allzyt mit steyn werffen gern
 Und wend keyn straff vnd wyfheyt lern



Von sport vogelen

Ir narren/wellen von mir lern
 Anfang der wyfheyt/vorht des herren
 All kunst der heiligen ist gespreit
 In den weg/der fürsichtikeyt



Von wifheyt würt der mensch geert
 Von jr all tag/vnd joz gemert
 Eyn wyser ist uütz der gemeyn
 Eyn narr syn kolben dreit alleyn
 Vnd mag vor wifheyt hören nitt
 Er spot der wyfen zu aller zyt
 Wer eyn spott vogel leren wil
 Der macht jm selbst gespöttes vil
 Wer strofft eyn boßhafftigen man
 Der henckt jm selbst eyn spätlin an
 Eyn wifen stroff/der hört dich gern
 Vnd yllt/von dir me wifheyt leren
 Wer eyn gerechten stroffen düt
 Der hat von jm syn stroff für güt
 Der vngerecht geschändet vil
 Vnd würt doch selbst beschänt by wil
 Der häher eyn spotvogel ist
 Vnd ist doch vil/das jm gebrist
 wann man eyn spötter würfft für thür
 So kumbt mit jm/all spott hyn für
 Vnd was er zanck vnd speywort tribt
 Das selb dann vor der türen blibt
 Hertz David nit syn selbs geschont
 Abal wer syns gespöts gelont/
 Sannabalach syn spottes ruwt
 So man die mur Hierusalem buwt
 Die kynd wurden von Berengdöt
 Die glatzet schulten den prophet
 Semey hat noch gar vil sün
 Die gern mit steynen werffen tün

Das ich alleyn zytlichs betracht
 Und vff das ewig hab keyn acht
 Das schafft/eyn aff hatt mich gemacht



Verachtung ewiger freid

Eyn narr ist/wer berümet sich
 Das er gott lieb syn hymel rich
 Begerend/das er leben mag
 In narrheyt/bis an jungsten tag



Und blyben mocht eyn güt gesell
 Er far joch dann/war gott hyn well
 Ach narr/wer doch vff erd eyn freyd
 Die wert eyn tag vnd nacht on leyd
 Das sie nit wurd verbittert dir
 So möcht ich gedencken doch in mir
 Das du möchst han ettwas vrsach
 Die doch wer narrecht/kleyn vnd schwach
 Dann der hatt worlich dorecht glust
 Wān hie die leng zū leben lust
 Do nüt ist dan das jamertal
 Kurtzfreud/voll leid steckt yberal
 Bedencken soll man wol do by
 Das hie keyn bliblich wesen sy
 Die wile wir farent allesant
 Von hynnan/in eyn frömdes landt
 Til sint vorhyn/wir kumen noch
 Wir müssen gott an schowen doch
 Es sy zū freuden oder stroff/
 Dar vmb sag an du dorechts schoff
 Ob grösser narr ye kām vff erdt
 Dann der/wer solliches mit dir gerdt
 Du wünschest von got scheyndendich
 Und wüerst dich scheyden ewiglich
 Eyn hunig tröpflin dir gefalt
 Und würd dort gall han/tusent falt
 Eyn augenblick/all freud hie sint/
 Dort ewig seüd vnd pyn man findt
 Welch fräuelich triben solch wort
 Den fält jr anschlag/hie vnd dort

Wer vogel/hund/inn kirchen furt
 Und ander lüt/am betten irrt
 Der selb/den gouch wol stricht vnd schmyert



Gebraucht in der kirchen

Man darff nit fragen/wer die sigen
 By den die hund inn kilchen schrygen
 So man me hat/predig/vnd singt
 Oder by den der habich schwyngt

Und düt syn schällen so erklingen
 Was man nit betten kan noch syngen
 So muß man hüben dan die hätzen
 So ist eyn klappern vnd eyn schwätzen
 So muß man richten vñ all sachen
 Unschnypp / schnap / mit den holtzschüchma
 Und sunst vil vñ für macher hand (chen
 So lügt man wo frow kryembild stand
 Ob sie nit well bar vmbher gassen
 Und machen vñ dem gouch eyn affen
 Ließ yeder man syn bund in huß
 Was nit eyn dieb stiel etwas dar vñ
 Die wile man wer zu kilchen gangen
 Ließ er den gouch stan vñ der stangen
 Und brucht die holtzschüch vñ der gassen
 So er eyn pfeningwert drecks möcht fassen
 Und döubt nit yederman die oren
 So kannt man ettwan nit eyn doren
 Doch die natur gybt yedem in
 Harrheyt will nit verborzen syn
 Christus der gab vñ des exempel
 Ber treyb die wechßler vñ dem tempel
 Und die do hetten tuben seyl
 Treyb er in zorn vñ mit eym seil
 Solt er yetz offen sünd vñ triben
 wenig inn kilchen wurden bliben
 Er fing gar dick am pfarrer an
 Und würt biß an den meßner gan
 Dem huß gottes heylikeyt zu stat
 So gott der herr syn wonung hat



Wan in das für syn müttwill bringt
 Oder sunst selbs inn brunnen springt
 Dem gschicht recht/ob er schon erdrinckt




Don muttrvilligen vngesell

Mancher narr ist der do bettet stät
 Und düt (als in dunckt) andacht gebet
 Mit rufen zü gott vberlut
 Das er kum von der narren hut



Und wil die kappen doch nit lon
 Er zücht sie täglich selber an
 Und meynt/gott well in hören nit
 So weiß er selbst nit was er bitt
 wer mit mütwill in brunnen springt
 Und vörchtend das er drynn erdrinckt
 Schryg vast/das man eyn seil jm brecht
 Syn nochbur sprech/es gschicht jm recht
 Er ist gefallen selbst dar in
 Er möcht hie vß wol bliben syn
 Empodocles in solch narrheyt kam
 Das er vff Ethna sprang inn flam
 wer in har vß solt gezogen han
 Der hett jm gwalt vnd vnrecht gtan/
 Dann er in narrheyt was verrücht
 Er hett es doch noch me versücht
 Als düt wer meynt das gottes stym
 In ziehen sol mit gwalt zü jm
 Im geben gnad/vnd goben vil
 Sich dar zü doch nit schicken will/
 Dancher furloufft jm selbs syn tag
 Das gott in nym erhören mag
 Dann er jm nym die gnaden gytt
 Das er üt fruchtbars von jm bitt
 wer bett/vnd weiß nit was er bett/
 Der bloßt den wint/vnd flecht die scher
 Dancher jm gebett von gott begert
 Im wer leid/das er wurd gewert
 wer lebt inn eym sörglichen stat
 Der hab den schad/wie es jm gat



Narrheyt hat eyn grob gezelt
 By jr lagert die gantz welt
 Flo: vñ/ was gewalt hatt/ vnd vil gelt



Vou dem gewalt der narré

Es ist nott/ das vil narren synt
 Dann vil synt an in selbs erblynt
 Die mit gewalt went witzig syn
 Do yederman sieht vnd ist sebyn

LVII

Ir narrheyt/doch nyemant getar
 Zum inn sprechen/was tustu narr/
 Und wenn sie grösser wyfheyt pflegen
 So ist es vast von der göuch wegen
 Und wann sie nyemans loben wil
 So loben sie sich dick vnd vil
 So doch der wiß man gibt vrkund
 Das lob stinckt/vß eym eignen mündt
 Wer inn sich selbst vertruwen setz
 Der ist eyn narr vnd dorecht götz
 Wer aber wißlich wandlen ist
 Der würt gelobt zu aller frist
 Die erd ist sellig/die do hat
 Eyn herren/der in wißheyt stat
 Des rott ouch yst zu rechter zyt
 Und süchen nit wollust/vnd gydt
 we we dem ertrich/das do hat
 Eyn herren/der inn kyntheyt gat
 Des fürsten essen morgens frug
 Und achten nit was wißheyt tüg/
 Eyn arm kyndt/das doch wißheyt hat
 Ist besser vil in synem stadt
 Dann eyn künig/eyn alter toz
 Der nit fürsicht die künfftig jor/
 we den gerechten yber we
 wann narren stigen in die höb
 Aber wann narren vnder gondt
 Bar wol die gerechten dann gestondt
 Das ist dem gantzen land eyn ere
 wann vß dem gerechten würt eyn here

Aber doch/wan eyn narr regiert
 So werden vil mit im verfürd/
 Der düt nit recht/wer an gericht
 Durch fründtschafft eym eyns antlit sicht
 Der selb ouch vmb eyn bitten brot
 worheyt vnd gerechtikeyt verlot/
 Recht vrteyln/stat eym wisen wol
 Eyn richter nyemans kennen sol
 Ratt vnd gericht/hat keynen fründt
 Susannen richter noch vil syndt
 Die mütwill triben/vnd gewalt
 Gerechtikeyt die ist vast kalt
 Die schwert die sint verrostet beyd
 Und wellen nym recht vß der scheyd
 Hoch schnyden me/do es ist nott
 Gerechtikeyt ist blindt vnd dott
 All ding dem gelt sint vnderthon/
 Jugurtha do er scheyd von Rom
 So sprach er/o du veyle statt
 wie werestu so bald schoch vnd matt
 wann du eyn kouffman bettst alleyn
 Man fyndt der stett noch me dann eyn
 So man hantschmierung gern vff nymbt
 Und dar durch düt vil das nit zymbt
 Adiet/fründtschafft/all worheyt vmb kert
 Als Moysen syn schwäber lert
 Pfennig/nyd/fründtschafft/gwalt vñ gunst
 Zerbrechen yetz/recht/brieff/vnd kunst/
 Die fürsten woren ettwan wiß/
 Hatten altt rât/gekert/vnd gryß

So stund es wol in allem land
 So wardt gestroffet sünd vnd schand
 Und was güt fryd inn aller welt
 Jetz hat narrheyt all jr gezelt
 Beschlagen vff/vnd lyt zu wer
 Sie zwingt die fürsten/vnd jr her
 Das sie sönt wifheyt/kunst/verlan
 Alleyn eygen nutz sehen an
 Und wöleu in eyn byndschen ratt
 Dar vmb es leyder vbel gatt
 Und hat kunfftig noch böser gestalt
 Grof narrheyt ist by grossem gewalt
 Gott ließ/das mancher fürst regiert
 Langzyt/wann er nit würd verfür
 Und vnmilt wurd/vnd vngerecht
 Burch anreytz valscher ratt vnd knecht
 Die nâmen gaben/schenck vnd myet
 Floz den eyn fürst sich billich hüt
 wer gaben nimbt/der ist nit fry
 Schenck nemen/macht verreterey
 Als von Ayoth geschach Eglon/
 Und Balida verreyet Samson/
 Antronicus nam gulden vaf
 Des wart gedöret Onyas/
 Auch Benadab der künig brach
 Sin büntniß/do er gaben sach/
 Tryphon do er betriegen wolt
 Das Jonathas im glouben solt
 So schanckt er gaben im vorbyn
 So mit er möcht beschissen in

Vil dünt inn tozheythie beharren
 Und ziehen vast eyn schweren karrhen
 Dort würt der recht wag naher faren




Von dem weg der selikeyt


Gott laßt eyn narren nit verstou
 Syn wunder/die er hat gethou
 Und täglich düt/dar ymb verdyrbt
 Bar mancher narr/der zytlich styrbt



Wie vnd dort ist er ewig dort
 Das er nit lernet kennen gott/
 Und leben noch dem willen syn
 Wie hatt er plag/dort lidt er pyn/
 Wie muß er burd des karrhen tragen
 Dort würt er ziehen erst/im wagen/
 Dar vmb narr/nit frog noch dem stäg
 Der füret vff der hellen weg
 Dar licht do hyn man kumen mag
 Der weg statt offen/nacht vnd tag
 Und ist gar breit/glast/wol gebant
 Dann narren vil sint/die in gant
 Aber der weg der sellikeyt
 Der wißheyt ist alleyn bereyt
 Der ist gar eng/schmal/hert vnd hoch
 Und stellen wenig lüt dar noch
 Oder die in hant müß zü gan
 So mit will ich beschlossen han
 Der narren frog die oft geschicht
 war vmb/man me der narren sicht
 Oder die faren zü der hell
 Dann des volcks/das noch wißheyt stell
 Die welt inn üppikeyt ist blindt
 Til narren wenig wiser synt
 Sil sint berüfft zü dem nachtmol
 wenig erwelt/lüg für dich wol/
 Sechshundert tusent man alleyn
 On frowen vnd die kynder kleyn
 fürt gott vß/durch des meres sandt
 Zwen komen inn das globte land





Eyn gesellen schiff fert yetz do hâr/
 Das ist von hantwercks lüten schwâr
 Von allen gwerben vnd hantveren/
 Jeder syn gschyrr dût mit im fûren
 Keyn hantwerck stat me inn sym wârdt
 Es ist als überleyt/beschwârt
 Jeder knecht/meister werden will
 Des sint yetz aller hantwerck vil
 Dancher zû meisterschafft sich kert
 Der nie das hantwerck hat gelert
 E yner dem andern werckt zû leyd
 Und tribt sich selbs dick vber die heyd
 Das ers wolseyl erzûgen kan
 Des müß er oft zûm thoꝝ vß gan
 Was diser nit will wolseyl gân
 So findt man sunst dryg oder zwen
 Die meynen das erzûgen wol
 Zûnt doch nit arbeyt/als man sol
 Dann man byen sudelt yetz all ding
 Das man sie geben mögen gering
 So by mag man nit langzyt bliben
 Dûr kouffen/vnd wolseyl vertriben
 Dancher eym ander macht eyn kouff
 Der blibt/so er zûm thoꝝ vß loufft
 Uff wolseyl gân/gat yederman
 Und ist doch ganz keyn werschafft dran
 Dann wenig kosten man dran leidt
 Und würt als vff die yl bereydt
 Das es alleyn eyn muster hab
 So mit die hantwerck gont vast ab




 Adgent nit wol ernerer sich
 was du nit düst/das du doch ich
 Und leg dar an keyn kost noch wil
 Eht ich alleyn mög machen vil/
 Ich selbs/das ich die worheyt sag
 Mit disen narren hab vil tag
 Uertriben/ee ichs hab erdicht
 Hoch sint sie nit recht zu gericht
 Ich hett bedörfft noch lenger tag
 Keyn güt werck yl erliden mag
 Der moler der Apelli bracht
 Syn tassel/die er bald hat gemacht
 Und sprach er hett geylet do mit
 Fand er inn bald on antwurt nitt
 Er sprach die arbeyt zegyt wol an
 Was du hast wenig flyß gethon
 Und wunder ist/das du nit vil
 Der glich hast gemacht in kurtzer wil
 Keyn arbeyt dett nie güt zur yl
 Den stich es nit wol lyden mag
 Zwentzig par schü/vff eynen tag
 Eyn dutzen tågen vß bereyten
 Til wercken/vnd vff borg dann beitten
 Uertrybt gar manchen oft das lachen
 Böß zymperlüt vil spånen machen
 Die murer dünt gern grosse brüch
 Die schnyder dünt gar witte stich
 Do würt die natt gar leittig von
 Die trucker in dem bras vmb gon
 Vff eynen tag/eyn wochen lon


Verzeren / das ist jr gefert
 Ir arbeyt ist doch schwer vnd bert
 Mit trucken / vnd bossell yeren
 Mit setzen / strichen / corrigieren
 Vff tragen / mit der schwartzen kunst
 Vmb brennend / in des füres brünst
 Vnd ryben die / vnd vigen spitzten /
 Vil sint die lang in arbeyt sitzen
 Machen doch nit dest besser werck
 Das düt / sie sint von affenberck
 Vnd hant die kunst nit bas gelert
 Ancher in disem schyff geru fert
 Wann es sint vil güt bossen drynn
 Die groß arbeyt vnd kleynen gwynn
 Hant / vnd verzeren das doch lycht
 Wann inn ist wol by der wynfücht
 Vff künfftigs / hant gar wenig sorg
 wann man alleyn inn gibt vff borg
 Ancher eyn bletschkouff machen kan
 So er nit vil gewinnet an /
 Man kan yetz nüt verkouffen me
 Man hab dann gott geschworen ee
 Vnd so man lang schwört / in vnd vß
 So würt eyn vischerschlag dann druß
 So by merckt man das all diß welt
 Sich vast des köllschen böttchen helt
 Dat halffab / ist yetz vast der schlagk
 Berott dich gott / bricht keyn den sack
 Die hantwerck faren all do hār
 Hoch sint vil schiffim halber lār

Der. XLVIII. nar Folio

So werdent kynd den eltern glich
wo man vor inn nit schamet sich
Und krüg vor inn/ vnd häfen bricht



Bos exempel der eltern
wer vor frowen vnd kynder wil
Clon bülschaft/ bosheyt/ reden vil
Der wart/ das von inn widerfar
Bes glich/ er von in triben tar



Keyn zucht/noch ere/ist me vff erd
 Kynd/frowen/leren wort vnd geberd
 Die frowen das von mannen hand
 Die kynd von eltern nemen schand
 Und wenn der appt die würfel leydt
 So sint die münch zum spiel bereit
 Die welt ist yetz voll böser lere
 Man findt leyder keyn zucht/noch ere
 Die vätter sint schuldig dar an
 Die frow die lert von irem man
 Der sūn/des vatters haltet sich
 Die dochter ist der mütter glich
 Dar vmb zu wundern nyemans yl
 Ob inn der welt sint narren vil
 Der krebs glich wie syn vatter trytt
 Es macht keyn wolff/keyn lembliu nitt
 Brutus/vnd Chato sint beyd dort
 Des mert sich Cathelinen rott/
 wis/syttlich vätter/tugentrich
 Adachen ouch kynder iren glich
 Biogenes eyn iungen sach
 Der druncken was/zū dem er sprach
 Adyn sūn/das ist dins vatter stadt
 Eyn drunckner dich geboren hat
 Es darff das man gar eben lüg
 was man vor kynden red vnd tūg
 Bann gewonbeyt/andere natur ist/
 Die macht/das kynden vil gebrist
 Eyn yedes leb recht/in syn huf
 Das ärgernis nit kumm dar vff

wollust durch eynfalt manchen felt
 Manchen sie ouch am flug behelt
 Til hant jr end dar inn erwelt



Von: wollust

wollust der welt/die glichet sich
 Eym üppigen wib/die öffentlich
 Sitzt vff der straß vnd schrygt sich vß
 Das yederman kum inn jr huß



Und syn gemeynschafft mit jr teyl/
 Bann sie vmb wenig gelt sy feyl/
 Bittend/das man sich mit jr üß
 Inn boßheyt/vnd in falscher lieb
 Als gont die narren in jr schosß
 Glich wie zum schynder gat der ochß
 Oder eyn eynfalt schäfflin geyl/
 Das nit verstat/das es inns seyl
 Befallen ist/vnd in die streng
 Byß im der pfyl syn hertz durch dreg
 Bedenck narr/das es gylt din sel
 Und du dieß fallest inn die hell
 wann du mit jr vermeynschafft dich
 wer wollust flucht/der würt dort rich
 Mit süch zytlich wollust vnd freud/
 Als Gardanapalus der heyd
 Der meynt man solt hie leben wol
 Adit wollust/freud/vnd füllen voll
 Es wer keyn wollust noch dem todt
 Das was eyns rechten narren rott
 Das er sücht so zergenglich freud/
 Doch hat er wor in selbs geseyd
 wer sich mit wollust vberlad/
 Der koufft kleyn freud/mit schmertz vnd
 Keyn zytlich wollust würt so süß (schad
 So von nit gall zu letst vß flyß
 Der gantzen welt wollustikeyt
 Endt sich zu letst/mit bitterkeyt
 wie wol der meyster Epycurus
 Das höst güt setzt inn wollust

wer nit kan schwigen heimlicheyt
 Vnd syn anschlag eym andern seyt
 Dem widerfert/ruw/schad/vnd leydt



heimlicheyt verschwigen

Der ist eyn narr/der heimlicheyt
 Synr frowen/oder yemans seyt!
 Dar durch der sterckest man verlor
 Samson/sin ougen vnd syn hor/

Es wart verrotten ouch alsus
 Der wissag Amphyarus
 Bann frowen sint/als die geschrifft seyt
 Bôshütterin der heymlicheyt
 wer heymlich ding nit schwigen kan
 wer dût mit btrogenheyt vmb gan
 Und spant syn lefftzen wie eyn toz
 So hût eyn yeder wiß/sich vor/
 Dancher berûmbt sich grosser sach/
 wo er nachts vff der bülschafft wach/
 wann man syn worten recht nach gründ
 Oft man inn vff eym mistchuff fünd
 Dar vff gar dick entspringet ouch/
 Das man merckt/wo er âtzt den gouch
 Bann was du wilt das ich nit sag
 Schwigstu gar wol ich schwigen mag
 Magstdu nit behalten heymlikeyt
 Die du inn gheym mir hast geseyt
 was bgârst du dann schwigen von mir
 Das du nit haben môchst an dir
 Hett Achab nit syn heimlicheyt
 Synr frowen Jezabel geseyt
 Und hett verschwigen solich wort
 Es wer geschehen nit eyn mort
 wer üt heymlichs jm hertzen trag
 Der hût sich/das ers nyeman sag
 So ist er sicher/das nyeman
 Das innen werd/vnd sag dar von
 Der prophet sprach/ich wil alleyn/
 Din heimlicheyt han/nit gemeyn/

Wer durch keyn ander vrsach me
 Dann durch gütts willen griff zür ee
 Er bat vil zanchs / leyd / hader / we /



Leiben durch gützwillen
 wer schlüfft inn esel / vmb das schmär
 Der ist venunft / vnd wtsheyt lār
 Das er eyn alt wib nymbt zür ee
 Eyn gütten tag vnd keynen me



Er hat ouch wenig freud dar von
 Keyn frucht mag im dar vñ enston
 Und hat ouch nyemer gütten tagk
 Bann so er sicht den pfenning sagk
 Ber gatt im ouch dick vmb die oren
 Durch den er worden ist züm doren
 Dar vñ entspringt ouch oft vñ dick
 Das dar zü schlecht gar wenig glück
 So man das güt alleyn betracht
 Uff ere/vñ frumkeyt/gar nit acht
 So hatt man sich dann yber wibt
 Keyn fryd noch frönschafft me do blibt
 Lichter were im syn/jnn der wüst
 Bann das er lang zyt wonen müst
 By eym zorn/wähen/bösen wib
 Bann sie dörr bald des mannes lib/
 worlich zü truwen ist dem nüt
 welcher vmb gelt syn jugent gytt
 Sidt das im schmeckt des schmäres rouch
 Er dörr den esel schinden ouch
 Und wann es langzyt vmhar gat
 So fyndt er nüt dann müst vñ kat
 Til stellent Achabs dochter noch
 Und fallent jnn syn sünd vñ roch/
 Ber tufel Asmodeus hat
 Til gwalt yetz in dem eelichen stat/
 Es sint gar wenig Boos me
 Die Ruth begeren zü der ee
 Des fyndt man nüt dann ach vñ we
 Und criminoz te/kratzoza te

Vergunst vnd haf/witt vmbhar gat
 .Man fyndt grof nyd/in allem stat
 Der nythart/der ist noch nit dot



Hon nyd vnd hafz
 Blindschafft vnd nyd/macht narren vil
 Hon den ich ouch bye sagen will/
 Der doch entspringt alleyn dar von
 Das du vergünst mir das ich han

Und du dir bettest gern das myn
 Oder mir sunst nit hold magst syn/
 Es ist nyd/eyn so tötlich wundt
 Die nyemer me würt recht gesundt
 Und hat die eygenschaft an jr
 wann sie jr ettwas gantz setz für
 So hat keyn rüw sy/tag noch nacht
 Bis sie jr anschlag hat volbracht
 So lieb ist jr keyn schloff noch freud
 Das sie vergeß jrs hertzen leyd
 Dar vmb hat sie eyne blechen mundt
 Dürr/mager/sie ist wie eyne hundert
 Ir ougen roth/vnd sicht nyeman
 Bitt gantzen vollen ougen an
 Das wart an Saul mit Dauid schyn
 Und Joseph mit den brüdern syn/
 Nyd lacht nit/dann so vndergat
 Das schiff/das sie ertrencket hat
 Und wann nyd kyfflet/nagt/langzyt
 So isst sie sich/sunst anders nit
 wie Ethna sich verzert alleyn
 Des wart Aglauros zu eynem steyn
 was gift hat in jm/nyd vnd has
 Das spürt man zwüschen brüdern bass
 Als Layn/Esau/Thyestes/
 Jacobs sün/vnd Ethyocles
 Die trügen grösseren nyd in jnn
 Dann weren sie nit brüder gesyn
 Dann das geblüt würt so entzündt
 Das es vil me dann frömdes byndt

Wem sackpiffen freud/kurtz wil gytt
 Und acht der harpff/vnd luten nytt
 Der gehört wol vff den narren schlytt



Von vngedult der stroff

Eyn gewisses zeichen der narrheyt
 Ist/das eyn narr nyemer vertreyt
 Hoch mit gedult geliden mag
 Das man von wifen dingen sag

Eyn wyser gern von wyfheyt hört
 So durch syn wyfheyt würt gemert
 Eyn sackpfiß ist der narren spil
 Der harppfen acht er nit vil
 Keyn güt dem narren in der welt
 Was dann syn kolb/vnd pfiß gefelt
 Kum loßt sich stroffen der verkört
 Narren zall ist on end gemert/
 O narr gedenck zū aller fryt
 Das du eyn mensch/vnd dötlich bist
 Und nit dann leym/äsch/erd/vnd myt
 Und vnder aller creatur
 So hat vernunft in der natur
 Bist du das mynst/vnd eyn byschlak
 Eyn abschum/vnd eyn trüsensack
 Was überhebt dich dins gwalt/
 Dins adels/richtüm/jugent/gstalt/
 Sidt als das vnder der sunnen ist
 Unnütz ist/vnd dem wyfheyt gebrist
 Wäger das dich eyn wiser stroff
 Bann dich anlach eyn narrecht schoff
 Bann wie eyn brennend dystel kracht
 Als ist eyn narr ouch wenn er lacht/
 Sellig der mensch der in jm hat
 Allzyt eyn schrecken/wo er gat
 Der wisen hertz/truren betracht
 Eyn narr alleyn vff piffen acht
 Adan sing vnd sag/man flöh vnd bitt/
 Ab syn eilff ougen kumbt er nit
 Umb keyn stroff/ler/er etwas gitt

wer artzeny sich nyemet an
 Und doch keyn bresten beylen kan
 Der ist eyn gütter gouckelman



Von narrechter artzny

Der gat wol beyin mit andern narren
 wer eym dorkrancken bsicht den harn
 Und spricht/wart/bis ich dir verkünd
 was ich in mynen büchern synd

Die wile er gat zün büchern heym
 So fert der siech gön dottenheym/
 Til nemen artzen y sich an
 Der dheyner ettwas do mit kan
 Bann was das crütter büchlin lert
 Oder von altten wiben hört
 Die hant eyn kunst/die ist güt
 Das sie all bresten heylen düt
 Und darff keyn vnder scheyt me han
 Under jung/altt/frowen/man/
 Oder fucht/trucken/heiß/vnd kalt/
 Eyn krut das hat solch krafft/vnd gwalt
 Gleich wie die salb im Alabaster
 Dar vß die scherer all jr plaster
 Adachend/all wunden heylen mit
 Es sygen geschwär/stich/brüch/vnd schnit
 Wer Lucule verlost sie nit/
 Wer heylen will mit eym vngent
 All trieffend ougen/rott/verblent/
 Purgieren wil on wasserglas
 Der ist eyn artzt als Zühsta was/
 Dem gleich/ist wol eyn Aduocat
 Der inn keynr sach kan geben ratt/
 Eyn bichtvatter ist wol des gleich
 Der nit kan vnder richten sich
 was vnder yeder maletzy
 Und geschlecht der sünden/mittels sy
 So on vernunft/gat vmb den bry/
 Burch narren mancher würt verfür
 Der ee verdürbt/dann er das spürt/

k iij




So groß gewalt vff erdt nye kam
 Der nytt zū zytten/end ouch nam
 wann im syn zyl/vnd stündlin kam




Von end des gwaltes

Noch fyndt man narren manigfalt
 Die sich verlont vff iren gewalt
 Als ob er ewiglich solt stan
 Der doch düt/wie der schne zergon

Julius der Keyser/ was genüg
 Rich/mächtig/vnd von synnen klüg
 Ee dann er mit gewalt an sich
 Brocht/vnd regyert das Römische rich
 So er den zepter an sich nam
 Syn sorg vnd angst im huffecht kam
 Vnd was so witzig nit an rott
 Er würd dar vmb erstochen dott
 Barius der hat grof mächtig land
 Vnd wer wol blyben heyn on schand
 Vnd hett behaltten güt vnd ere
 Aber do er wolt süchen mer
 Vnd haben das/das syn was nitt
 Verloz er ouch das syn dar mitt/
 Xerxes der brocht inn kriechen landt
 So vil des volcks als meres sandt
 Das mer mit schiffen er bedeckt
 Er möcht die gantz welt han erstreckt
 Aber was wart im me dar von
 Er grieff Athenas grüßlich an
 Blich wie der Löw/angriff eyne hün
 Vnd floch doch als die hasen thün
 Der künig Nabuchodonoso:
 Do im zü fyl me glück dann vor
 Vnder Arfarat überwandt
 Meynt er erst haben alle landt
 Vnd setzt eyne götlich gewalt im für
 wart doch verwandert in eyne thyer
 Der möcht ich wol erzalen me
 Inn altter/vnd in nuwer ee

Aber es duncket mich nit syn nott
 Bar wenig sint in rüwen dott
 Oder die sturben an irem bett
 Die man nit sunst erdörtet bett
 Dar by mercken jr gewaltigen all
 Ir sitzen 3wo in glückes fall
 Sindt witzig/ vnd trachtend das end
 Das gott das radt üch nit vmb wend
 Uöchtend den herren/ dyenent jm
 wo üch syn zorn ergryfft/ vnd grym
 Der kurtzlich würt entflammen ser
 würt üwer gwalt nit bliben mer
 Und werden jr/ mit jm zergan
 Ir ion blibt syn rad nit stan
 Bann es laufft vmb/ von wynden kleyn
 Getlig/ wer hofft inn gott alleyn
 Er felt/ vnd blibt nit in der höh
 Der steyn/ den waltzt mit sorg vnd we
 Ben berg vff/ Sisyphus der toz
 Glück vnd gwalt/ wert nit lange jor/
 Bann noch der alten spruch ond sag
 Unglück vnphor/ das wechset all tag/
 Der vnrecht gwalt/ nymbt grüntlich ab
 Als Jezabel zeygt/ vnd Achab
 Obschon eyn herr sunst hatt keyn vynd
 Auß er besorgen doch syn gsynd
 Und vnder wil syn näbsten fründ/
 Die bringen inn vmb syn gewalt
 Zambry sins herren rich noch stalt
 Und dert an jm mozt vnd dotschlag




Und wardt eyn herr vff syben tag
 Alexander all welt bezwangk
 Eyn diener dott in/mit eym tranck/
 Barius entrañ/vnd was on nott
 Bessus syn diener stach in dott/
 Also der gwalt sich enden düt
 Cyrus der tranck syn eygen blüt/
 Keyn gwalt vff erd/so hoch ye kam
 Der nit eyn end mit truren nam
 Nye keyner hatt so mächtig fründ
 Der im eyn tag verheissen künd
 Und sicher wer eyn ougenblick
 Das er solt han gwalt/vnd glück
 Was die welt acht vffs aller best
 Das würt verbittert doch zu lest
 Wer überhebt sich das er stand
 Der lüg vnd schlipff nit vff dem sand
 Das im nit werd schad/spott/vnd schand
 Groß narrheyt ist vmb grossen gwalt
 Wann man in selten langzyt bhalt
 So ich durch süch all rich vnd hār
 Assyrien/Äden/Persyer/
 Macedonum/vnd kriecken landt
 Carthago/vnd der Römer standt
 So hatt es als gehan syn zyl
 Das römisch rich blibt so lang gott will/
 Gott hat im gsezt syn zyt/vnd moß
 Der geb/das es noch werd so groß
 Das im all erd sy vnderthon
 Als es von recht/vnd gsatz solt han


Wer on verdienst/will han den lon
 Und vffeyn schwachen ro: will ston
 Des anschlag würt vff krebsen gon





Furwissenheyt gottes
 Man fyndt gar manchen narren ouch
 Der ferbet vñ der geschrifft den gouch
 Und duncket sich striffecht vnd gelert
 So er die bücher hat vmbkert




Und hat den psalter gessen schyer
 Bis an den vers/ Beatus vir/
 Meynend/ hab gott eym güts beschert
 So werd im das nyemer entwert/
 Soll er dann faren zu der hell
 So well er syn eyn güte gesell
 Und leben recht mit andern wol
 Im werd doch was im werden sol/
 Marr loß von solcher fantesye
 Du steckst sunst bald im narren bry
 Das gott on arbeyt belonung gyt
 Verloß dich druff/ vnd bach du nit
 Und wart/ wo dir von hymel kundt
 Eyn brotten tub/ in dynen munt
 Dann solt es also schlecht zu gon
 So würd eym yeden knecht syn lon
 Gott geb/ er arbeit oder nit
 Das doch nit ist vff erden sytt
 War vmb wolt gott dann ewig lon
 Eym geben/ der wolt müßig gon
 Geben eym knecht der schlaffen wolt
 Sin rich/ vnd eyn so grossen solt/
 Ich sprich das vff erd nyemans leb
 Dem gott on gnaden etwas geb
 Oder dem er sy pflichtig üt
 Dann er ist vnß gantz schuldignüt
 Eyn fryer her/ schenckt wem er will
 Und gibt vß wenig oder vil
 Wie im geliebt/ wân gat es an
 Er weiß/ war vmb ers hat gethan



Folio



Eyn haffner vñ eyn erdklotz macht
Eyn erlich geschirr/sunst vil veracht
Als kachlen/bäfen/wasserkrüg
Do man in/böf/vnd güttes tüg
Die kachel spricht nit wider in
Ich solt eyn krüg/eyn hafn syn
Gott weiß (dem es alleyn zū stat)
war vmb er all ding geordnet hat/
war vmb er Jacob hat erwelt
Und nit Esau jm glich gezelt/
war vmb er Nabuchodonosor
Der vil gesündet hatt lang jor
Strofft/vnd zū rüw doch kumen lyef
Und zū sin rich/noch dem er büßet
Und Pharao mit geyslen hart
Strofft/der do von doch böser wart/
Eyn artzney macht eyne gesunt
Und macht den andern mer verwundt
Dann eyner noch dem er entpfandt
Gotts stroff/vnd der gewaltigen handt
Bedocht er syn sünd/mit süßstzen vil/
Der ander brucht syn fryen will
Und merckend gotts gerechtikeyt/
Dis brucht er sin barmhertzigkeyt/
Dann gott nye keynen hatt verlorn
Er wust/war vmb ers hatt gethon
wann ers wolt als glich han eracht
Er hett wol nit dann rosen gemacht
Aber er wolt ouch dyßlen han
Do man syn gerechtikeyt sah an



Der was eyn nydich schalckhafftig knecht
 Der meynt sin herr dat im vnrecht
 Do er im gab syn gdingten solt
 Und gab eym andern was er wolt
 Der wenig arbeyt hatt gethon
 Dem gab er doch eyn gleichen lon
 Man fyndt gar vil gerechter lüt/
 Die hie vff erd hant übelzyt
 Und loft in gott zu handen gon
 Als ob sie vil sünd hetten gthon
 Dar gegen fyndt man narren dick
 Die zu all sachen hand vil glück
 Und in jrn sünden sindt so fry
 Als ob jr werck gantz heylig sy
 Das sint die vrteyl gotts heimlich
 Der vrsach weiß nieman gentzlich
 Je me man die zu gründen bgärt
 Je mynder man dar von erfärt
 Ob yeman schon wänt das ers wif
 So ist er syn doch vngewif
 Wann all ding werden vns gespart
 In künfftig/vnsicher/hynfart/
 Dar vmb lof gots fürwissenheyt
 Und ordenung der fürsichtikeyt
 Stañ wie sie stat/thun recht vnd wol
 Gott ist barmbertzig/gnaden vol
 Lof wissen jnn/als das er weiß
 Zu recht/den lon ich dir verheiß
 Beharr/so gib ich dir myn sel
 Zu pfand/du kumbst nit in die hell/

Wer leschen wil eins andern für
 Und brennen lost syn eygen schür
 Der ist güt vff der narren lür



Syn selbs vergessen

wer groß arbeyt vnd vngemach
 Hat / wie er fürdere frömden sach
 Und wie eyns andern nutz er schaff
 Der ist me dann eyn ander aff

So er nit inn synr eignen sach
 Lügt/das er flüssig sy vnd wach
 Der narren büchlin billich lyset
 Wer wiß ist/vnd syn selbs vergift
 Bann der geordnete lieb wil han
 Der soll an jm selbst vohen an
 Als ouch Terentius vermant
 Ich bin mir aller nächst verwant
 Eyn yeder lüg vor syner schantz
 Ee er sorg/wie eyn ander dantz
 Der wil verderben ee dann zyt
 Der jm nit segt/vnd andern schnyt
 Und wer eyns ander kleidt mit flüss
 Süfert/vnder das syn beschüss
 Wer leschen wil eyns andern huß
 So jm die flam schlecht oben vß
 Und brennt das syn in alle macht
 Der hat vff syn nutz wenig acht
 Wer fürdern wil eyns andern karr
 Und hindern sich/der ist eyn narr
 Wer sich mit stömbder sach belad
 Und selbst versumbt/der hab den schad
 Wer sich des über redder latt
 Dar vß jm spott vnd schad entstat
 Der mag die leng sich nit erwören
 Der narr erwisch in by dem gören
 Adach wißheyt inn mit schaden leren
 Dem lydt syn dott am bersten an
 Den sunst erkennet yeder man
 Und er stirbt/vnd syn leben endt
 Das er sich selbst hart erkennt



wer begärt/das man im dyn all tag
 Und er doch danck/vnd lon versag
 Ist wol/das man im die brütschen Schlag



Lon vnd danckbarkeyt

Der ist eyn narr/der vil begärt
 And er nüt düt der eren wert
 And gybt eym müg/vnd arbeyt vil
 Dem er doch wenig lonen wil

Wer von eyner sach wil haben gewynn
 Billich setzt der inn synen synn
 Das er ouch kosten leg dar an
 Will anders er mit eren stan/
 Gar selten in sym wesen blibt
 Eyn müdroß/das man über tribt
 Eyn willigroß würt stettig baldt
 wann man das fütter im vorh aldt
 wer eym vil ding zū müten gtar
 Und lonen nitt/der ist eyn narr
 wer nit mag haben wol für güt
 was man vmb zymlich lon im düt
 Ber soll zū zyten sich nit klagen
 Ob man im arbeyt düt versagen
 So sol man im die brütschen schlagen/
 wes eyner will das er genyß
 Ber lüg das er ouch wider schyß
 Und anckerkeyt nymbt bösen lon
 Sie macht den brunnen wassers on
 Eyn altt zystern nit wasser gytt
 wann man nit wasser noch dzyt schytt/
 Eyn düren angel gar bald kyerrt
 wann man in nit mit öl ouch schmiert
 Ber ist nit würdig grösser schenck
 wer an die kleynen nit gedenck
 Dem würt billich versagt all gob
 Ber vmb die kleyn nit saget lob
 Ber heist wol on vernunft/vnd grob
 All wisen ye gehassent hant
 Ben/der vndanckbar wart erkant

Des narren bry / ich nye vergaß
 So mir gefiel das spiegel glas
 Hans esels oz / myn brüder was



Von im selbstvolgefallen

Der rürt im wol den narren bry
 wer wānet das er witzig sy
 Und gefelt alleyn im selber woll
 In spiecel sieht er yemertol

Und kan doch nit gemercken das
 Das er eyn narren sicht im glas
 Doch wann er schweren solt eyn eyt
 Und man von wiß vnd hüpschen seyt
 So meint er doch er wers alleyn
 Adan find sins glich vff erden keyn
 Und schwür ouch/im gebrest gantz nüt
 Syn dün vnd lon/gefelt im allzyt
 Den spiegel er nit von im latt
 Er sytz/lyg/ritt/gang/wo er statt/
 Blich als der keyser Otto dett
 Der in dem stritt eyn spiegel bett
 Und schar all tag syn backen zwilch
 Und wusch sie dann mit esels milch
 Das ist eyn wibertading güt
 Keyn on den spiegel ettwas düt
 Ee sie sich schleygeren recht dar vor
 Und mutzen/gat wol vß eyn jor
 wem so gefelt wiß/gstalt/vnd werck
 Das ist der aff von heydelbergk
 Pygmalion gfiel syn eygen bild
 Des wardt er inn narrheyt gantz wild
 Hett sich Marcissus gspieglet nit
 Er bett gelebt noch lange zyt
 Manches sicht statts den spiegel an
 Sicht doch nüt hüpsches dar inn stan
 wer also ist eyn narrecht schoff
 Der lidt ouch nit das man in stroff
 So gatt er inn syn wesen hyu
 Und wil mit gwalt/nit witzig syn

Das best/am dantzen/ist das man
 Mit yemerdar düt für sich gan
 Und ouch by 3yt vmb keren kan



Von dantzen

Ich hielt nah die für narren gantz
 Die freud vnd lust hant in dem dantz
 Und louffen vmb/als werens toub
 Adüß zu machen inn dem stoub

Aber so ich gedenck dar by
 wie dantz/mit sünd entsprungen sy
 Und ich kan mercken/vnd betracht
 Das es der tûfel hat vff bracht
 So er das gulden kalb erdacht
 Und schüff das gott wart gantz veracht/
 Hoch vil er mit zu wegen bringt
 Als dantzen vil vnratz entspringt
 So ist hochfart/vnd üppikeyt
 Und fûrlouff der vnutterkeyt
 So schleyff man Cenus by der hend
 So hatt all erberkeyt eyn end
 So weyß ich gantz vff ertrich
 Keyn schympf der sy eym ernst so glich
 Als das man dantzen hat erdocht
 Als kilwib/erste meß ouch brocht
 So dantzen pfaffen/münch/vnd leyn
 Die kutt muß sich do binden reyn
 So loufft man/vnd würfft vmbher eyn
 Das man hoch siebt die blossen beyn
 Ich will der ander schand geschwigen
 Der dantz schmeckt das dann essen sygen
 wann kûntz mit Adâzen dantzen mag
 Inn hungert nit eyn gantzen tag
 So werden sie des kouffes eyns
 wie man eyn bock geb vmb eyn geys
 Soll das eyn kurtzvil syn genant
 So hab ich narrheyt vil erkant
 Als wartten vff den dantz lang zyt
 Die doch der dantz ersettigit nit

wer vil lust hatt/wie er hofier
 nacht vff der gassen/vor der thür
 den glust/das er wachend erfrür



Vonnachtes hofyeren

Jetzt wer schyer vff der narren dantz
 Aber des spyl wer nit all gantz
 wann nit hie weren ouch die löffel
 Die gassentretter/vnd die göffel

Die durch die nacht keyn rûw went han
 wann sie nit vff der gassen gan
 Und schlagen luten vor der tür
 Ob gucken well die mâtz har für
 Und kumen vff der gassen nit
 Bis man eyn kammer loug inn gitt
 Oder sie würfft mit eym steyn
 Es ist die freud in warheyt kleyn
 Inn winters nacht also erfryeren
 So sie der göuchin dünt hofyeren
 Adü seitten spyel/mit pfiffen/singen
 Am holtzmarckt über die blöcher springen
 Das dünt studenten/pfaffen/leyen
 Die pfiffen zü dem narren reyen
 E yner schryt/juchtzet/broît vnd blözt
 Als ob er yetzend würd ermört
 Je eyn narr do dem andern seyt
 wo er müß wartten, vff bescheyt
 Do müß man im dann hoffrecht machen
 Als heymlich halttet er syn sachen
 Das yederman do von müß sagen
 Die vischers vff den küblen schlagen
 Ancher syn frow loft an dem bett
 Die lieber kurtz wil mit im bett
 Und dantz er an dem narren seyl
 Rymbt das güt end/so darff es heyl
 Ich schwig der/den das selb gyt freud
 Das sie lauffen im narren kleyd
 wann man eyn narren gyene hieß
 Ancher sich an den namen styeß

Ich vorcht mir ging an narren ab
Und hon durch sucht den bättel stab
Kleyn wisheyt ich do funden hab



Von bettlern

Der bättel hat ouch narren vil
All welt die riecht sich yetz vff gyl
Und will mit bätülen neren sich
Ißaffen/münchs orden sint vast rich

LXXVIII

Und klagent sich/als werent sie arm
 Ihü bättel/das es gott erbarm
 Du bist zu notturfft vff erdocht
 Und hast grof huffen zamen brocht
 Hoch schrygt der prior trag her plus
 Dem sack dem ist der boden vß
 Des gleichen dünt die heylchtüm fürer/
 Styrnenstösser/stationyerer
 Die nyemant keyn kirch wib verligen
 Uff der sie nit öfflich vß schryen
 Wie das sie füren in dem sack
 Das bew/das tieff vergraben lagk
 Under der krippf zu Bettlebeyn
 Das sy von Balams esel beyu
 Eyn fäder von sant Michels flügel
 Auch von sant jörgen roß eyn zügel
 Oder die buntschüch von sant Claren
 Mancher düt bättlen by den joren
 So er wol wercken möcht vnd kunds
 Und er/jung/starck ist/vnd gesundt
 Wann das er sich nit wol mag bucken
 Im stäckt eyn schelmenbeyn im rucken
 Sin kind die müßent jung dar an
 On vnderloß zum bättel gan
 Und leren wol das bättel geschrey
 Er bräch inn ee eyn arm entzwey
 Oder etzt inn vil blätzer/bülen
 So mit sie künden schrygen bülen/
 Der sitzen vier vnd zwentzig noch
 Zu straspurg in dem dummenloch

On die man setzt inn weissen kasten
 Aber bättler dünt selten vasten
 Zu Basel vff dem kolenbergk
 Do trieben sie vil bübenwerck
 Ir rottwelsch sie im terich hand
 Ir gfüge narung durch die land
 Jeder stabylein hörlüten hatt
 Die voppen / ferben / ditzent / gatt
 wie sie dem prediger gelt gewynn
 Der lüg / wo sy der Joham grym
 Durch alle schöchelboß er loufft
 Mit rübling / innen ist syn kouff
 Bis er beseuelet hie vnd do
 So schwantz er sich dann anderswo
 Ueralchend vber den breithart
 Stielt er all breitfuß / vnd flughart
 Der sie flösflet / vnd lüfing ab schnyt
 Brantner / klant / vetzer / füren mit
 Eyn wild beganschafft der welt
 Ist / wie man stelt yetz vff das gelt
 Herolden / sprecher / Partzifand /
 Die stroffen ettwann öfflich schand
 Und hatten dar durch eren vil
 Eyn yeder narr yetz sprechen wil
 Und tragen stäblin ruch vnd glatt
 Das er werd von dem bättel satt /
 Eym wer leid das gantz wer syn gwandt
 Bättler beschissen alle landt /
 Eyn er eyn silberin kelch muß han
 Do all tag syben moß in gan

Der gat vff krucken so man sicht
 wann er alleyn ist/darff ers nicht
 Biser kan fallen vor den lüten
 Das yederman tüg vff in dütten
 Der lehnet andern jr kynder ab
 Das er eyn grossen buffen hab
 Mit körb eyn esel düt bewaren
 Als wolt er zū sant Jacob faren
 Der gat hincken/der gat bucken
 Der bindet eyn beyn vff eyn krucken
 Oder eyn gerner beyn in die schlucken
 wann man im recht lügt zū der wunden
 So säh man wie er wer gebunden
 Zum bättel lof ich mir der wile
 Bann es synt leyder bättler vile
 Und werden stäts yeme vnd me
 Bann bättlen das düt nyeman we
 On dem/der es zū nott müß triben
 Sunst ist gar güt eyn bättler bliben
 Bann bättlen des verdyrbt man nit
 Til bgont sich wol zū wißbrot mit
 Sie trinken nit den schlechten wyn
 Es müß Reynsal/Elßässer syn
 Mancher verlost vff bättlen sich
 Der spielt bübt/halt sich üppeklich
 Bann so er schon verschlembt sin hab
 Schlecht man im bättlen doch nit ab
 Im ist erloubt der bättel stab
 Til nerern vß dem bättel sich
 Sie me gelts hant dan du vnd ich

Der. LXIII. nar Folio

Adanher der ritt gern spat vnd frū
Künd er vor frowen kumen zū
Die lont dem esel selten rūw




Von bosen zwibern

Inn myner vorred hab ich gton
Eyn bzügnis / protestation
Ich well der gütten frowen nycht
Adit arg gedencken in myn gedycht


Aber man würt bald von mir klagen
 Solt ich nüt von den bösen sagen
 Eyn frow/die gern von wißheyt hört
 Die würt nit licht in schand verkört
 Eyn güt frōw/senfft des mannes zorn
 Assuerus hat eyn eyd geschworn
 Noch macht in Hester weich vnd lynd
 Abygayl senfft David geschwind
 Aber böß frowen/gänt böß rādt
 Als Ocholyas mütter dett
 Herodias jr dochter hieß
 Das man den töuffer köpfen lyef
 Salmon durch frowen rātt verkert
 wart/das er die abgötter ert/
 Eyn frow ist worden bald eyn hätz
 wann inn sunst wol ist mit geschwätz
 Und lyplep/schnādern/tag vnd nacht
 Myris hat vil jungen gemacht
 Ben ist gelüpt die zung so wol
 Das sie dick brennet wie eyn kol/
 Dis klagt/dis klappert/dise lügt
 Die richt vß/als das stübt vnd flügt/
 Die ander kyflet an dem bett
 Der eeman selten fryd do bett
 Müß hören predig ouch gar oft
 So manch barfüßer lygt vnd schlofft
 Es zücht die sträbkatz mancher man
 Der doch das mer teyl noch müß lan
 Manich frow ist frum vnd bschyd genüg
 Und ist dem man alleyn zū klüg

Folio

Das sie nit von jm lyden mag
Das er sie etwas ler/vnd sag/
Bar dick eyn man zū vnglück kunt
Alleyn durch syner frowen mundt
Als Amphyon zū Teba geschach
Do er syn kind all sterben sach/
wann frowen solten reden vil
Lalburnia kem bald ins spil/
Eyn böß frow itats jr boßheyt eügt
Die frow der Joseph dient/das zeygt/
Keyn größern zorn man yemant spürt
Bann so eyn wibs bild zornig würt
Die wüttet/wie eyn löwin stüdt
Der man die jungen nāman düt
Oder eyn bārin/die do seigt
Abeda das/vnd Brogne zeygt/
was man die wißheyt gantz durch gründt
Keyn bitterer krat vff erd man fyndt
Bann frowen der hertz ist eyn garn
Und strickt/dar in vil doren farn/
Burch dry ding würt die erd erschüt
Das vierd das mag sie tragen nitt/
Eyn knecht der worden ist eyn her/
Eyn narr der sich hat gefüllet ser/
Eyn nidesch böß vnd giftig wib
wer die vermālet synem lib
Das vierd all frūnschafft gantz verderbt
Eyn dienstmagt die jr frowen erbt/
Dry ding man nit erfüllen mag
Das vierd schryt itats/bar zū bar trag



Eyn frow/die hell/das ertrich
 Das schluckt al wassers güß inn sich
 Das für spricht nyemer/hör vff nū
 Ich hab genūg/trag nym har zū/
 Dyr ding ich nit erkennen kan
 Des vierden weiß ich gantz nütz von
 wann in dem luft eyn Adler flucht
 Eyn schlang die vff ein velsen krucht
 Eyn schiff das mitten gat im mer/
 Eyn man der noch hat kyndeschler/
 Des glich der weg eynr frowen ist
 Die sich zum eebuch hat gerüst
 Die schleckt/vñ wüschet dē mündt gar schon
 Und spricht/ich hab nüt böses gton
 Eym rynnend tach zū winters frist
 Ist glich eyn frow die zänckisch ist
 Hell/vnd vāgtüfel hat genūg
 wer mit eynr solchen zūbt im pflug/
 Maschy hat vil nachkomen gelon
 Die wenig achten vff jr man/
 Des wibs will ich geschwigen gar
 Die zū richten eyn supplin getar
 Als Poncia vnd Agrippina/
 Belides vnd Elytymestra
 Die jr mann stoeben an dem bett
 Als Phereo syn hufrow dett
 Gar seltzen ist Lucrecia/
 Oder Cathonis porcia/
 Uppiger frowen fyndt man vil
 Dann Thais ist in allem spil




Wil abergloub man yetz erdicht
 was künfftig man an den sternenn sicht
 Eyn yeder narr sich dar vff richt



Von achtung des gestirn

Wer ist eyn narr der me verheyßt
 Bann er in sym vermögen weißt
 Oder dann er zū tūn hat mūt
 Verheissen ist den arzet gūt





Aber eyn narr verheißt eyn tag
 De/dann all welt geleyten mag
 Vff künfftig ding man yetz vast lendt
 Was das gestyrn vnd fürmament
 Vnd der planeten louff vns sag
 O der gott inn sym rott anschlag
 Vnd meinent/das man wissen soll
 Als das gott mit vns würcken wöll
 Als ob das gstryrn eyn notdurfft bring
 Vnd im noch müsten gan all ding
 Vnd gott nit herr vnd meyster wer
 Ber eyns licht macht/das ander schwär
 Vnd laßt das vil Saturnus kindt
 Bannacht gerecht/fruum/heylig syndt
 Bar gegen Sunn/vnd Jupiter;
 Hant kind die nit syndt bosheyt lār
 Eym krüsten menschen nit zū stat
 Das er mit heyden kunst vmb gat
 Vnd merck vff der planeten louff
 O der diser tag sy güt zūm kouff/
 Zū buwen/krieg/machung der ee/
 Zū fründtschaft/vnd des gleichen me
 All vnser wort/werck/tūn vnd lon
 Vff gott/inn gott/alleyn soll gon
 Barumb gloubt der nit recht inn gott/
 Ber vff das gestyrn solch glouben hat
 Das eyn stunn/monet/tag vnd jor
 So glücklich sy/das man dar vor
 Vnd nach/sol groß ansahen nüt
 wann es nüt geschicht die selbe zyt



Das es dan nün geschehen mag
 Wann es sy eyn verworffen tag/
 Und wer nit ettwas nüwes hat/
 Und vmb das nüw joz syngen gat/
 Und gryn tann riß stekt in syn huß
 Der meint er leb das joz nit vß
 Als die Egiptier hielten vor/
 Bes glichen zü dem nüwen joz/
 Wem man nit ettwas schencken düt
 Der meynt das gantz joz werd nit güt/
 Und des glich vngloub allerley
 Adyt wolsagen / vnd vogelgschrey
 Adit character / sagen / treünerbüch
 Und das man by dem monschyn süch
 Oder der schwartzen kunst noch stell
 Mit ist das man nit wissen well
 So yeder schwür / es fält jm nit
 So fält es vmb eyn burenschrytt
 Mit vas der sternen louff alleyn
 Sie sagen / so eyn yedes kleyn
 Und aller mynst jm fliegen hirn
 Will man yetz sagen vß dem gestirn
 Und was man reden / rotten werd
 Wieder werd glück han / was geberd /
 Was willen / zü fall der kranckheit
 Fräuelich man vß dem gestirn yetz seit/
 Inn narrheyt ist all welt ertoubt
 Ein yeden narren man yetz gloubt
 Til practick vnd wissagend kunst
 Batt yetz vast vß der trucker gunst

Die drucken alles das man bringt
 Was man von schanden sagt vnd singt
 Das gat nün als on stroff do hyn
 Die welt die will betrogen syn/
 wann man solch kunst yetz trib vnd lert
 Und das nit inn vil boßheit kert
 Oder sunst brecht schad der sel/
 Als Moyses kund vnd Daniel/
 So wer es nit eyn böße kunst
 Jo wer sie würdig rums vnd gunst
 Aber man wissagt mir/das vieh sterb
 Oder wie korn vnd wyn verderb
 Oder wann es schnyg oder reg
 wann es schön sy/der wint weg
 Buren fragen noch solcher gschrift
 Dann es in zü gewyn antrifft
 Das sie korn/byndersich vnd wyn
 haltten/bis es werd durer syn
 So Abraham laß solche büch
 Und in Chaldaea sternen sücht
 was er der gsieht vnd trostes an
 Die im gott sandt in Chanaan
 Dann es ist eyn lychtferikeyt
 wo man von solchen dingen seyt
 Als ob man gott wolt zwingen mitt
 Das es müß syn/vnd anders nitt
 Gottes lieb verloschen ist vnd gunst
 Des sücht man yetz des tüfels kunst
 So Saul der künig was verlan
 Von gott/rüfft er den tüfel an

wer vß mißst hymel/erd/vnd mer
 Vnd dar inn sücht lust/freud/vnd ler
 Der lüg/das er dem narren we r



Von erfahrung aller land

Ich halt den ouch nit itel wiß
 Der all syn synn leit/vnd syn fliß
 wie er erkund allstett/vnd landt
 Vnd nymbt den zyrkel in die handt

Das er dar durch berichtet werd
 wie breit/wie lang/wie wit die erd
 wie dieff/vnd verr sich zieh das mer
 Und was enthalt den letsten spöz
 wie sich das mer zu end der welt
 halt das es nit zu tal ab felt
 Ob man hab vmb die gantz welt für
 was volchs wone vnder yder schnür/
 Ob vnder vnser füßen lüt
 Auch sygen/oder do sie nüt
 Und wie sie sich enthalten vff
 Das sie nit fallen in den luft/
 wie man vß mit eym stäcklin räch
 Das man die gantz welt durch fäch
 Archimenes der wust des vil
 Der macht im buluer/kreis vnd zyl
 So mit er vil vfrächen kundert
 Und wolt nit vff tün synen munt
 Er vorcht es ging eyn plast dar von
 Das im an kreysen ab würd gon
 Und ee er reden wolt eyn wort
 Lief er ee das er wurd ermort/
 Der messen kunst was er behend
 Kund doch vß ecken nit syn end
 Bycearchus der fleiß sich des
 Das er die höh der berg vß meß
 Und fand das idel von höher was
 Bann alle berg die er ye mäß
 Doch mäß er nit mit syner handt
 Die Alppen hoch im Schwitzerlandt

Folio

Was ouch nit wie tieff wer das loch
Do byn er müst/vnd sitzet noch/
Ptholomeus rechnet vß mit gradt
Was lang vnd breyt das ertrich hatt/
Die lengzücht er von orient
Vnd endt die selb inn occident/
Das hundert/achtzig grad er acht
Sechtzig vnd dry/gen mitternacht
Die breyt vom equinoxial
Ben mittentag/ist sie me schmal
Zwentzig vnd fünffer fyndet grad
Des lands so man erkündet hat
Plynus rächt das mit schritten vß
So machet Strabo mylen druß
Noch hat man sythar funden vile
Landt/bynder Morwegen vnd Thyle
Als islant vnd Sylappenlandt
Das vorbyn als nit was erkant
Ouch hat man sydt in portigall
Vnd inn Hispanyen vberall
Bolt/inflen funden/vnd nacket lüt
Von den man vor wust sagen nüt/
Marinus/noch dem mer/die welt
Rächnet/vnd hat drann gar wüst gefält/
Plynus der meister seit
Das es sy eyn vn synnikeyt
wellen die größ der welt verston
Vnd vßer der by wilen gon
Vnd rechnen biß hinder das mer
Dar inn menschlich vernunft irrt ser

Das sy solchem noch rächen allzyt
 Und kan sich selv vß rächen nitt
 Und meint das er die ding verstat
 Das die welt selv nit in jr hat/
 Hercules setzt inn das mer
 Zwo sülen (als man seit) von ere
 Die eyn die endet Affricam
 Die ander vocht an Europam/
 Und hat groß acht vff end der erdt
 wust nit/was end jm was beschert
 Bann der all wunderwerck veracht/
 Der wart durch frowen list vmbrecht/
 Bacchus zoch vmb mit grossem her
 Durch alle landt der welt/vnd mer
 Und was alleyn der anschlag syn
 Das yederman lert drincken wyn
 wo man nit wyn vnd reben hett
 So lert er machen byer vnd mett/
 Sylenus der verlag sich nit
 Im narren schiff für er ouch mit
 Und sunst iustkind vnd metzen vil
 Mit grosser freud vnd seyten spil/
 Er ist eyn trunckner schelm gesyn
 Das jm so wol was mit dem wyn/
 Er dürfft nit arbeit han ankert
 Man hett sunst drincken wol gelert
 Man tribt mit prassen vil schand
 Jetz firt er erst recht vmb jm land
 Und macht manchen jm prass verrücht
 Des vatter nye keyn wyn versücht

Aber was wart Bacho dar von
 Er müst zů letst von gesellen gon
 Und faren hyen do er yetz drinckt
 Das im me durst/dann wollust bringet
 wie wol die beyden in dar noch
 Erten als gott/vnd bielten boch/
 Von denen kumen ist sydtbar
 Das man im landt vnd bächten far
 Und düt im ere noch synem dott
 Der vns vil üfels hat vff brocht
 Die böß gwonheyten wärent lang
 was vnrecht ist nymbt vberhang
 Bann dar zů statts der tüfel bloßet
 Das man syn dienstbarkeyt nit losset
 So mit ich ouch yetz wider vmb
 Uff myn matery vnd fürnemen kumb
 was nott wont doch eym menschen by
 Das er süch größers dann er sy
 Und weist nit was im nutz entspring
 wann er erfart schon höbe ding
 Und nit die zyt syns todes kennt
 Die wie eyn schät von bynnen rennt
 Ob schon diß kunst ist gewis vnd wor
 So ist doch das eyn größer toz
 Der in syn synn wigt so gering
 Das er wöll wissen frömdes ding
 Und die erkennen eygentlich
 Und kan doch nit erkennen sich
 Auch gedenckt nit wie er das erler
 Er sücht alleyn rüm/weltlich ere/

Und gedenckt nit an das ewig rich
 wie das witt ist / schön / wunderlich
 Dar inn dann ouch vil wonung sint
 Uff irdeschs yeder narr erblyndt
 Und sucht syn freud / vnd lust dar inn
 Des er me schad hat dann gewynn
 Til handt erkundt / verr / frömdelant
 So keyner nye sich selbs erkant /
 wer wiß wurd als Tlisses wart
 So er langzyt für vff der fart
 Und sach vil land / lüt / stet / vnd mer
 Und mert sich stät in gütter ler /
 Oder als dett Pythagoras
 Der vß Memphis geboren was /
 Ouch plato durch Egypten zoch
 Kam / in Italias dar noch
 So mitt er ye mer täglich lert
 Das syn kunst / wißheyt / würd gemert /
 Appolonius durch zoch all ort
 wo er von gelerten sagen hort
 Den stelt vnd zoch er täglich noch
 Das er in künsten würd me hoch
 Fant allenthalb das er me lert
 Und das er vor nit hat gehört
 wer yetz solch reyß vnd lantfar dat
 Das er zu nem inn wißheyt stät
 Dem wer zu über sehen baß
 wie wol doch nit genug wer das /
 Dann wem syn synn zu wandlen stot
 Der mag nit genzlich dienen gott

Der narr Adarſyas der verlor
 Das man ſin abzoeh but vnd hor
 Hielt doch die ſackpfiff/noch als vor



Mit zwellen eynnarr ſyn
 Dye eygenſchaft hat yeder narr
 Das er nit kan genemen war
 Das man ſyn ſpott/dar vmb verlor
 Der narr Adarſyas/but vnd hor

Aber narrheyt ist so verblent
 Eyn narr zü allen zytten wânt
 Er sy witzig/so man sin lach
 Vnd eyn iusttading vß jm mach
 Stelt er sich ernstlich zü der sach/
 Das man in ouch für witzig halt
 Bis jm die pfiff vß dem ermel salt/
 Wer vil güt hat/der hat vil fründ
 Dem hilfft man redlich ouch zü sünd
 Eyn yeder lüg wie er in schynd
 So lang das wert/bis er würt arm
 So spricht er heu/das gott er barm
 Wie hatt ich vor/nochlouff so vil
 Kein fründ ist/der mich trösten wil/
 Het ich das vor by zit betracht
 Ich wär noch rich/vnd nit veracht/
 Ein groß torheyt ist das für wor
 Welcher verdüt in eynem jor
 Do er sin tag solt leben mitt
 Das er das üppeklich vß gitt
 Vnd meynt zyttlich siroben han
 Das er mög noch dem bättel gan
 So jm dan stosst vnder syn hend
 Armüt/verachtung/spott/ellend/
 Vnd er zerrissen loufft/vnd bloß
 So kumbt jm dann der rüwen stoß/
 Wol dem/der jm fründ machen kan
 Vß güt/das er doch hie müß lan
 Die in trösten vnd by jm ston/
 So er ist allenthalb verlön

Folio

Bar gegen ist mancher narr vff erd
Der sich an nymbt narscher geberd
Und wann man inn joch schünd vnd süß
So kunder doch gantz nütz dar mitt
Dann das er ettwan die oren schütt
Will nährisch syn mit allem flüß
Doch nyemans gefelt syn narren wiß/
wie woll er glich eyn narren düß
Nymbt doch syn schympff niemans für güt
Duch sprechen von im etlich gefellen
Der narr wolt sich gern nährisch stellen
So kan er weder wiß noch gbärd
Er ist eyn narr vnd nyemans werd/
Und ist eyn seltsen ding vff erd
Mancher will syn eyn witzig man
Der sich nymbt der dorheyt an
Und meynt das man in rümen sol
wann man spricht/der kan narrheyt wol
Bar gegen sint vil narren ouch
Die vß gebrütet hat eyn gouch
Die wellen von der wißheyt sagen
Es sie gebowen oder geschlagen
So went sie witzig syn gezelt
So man die doch für narren heltt/
wann man eyn narren knüttschet kleyn
Als man dem pfeffer düß im steyn
Und stieß in dar inn joch lang jor
So blib er doch eyn narr als vor
Dann yedem narren das gebrist/
Das wonolff/briegolffs brüder ist

Adan cher der ließ sich halber schinden
 Und im alle viere mit seyle bynden
 Das im alleyn ging gelt dar vß
 Und er vil golds bett im sym huß
 Der lyt ouch das er lāg zū bett
 Und er der richen siechtag bett
 Und man in wie eyn büben schiltt
 Eht er dar von bett zynß vnd gültt
 Adit zymlich nyeman benügen will
 Wer vil hat/der will han zū vil
 Ußrichtum übermüt entsprängt
 Richtum gar selten demüt bringt
 Was sol eyn dreck wann er nit stinckt/
 Til sint alleyn/die hant keyn kynd
 Keyn brüder noch sunst nohe fründ
 Und bözen nit vß arbeyten doch
 Ir ougen fült keyn richtum ouch
 Moch gdencken nit/wem werck ich vor
 Hab übelzyt ich gouch vnd toz
 Gott gibt manchem richtum vnd ere
 Und gbrüst synr sel/nüt anders mere
 Bann das im gott nitt dar zū gytt
 Das er das bruch zū rechter zytt
 Auch das nit nyessen zymlich getar
 Jo es eym frömden füller spar/
 Tantalus sitzt inn wassers lust/
 Und hat an wasser doch gebrüst
 Wie wol er sicht die äppfel an
 Hat er doch wenig freud dar von
 Das schafft/das er im selbs nüt gan

Wer kynd/ vnd narren sich nymbt an
Der soll jr schimpf für gütt ouch han
Er muß sunst mit den narren gon



Schympf nit verston

Der ist eyn narr der nit verstöt
wann er mit eynem narren redt
Der ist eyn narr der widerbilt
And sich mit eynem truncken schilt

Adit kynd/vnd narren schymphen wil
 Und nit vff nemen narren spil
 wer wil mit jägern gon der hetz
 wer keyglen will/der selb vff setz/
 Der hül/der by den wölffen ist/
 Der spricht ich lieg/dem nütz gebrist
 wort geng vmb wort/ist narren wiß
 Guts gändt vmb böß/hatt hohen priß
 wer gibt das böß vmb güttes vß
 Dem kumbt böß/nyemer vß dem huß/
 wer lachtet des eyn ander weynt
 Dem kumbt des glich/so ers nit meynt
 Eyn wiser gern byn wysen stat
 Eyn narr mit narren gern vmb gat/
 Das neymans lyden mag eyn narr
 Das kumbt vß synem hochmüt dar
 Ade leid geschicht eym narren dran
 Das er sicht erlich vor jm gon
 Dann er hab früd/das jm sunst all
 Hoch gangen/vnd zün füßen fall/
 Und das du merckest/wie ich es meyn
 Eyn stoltzer wer gern herr alleyn/
 Aman hatt nit grossen glust
 Das yederman in anbett sust
 Als er hatt leyd/das in eyn man
 Hitt better Adardocheus an/
 Hitt nott das man narren vff merckt
 Adan spürt eyn narren an sym werck/
 wer wiß wolt syn (als yeder sol)
 Der ging der narren müßig wol

Der. LXVIII. nar Folio

Der würfft inn die höb den ball
Und wartet nitt des widerfall
wer will die lütt erzürnen all



Wos dun vnd nit zwartten
Der ist eyn nar der andern düt
Das er von keyn mag han für güt
Lüg yeder/was er andern tüg
Das inn do mit ouch wol benüg



wie yeder vor dem wald in biltt
 Des glich im allzyt widerbiltt
 wer andere stoffen will in sack
 Der wart ouch selbs des backen schlack/
 wer vilen seit/was yedem gebrist
 Der hört gar oft ouch wer er ist
 wie Adonisedech hatt geton
 Til andern/als wart im der lon/
 Beryllus sang selber in der kü
 Die er hett andern gerüstet zü/
 Des glich geschach ouch Busyris
 Biomedis vnd Phalaris
 Mancher eym andern macht eyn loch
 Dar in er selber fallet doch
 Eyn galg eym andern macht Aman
 Do er wart selst gehencket an
 Truw yedem wol/lüg doch für dich
 Dann wörllich/truw ist mislich
 Lüg vor was hinder yedem stäck
 wol truwen/rytt vil pferd byn wägk/
 Mit yf mit eynem nydischen man
 Noch wellest mit im zü dische gan
 Dann er von stund an yberschlacht
 Das du nie hast in dir gedacht
 Er spricht zü dir/fründ yf/vnd trinck
 Doch ist syn hertz an dir gantz linck
 Als ob er sprech/wol günd ichs dir
 Als herts eyn dieb gestolen mir/
 Mancher der lacht dich an in schertz
 Der dir doch heymlich äß din hertz

wer nit im summer gaben kan
 Der muß im winter mangel han
 Den berendantz dick sehen an



Die furleben byzyt
 Man fyndt gar manch nachgültig mensch
 Das ist so gar eyn wätertrensch
 Das es sich nyenan schicken kan
 Zu allem das es vohet an/

Kejn ding by zytten er bestelt
 Mit übernöchtigs er bebelt
 Dann das er sunst so hynlöf ist
 Das er nit gedenckt/was jm gebrist
 Und was er haben muß zur nott
 Dann so es an eyn treffen gott
 Mit wyter gedenckt er vff all stundt
 Dann von der nasen/bis inn mundt
 Wer inn dem summer samelen kan
 Das er den wynter mög bestan
 Den nenn ich wol eyn wisen sun
 Und wer jm summer nüt wil dūn
 Dann schlossen allzyt an der sunnen
 Der muß han güt/das vor ist gewonnen
 Oder muß durch den winter sich
 Bebelffen ettwan schlächtegliche
 Und an dem dopen sugen bert
 Bis er des hungers sich erwert/
 Wer nit jm summer machet bew
 Der loufft jm wynter mit geschrey
 Und hat zu samen gbunden seyl
 Ruffend/das man jm hew geb seyl/
 Der tråg jm wynter vngern ert
 Im summer/bättlens er sich nert
 Und muß lyden manch übel zyt
 Und heischst vil wenig man jm gytt/
 Der narr/vnd würd der omeyß glich
 In gütter zyt versorg du dich
 Das du nit müßest mangel han
 wann ander lüt zu freuden gan

Bar dick der hächlen / er entpfindt
 wer stäts zancket / wie eyn kindt
 Und meyn die warheyt machen blyndt



zancken vnd zu gricht gon

Uon den narren will ich ouch sagen
 Die in eynr yeden sach went tagen
 Und nüt mit lieb lont komen ab
 So man nit vor / eyn zanck vmb hab

So mit die sach sich lang verzych
 Und man der gerechtikeyt entfliech
 Von sie sich bitten/triben/manen
 Echten/vetluten/ond verbannen/
 Verloßend sich/das sie das recht
 wol bügen/das es nit blib schlecht
 Als ob es wer eyn wächsyn naß
 Mit denckend/das sie synd der haß
 Der inn der schriber pfeffer kundert
 Der vogt/gewalthaber/vnd fürmundt
 Und aduocat/muß zu sym disch
 Bar von ouch han eyn schlägle visch
 Die können dann die sach wol breyten
 Und jr garn noch dem wiltprat spreiten
 Das vß eym sächle/würt eyn sach
 Und vß eym rünsly/werd eyn bach
 Adan muß yetz kostlich redner dingen
 Und sie von verren landen bringen
 Das sie die sachen wol verklügen
 Und mit geschwätz/eyn richter btriegen
 So muß man dann vil tag an stellen
 So mit der tagsolt mög vß schwällen
 Und werd verritten/vnd verzert
 Ade/dann der hauptsach zu gehört
 Dancher verzert in petterle me
 Bann jm vß synem tag entsteet/
 Hoch meynt er worheyt also blenden
 So er die sach nit bald loßt enden
 Ich wolt wem wol mit zancken wär
 Das er am ars bett hächlen schwär

wüst /schamper wort anreytzung gytt
Vnd stört gar oft die gütten syt/
So man zü fast die suwglock schütz



Von groben narren

Eyn nūwer beylig heisset Grobian
Den will yetz füren yederman
Vnd eren inn / in allem ort
Mit schāntlich wüst werck / wif / vnd wort

Und wânt das zyeiben in eyn schympff
 wie wol der gürttel hat keyn glympff
 Herr Glympfyus ist leider dot
 Der narr die suw byn oren hat
 Schütt sie/das jr die suwglock klyng
 Und sie den moringer im syng
 Die suw hat yetz alleyn den dantz
 Sie halt das narrenschiff bym schwantz
 Das es nit vnder gang von schwâr
 Das doch groß schad vfferden wâr
 Dann wo narren nit druncken wyn
 Er gilt yetz kum eyn ôztelin
 Aber die suw macht yetz vil jungen
 Die wüßt rott/hat wißheyt vertrungen
 Und loßt sie nyenan zu dem brett
 Die suw alleyn die krôn vff hett
 wer wol die suwglock lüten kan
 Der muß yetz syn do vornen dran
 wer yetz kan tryben sollich werck
 Als tryb der pfaff vom kalenbergk
 Oder münch Eylsam mit sym bart
 Der meynt er tûg eyn gütte fart
 Mancher der tribt solch wiß/vnd wort
 wann die Horestes sâh vnd hort
 Der doch was aller synner on/
 Er sprech es betts keyn synniger geton/
 Sufer ins dorff/ist worden blyndt
 Das schafft/das buren druncken syndt
 Her Ellerkünzt den vordantz hat
 Adit wüßt genüg/vnd selten satt

Folio

Eyn yeder narr will suw werck triben
Das man im loß die büschen bliben
Die man vmbfür mit esels schmer
Die esels büschs würt selten ler
Wie wol eyn yeder dryn will griffen
Und do mit schmyeren syn sackpuffen
Die grobheyt ist yetz kumen vß
Und wont gar nob/in yedem huß
Das man nit vil vernunft me tribt
Was man yetz redt/oder schribt
Das ist als vß der büschen genomen
Glor vß/wann prasser zamen kumen
So hebt die suw die metten an
Die prymzyt/ist im esel thon
Die tertz ist von sant Grobian/
Hutmacher knecht/syngen die sext
Glon groben fyltzen ist der text/
Die wüst rott sitzet in der non
Schlemmer vnd demmer dar zü gon/
Dar noch die suw zür vesper klingt
Anstat/vnd schampervon/dann syngt
Dann würt sich machen die complet
wann man/all vol/gesungen bett
Das eselschmaltz vnmüssig ist
Adit bergem schmer ist es vermyscht
Das strich eyn gesell dem andern an
Ben er will in der gesellschaft ban
Der wüst will syn/vnd das nit kan
Adan schon nit gott/noch erberkeyt
Glon allem wüstem ding man seyt

wer kan der aller schampperst syn
 Dem büttet man eyn glas mit wyn
 Und lacht syn/das das huf er wag
 Man bitt ihn/das er noch eyns sag
 Man spricht das ist/eyn gütter schwanck
 Do mit würt vns die wyle nit langk
 Eyn narr/den ander schryget an
 Bis gut gesell/vnd frölich man
 Setz gran schyer/e belli schyer
 was freud vff erden hant sunst wir
 wann wir nit gut gesellen sygen
 Lont vns syn frölich/prassen/schrygen
 wir hant noch kleyn zyt bie vff erd
 Das vns das selb zu lieb doch werd
 Dann wer mit dott abstyrbt/der lyt
 Und hat dar noch keyn frölich zyt
 wir hant von keym noch nye vernomen
 Der von der hell syg widerkomen
 Der vns doch seyt/wie es do stünd
 Gut gesellschaft triben/ist nit sünd
 Die pfaffen reden was sie went
 Und das sie dis/vnd ihens geschend
 wer es so sünd/als sie vns schriben
 Sie dätten es nit selber triben
 wann nit der pfaff vom tufel seitt
 Der hirt von wölffen klagt syn leitt
 So hette sie beid nüt dar von
 Mit solcher red narren vmb gon
 Und dünt mit irer groben rott
 All welt geschenden/vnd ouch gott
 Doch werden sie zu lest zu spott

Mancher stelt noch geistlicheyt
 Ber an düt pfaffen / klosterkleyt
 Den es berüwt / vnd würt im leyt



Von geystlich zwerden

Noch hat man anders yetz gelert
 Das ouch inns narrenschiff gehört
 Des düt sich brauchen yederman
 Jeder buwr / wil eyn pfaffen han

Der sich mit müßig gon ernert
 On arbeit leb/vnd syg eyn herr
 Mit das er das tûg von andacht
 Oder vff selen heil hab acht
 Sunder das er mög han eyn herren
 Der all syn geschwister mög erneren
 Und loßt in wenig dar zû leren
 Man spricht/er mög licht dar zû können
 Er darff noch grösser kunst nit synnen
 Echt er eyn pfründen kan gewinnen/
 Und wigt/priesterschaft so gering
 Als ob es sy eyn lichtes ding
 Des syndt man yetz vil junger pfaffen
 Die als vil können als die affen
 Und nement doch selforg vff sich
 Bo man kum eym vertruwt eyn vich
 wissen als vil von kirchen regyeren
 Als mülers esel kan quintyeren
 Die Byschöff die sint schuldig dran
 Sie soltrens nit zûm orden lan
 Und zû selforg vor vß nüt
 Es weren dann gantz dapffer lüt
 Das eyner wer eyn wiser hyrt
 Der nit syn schoff mit im verfürt
 Aber yetz wänent die jungen lassen
 wann sie alleyn ouch weren pfaffen
 So hett jr yeder was er wolt
 Es ist für war nit alles golt
 Was an dem sattel ettwan glyft
 Mancher diehend dar an beschyft

Und loßt sich jung zu priester wyben
 Der dann sich selb düt maledyen
 Das er nit lenger gebeitet hat
 Der selben mancher bättlen gat
 Hett er eyn rechte pfründ geban
 Ee er die priesterschaft nam an
 Es wer im dar zu kumen nitt
 Til wyht man/durch der herren bitt
 Oder vff diß/vnd ihenes disch
 Dar ab er doch isst wenig visch/
 Man lehnert bueff eynander ab
 Do mit/das man eyn tyttel hab
 Und wänen den bischoff betriegen
 So sie mit im verderben lyegen
 Keyn armer vych vff erden ist
 Dann priesterschaft/den narung gebrist
 Sie hant sunst abzüg überal
 Bischoff/Clary/vnd Fiscal
 Den lähenbern/syn eygen fründ
 Die kellerin/vnd kleyne kynd
 Die geben im erst rechte büß
 Das er kum inn das narren schyß
 Und do mit aller freud vergeß/
 Ach gott/es haltet mancher meß
 Do weger wer er ließ dar von
 Und rürt den altter nyemer an
 Dann gott acht vnser opfers nicht
 Das in sünden/mitt sünden geschicht
 Zu Moyßi/sprach gott der herr
 Eyn yedes thier/das mach sich verr

Und rür den heylgen berg nit an
 Das es nit grosse plag müß han/
 Oza der angerüret hett
 Die arch/des starb er an der stett/
 Chore das wyrouch vassrürt an/
 Und starb/Bathan vnd Abyron/
 Das gewichte fleisch schmeckt manchē wol
 Der wermt sich gern by kloster kol
 Dem doch zū letst würt für vnd glūt
 Uerstanden lüten ist predigen gūt/
 Adan stofft manch kynd yetz in eyn orden
 Le es ist zū eym menschen worden
 Und es verstand/ob das im sy
 Büt oder schad/stäckt es im bry
 wie wol gütt gwouheyt bringet vil
 Rüwt es doch manches vnder wile
 Die dan verflüchten all jr fründt
 Die vrsach solches ordens syndt
 Bar wenig yetz inn klöster gont
 In solcher ällt/das sie es verstont
 Oder die durch gotz willen dar
 Kumen/vnd nit me durch jr narr
 Und hant der geistlicheyt nit acht
 All ding dünt sie dann on andacht/
 Uor vß in allen orden gantz
 Do man nit halttet obseruantz
 Solch kloster katzen synt gar geyl
 Das schafft man byndt sie nit an seyl/
 Doch lychter wer keyn orden han
 Bann nit recht dūn/eym ordens man

Mancher vil kost vff jagen leyrt
 Das im doch wenig nutz vff dreyt
 Wie wol er dick eyn weydspruch seyt



Von vnnutzem iagem

Jagen ist ouch on narttheyt nit
 Vil zyt vertribt man on nutz mit
 Wie wol es syn sol eyn kurtz wil
 So darff es dannahar kostens vil

Dañ leydthünd/wind/rüden/vnd bracken
 On kosten füllen nit jr backen/
 Des glich hund/vogel/väderspil
 Bringt als keyn nutz/vnd kostet vil
 Keyn basen/räpbün/vohat man
 Es stat eyn pfundt den jägern an
 Dar zū darff man vil berter zyt
 wie man jm noch louff/gang/vnd rytt
 Und sucht all berg/tal/weld/vn heck
 So man vor hag/wart vnd versteckt/
 Añcher verscheycht me dann er jagt
 Das schafft er/hat nit recht gehagt/
 Der ander voht eyn basen off
 Den er hat vff dem ko:marckt koufft
 Añcher der will gar freüdig syn
 wogt sich an löwen/beren schwyn
 Oder stygt sunst den gämpsen noch
 Dem würt der lon zū lesten doch/
 Die buren jagen in dem schne
 Der adel hat keyn vorteil me
 wann er dem wiltprät lang nach laufft
 So hats der buwr/heimlich verkoufft/
 Nembroht zūm erst fing jagen an
 Dann er von gott gantz was verlan
 Esau der jagt vmb das er was
 Eyn sūnder/vnd der gotts vergaß
 wenig jäger als Humpertus
 fyndt man yetz/vnd Eustachius
 Die liessen doch den jäger stodt
 Sust truwten sie nit dienen gott

Wer schießen will/der lüg vnd triff
 Wann düt er nit die rechten griff
 So schüßt er/zü dem narren schiff



Von bosen schützen
 wolt es die schützen nit vertryessen
 Ich richt ouch zü/eyn narren schyessen
 Vnd macht eyn schützenreyn /an dem staden
 Des mancher fält/nit on syn schaden

Bar zû sint goben ouch bestelt
 Der nebst bym zyl/der selb der belt
 Zûm mynst er zû verstecken kumbt
 Doch lûg er/vnd heb nit inn grundt
 Hoch in die höh/sunder inns zyl
 wann er den zwäck sunst rûren will
 Vnd dûg syn anschlag nit zûr yl
 Vil sint die schiessen über vß
 Eym bricht der bogen/sen w/vnd nuß
 Der dût am anschlag manchen schlypff
 Dem ist verruckt stûl oder schyppff
 Dem loft das armbrust/so ers rûrt
 Das schafft der wyndfad ist geschmyert
 Dem stäckt das zyl nit glich als ee
 Vnd kan syn gemerck nit haben me
 Der hat gemacht gar vil der schütz
 Die im doch sint gantz wenig nütz
 Das schafft/im würt die suw kum wol
 wann man zû letst verschiesen sol
 Keyn schütz so wol sich yemer rûst
 Er fynd allzyt/das im gebrûst
 Dann diß/dann ihens/do mit er beth
 Eyn wôrwort/das syn glympff errett
 wann er nit beth gefält dran
 So beth er fry/die gob behan/
 Glor vß/weiß ich noch schützen mer
 wann die eyn schyessen hören verr
 Do hyn von allen den landen lût
 Zû zyecken vff bestymbte zyt
 Die besten die man fynden kan

Der eynr die gob kum vor wolt han
Dann er all schuß/halt an dem zwäck
Das eyner dann ist so eyn gäck
Der weißt/das er nütz gewynnet gar
Und dannacht do hyn ziehen tar
Und do versuchen ouch syn heyl
Ich nem syn zerung/für syn teyl/
Ich wils des gelts im doppel geschwigen
Die suw würt im inn ermel schrigen
Zur wisheyt mancher schießen will
Und wenig treffen doch das zyl
Das schafft/man seyt nit recht dar noch
Der halt zu nider/der zu hoch
Der loßt sich bringen vß dem geseyg
Dem bricht syn anschlag gantz entzwey
Der düt als Jonathas eyn schuß
Dem fert syn anschlag binden vß
wer wisheyt eben treffen will
Der durfft/das er hett solche pfil
Der Hercules hat me dann vil
Adit den er traff als das er begerdt
Und was er traff/viel dott zur erdt
wer recht zur wisheyt schießen wil
Der lüg das er halt moß vnd zyl
Dann fält er/oder hebt nit dran
So muß er mit den narren gan
wer schießen will vnd fält des reyn
Der dreit die suw im ermel heyn
wer jagen/stechen/schießen wil
Der hat kleyn nutz/vnd kosten vil

Ritter Peter von alten joren
 Ich muß üch griffen an die oren
 Mir gdenckt/das wür beyd narren woren
 Wie wol/jr füren ritters spozen




Von groſſem ruemen

Die gäcken/narren/ich ouch bring
 Die ſich berümen hoher ding
 Und wellent ſyn/das ſie nit ſint
 Und wänend/das all welt ſy erblyndt o iij



Man kenn sie nit/vnnd frog nit noch/
 Mancher will edell syn/vnd hoch
 Des vatter doch macht bumble bum
 Und mit dem küffer werck ging vmb
 O der hat sich also begangen
 Das er vacht mit eynr stäbeln stangen
 O der rant mit eym juden spieß
 Das er gar vil zū boden stieß
 Und will das man inn juncker nenn
 Als ob man nit syn vatter kenn
 Das man sprach/meyster hans von Adentz
 Und ouch syn sūn juncker Vincentz/
 Vil rūmen hoher sachen sich
 Und bochen stāts zū wider stich
 Snd sint doch narren in der but
 Als ritter Peter von brunndrut
 Der will das man im ritter sprech
 Bann er zū Adurten in dem gstech
 Gewesen sy/do im so not
 Zū fliehen was/das im der kot
 So hoch syn hosen hatt beschlembt
 Das man im wāschen müßt das hembd
 Und hat doch schilt vnd helm dar von
 Brocht/das er sy eyn edel man
 Eyn habich hat farb wie eyn reyger
 Und vff dem helm eyn nest mit eyger
 Dar by eyn han/sitzt inn der muß
 Der will die eyger brüten vß
 Der selben narren findt man mer
 Wie des went haben gar groß er

Das sie sint vornan gwesen dran
 Do es wolt an eyn fliehen gan
 Lügten sie bynder sich langzyt
 Ob inn noch kämen ouch me lüt/
 Mancher seyt von sym vächten groß
 wie er den stach/vnd jhenen schoß
 Der doch von jm was wol als wytt
 Er dāt jm mit eynr hantbüchß n üt/
 Til stellen yetz noch edlen woppen
 wie sie füren vil löwen doppen
 Eyn krönten helm vnd guldin feldt
 Die sint des adels von Bennfeldt
 Ein teyl sint edel von den frowen
 Des vatter saß in rüprecht owen
 Synr mütter schilt gar manch er fürt
 Das er villicht am vatter jrrt/
 Til hant des brieff vnd sigel güt
 wie das sie sint von edelm blüt
 Sie went die ersten syn von recht
 Die edel sint in jrm geschlecht
 wie wol ichs nit gantz stroff noch acht
 Til tugent ist all adel gemacht
 wer noch gütt sytt/ere/tugent kan
 Den halt ich für eyn edel man/
 Abet wer hett keyn tugent nitt
 Keyn zucht/scham/ere/noch gütte sytt
 Den halt ich alles adels lār
 Ob joch eyn fürst syn vatter wer
 Adel alleyn by tugent stat
 Til tugent aller adel gat/



Des glich/will mancher doctor syn
 Der nye gsach Sert/Elementin
 Secret/Bigest/ald Institut/
 Wann das er hat eyn pyrmant hut
 Do stat syn recht geschriben an
 Der selb brieff wist/als das er kan
 Und das er gut sy vff der pfiff
 Dar vmb so stot hie doctor Bryff
 Der ist eyn gelert vnd witzig man
 Er gryfft eym yeden die oren an
 Und kan me dann manch doctor kan
 Der ist doch in vil schulen gestanden
 In nohen/vnd in ferren landen
 Do doch die göuch nyekamen byn
 Die mit gewalt went doctores syn
 Aban muß inn ouch herr doctor sagen
 Dar vmb das sie rott rock an tragen
 Und das eyn aff jr mütter ist/
 Ich weiß noch eyenen heysst hans' myst
 Der will all welt des über reden
 Er sy zu Norwegen/vnd Schweden
 Zu Alkeyr gsyn/vn zu Branat
 Und do der pfeffer wechft/vnd stat
 Der do nye kam so verr byn vß
 Het syn mütter/do heym zu hus
 Eyn pfannküch/oder würst gebachen
 Er betts gschmeck/vnd hören krachen/
 Des rümens ist vff erd so vil
 Das es zu zälen nām grof wile
 Wann yedem narren das gbryst
 Das er will syn/das er nit ist

Vil hant zū spyl grossen glust
 Das sie keynr kurtz wil achten sust
 Und merckent nit/künfftig verlust




Von spylern :


Sunst synd ich nārrscher narren vil
 Die all jr freūd hant inn dem spyl
 Meynend/sie möchten leben nit
 Solten sie nit vmb gon mit




Und tag/vnd nacht spyelen/vnd rassen
 Mit karten/würfflen vnd mit brassen
 Die gantz nacht/vß vnd vß sie sassen
 Das sie nit schliefen oder assen
 Aber man muß gedruncken han
 Dann spel das zündt die leber an
 Das man würt dür/vnd durstes vol
 Des morgens so entpfyndt mans wol
 Eynesicht wie die güten byeren
 Der ander spüwet hinder die türen
 Der drytt eyn varb/hat an sich genomen
 Als wer er vß dem grab erst kumen
 Oder glift inn sym angesicht
 Blich als vor tag eyn schmicknecht sicht
 Den koppff hat er also gebeynt
 Das er den gantzen tag vff gyent
 Als ob er flyegen voben wolt
 Keiner verdienen möcht grof goltt
 Das er an eyner predig saß
 Eyn stund/vnd er des schlosses vergaß
 Er würd den koppff schlagen inn gören
 Als ob der prediger vff solt hören
 Aber im spel gar lange zyt
 Sitzen/acht man des schlosses nüt/
 Til frowen die sint ouch so blindt
 Das sie vergessen wer sy sint
 Und das verbieten alle recht
 Sollich vermischung beider geschlecht
 Die mit den mannen sitzen zamen
 Ir zucht/vnd geschlechtes sich nit schamen




Und spielen/rasslen/spat/vnd frū
 Das doch den frowen nit stat zū
 Sie soltten an der kunckel lācken
 Und nit im spyel byn mannen stācken
 wann yeder spielt mit sinem glich
 Durfft er des mynder schammen sich
 Do Alexanders vatter wolt
 Das er vmb goben louffen solt
 Bann er zū louffen vast geng was
 Sprach er zū synem vatter das
 Billich wār/das ich alles dāt
 Das mich myn vatter hieß vnd bāt
 On zwifel ich gern louffen wolt
 wann ich mit künngen louffen solt
 Dan dürfft dar zū nit betten mich
 wann ich hett yemans mynen glich
 Aber es ist yetz dar zū kumen
 Das pfaffen/adel/burger/frummen
 Setzen an köppelsknaben sich
 Die inn nit sint an eren glich
 Floz vñ die pfaffen mit den leygen
 Solttten jr spyel lon vnder wegen
 wann sie echt wol betrachten das
 Ir vffsatz/vnd den alten hab
 Der Hylthart ist sunst vnder inn
 Der rögt sich mit verlust vnd gwynn
 Und ouch das inn verbotten ist
 Keyn spyel zū tūn zū aller frist
 wer mit jm selber spyelen kan
 Dem gwynnt gar selten yemans an





Und ist on sorg das er verlyer
 Oder das man im fluch böß schwür
 Die wile ich aber sagen sol
 Was stand eym rechten spyeler wol
 Will ich Virgilium har bringen
 Der also redt von selben dingen
 Ueracht das spyl zü aller zytt
 Das dich nit btrüb der schantlich gytt
 Bann spyl ist eyn vnsynnig bgyr
 Die all vernunft zerstört inn dir
 Ir dappfern/hüten über ere
 Das üch das spyl die nit verfer
 Eyn spieler muß han gelt vnd müt
 Ob er verlürt/das han für güt/
 Keyn zorn/fluch/schwür/vß stossen gantz
 Wer gelt bringt/der lüg wol der schantz
 Bañ mancher zü dem spiel kumbt schwär
 Der doch zür tüeren vß gat lār
 Wer spielt alleyn durch grossen gewynn
 Dem gat es selten noch sym synn
 Der hat güt fryd/verspielet nitt
 Wer spielt der muß vff setzen mitt
 Wer all ärten besitzen will
 Und süchen glück vff yedem spyl
 Der muß wol vff zü setzen han
 Oder gar dick on gelt heym gon/
 Wer dry sücht hat/vnd stelt nach mir
 So werden vnser schwestern vier/
 Spyl mag gar selten syn on sünd
 Eyn spieler ist nit gottes fründ
 Die spieler sint des tüfels kynd



Der. LXXVII. nar CIII

Vil narren sint in disem druck
Die doren sint / inn manchem stuck
Ben sitzt der esel vff den ruck



Von gdructen narren

So vil sint in dem narren orden
Das ich schyer wer veressen worden
¶ Und hett des schiffes mich versumbt
Hätt mir der esel nit gerumbt



Folio

Ich byn der den all ding dünt drucken
Will mich recht inn winckel schmucken
Ob mich der esel wolt verlon
Und nit statts vff mym rucken ston
Wann ich alleyn gedult dar zu hab
Hoff ich / des esels kumen ab
Doch hab ich sunst vil gesellen gut
Die druckt als das mich drucken düt
Als der nit volget guttem rott/
Wer zürnet / so es ist nit nott
Wer vnglück koufft / wer trurt on sach
Wer lieber krieg hat / dann gemacht
Wer gern sicht müßwill syner kynd
Wer halt syn nochbuwr nit zu fründ
Wer lydet das in druckt syn schüch
Und inn syn frow im wynbus süch
Der gehört wol inn das narrenbüch
Wer me verzert dann er gewynnt
Und borget vil so im zerrynt
Wer zücht syn frow eym andern vor
Der ist eyn narr / gouch / esel thor /
Wer gdenckt die vile / der sünden syn
Und was er drumb müß liden pyn
Und mag doch frölich syn dar mitt
Der gehört vff den esel nitt
Sunder der esel vff syn ruck
Das er in gantz zu boden truck
Der ist eyn narr / der sicht das gutt
Und noch dem bösen stellen düt
Wie mit sint narren vil gerürt
Die diser esel mitt im fürt

wenn rütter/schreiber/gryffen an
 Eyn veiffsten/schlechten/bürschen man
 Der muß die leber gefsen han



Rutter vnd schreiber

Schreiber vnd rütter/man ouch spott
 Sie sygen in der narren rott
 Sie bgont sich nach mit gleicher nar
 Der schyndt heimlich/der offenbar



Der wogt syn lib jnn druckt vnd naß
 Der setzt syn sel jnnß dinckten faß
 Der rütter stoßt vil schüren an
 Der schriber muß eyn buren han
 Der veißt syg/vnd mög trieffen wol
 Do mit er riechen macht syn kol
 wann yeder dāt als er thūn sol/
 So weren sie beyd gelttes wert
 Byser mit fādern/der mit schwert
 Adocht man jr beid entberen nitt
 wann ob der handt nit wer jr schnytt
 Und durch sie wūrd das recht versert
 Man vß dem stāgenreyß sich nert/
 Die wile aber vff eygen gewynn
 Eyn yeder stelt syn mūt vnd synn
 Und wellen verzyhen mir
 Das ichs jm narren schiff ouch für
 Ich hab sie des gebetten nitt
 Jr yeder selb den fūrlon gytt
 Und wil sich vff eyn nūws verdingen
 Sunst kunden vil/jns schiff zū bringen/
 Schriber vnd glichßner sint noch vil
 Die triben yetz wild rüterspil
 Und neren sich kurtz vor der handt/
 Glich wie die reißknecht vff dem landt/
 Es ist worlich eyn grosse schand/
 Das man die strossen nit wil fryen
 Das bulger/koufflūt/sicher sygen/
 Aber ich weiß wol/was es dūt
 Man spricht/es mach das geleyt vast gūt

Ich byn gelouffen ferr / vnd wytt
 Hye lâr das fleschlin was allzyt
 Bis ich diß brieff den narren bût



Narrechte bottschafft

Ob ich der botten nûn vergâß
 Und inn nit dorheyt ouch zû mâß
 Sie manten mich ee selber dran
 Narren müssen eyn botten han

p



Der trag im mund / vnd syg nit laß
 Eyn briefflin das es nit werd nass
 Und süßerlich gang vff dem dach
 Do mit der ziegelhuff nit krach
 Lüg ouch das es inn nit beult
 Ade enden / dann man im entpfilt
 Und was er thun soll / vnd man heist
 Das er / vor wyn / dar vmb nit weist
 Und langzyt vff der straß sich sum
 Do mit das im vil lüt bekum
 Und lüg das er zâr an der nâh
 Und drystunt vor die brieff besâh
 Ob er kund wissen / was er trag
 Und was er weiß / bald wyter sag
 Und leg syn dâsch nachts vff eyn banck
 So er nymt von dem wyn eyn schwanck
 Und kum on antwürt wider heym
 Das sint die narren die ich meyn
 Dem narren schyff louffen sie noch
 Sie synden es hiezwûschen Ach
 Doch sollen sie sich des vermessen
 Das sie des flâschlins nit vergessen
 Bann in jr leber / vnd geschir
 Clon louffen / liegen würt gantz dürr /
 wie güt der schne erkûlung gyt
 wann man in fyndt in sumers zyt
 Also ergeizt eyn trûwer bott
 Ben / der in vß gesendet hat
 Der bott ist lob / vnd eren werd
 Der bald kan werben / das man bgert

Wie kumen keller / köch / eehaltten
 All die des huses sorg / dünt waltten
 Die redlich jnn dem schiff dünt schalten




Von kochen vnd keller


Eyn böttlin erst vor vns hyn lieff
 Das froget nach dem narren schiff
 Dem goben wir versaltzen suppen
 Das es dem fläschlin wol möcht luppen p ij



Im was zū louffen also goch
 Das fleischlin es on duren zoch
 Wir wolten im brieff geben han
 Wolt es doch nit so lang still stan/
 Des kumen wir die stroßhie schlecht
 Keller/vnd köch/magde/eehalt/knecht
 Die mit der kuchen sint behafft
 Wir tragen all vff nach kuntschafft
 Dar vß keyn duren vns bestat
 Ob vnserm seckel es nit gat
 Tor vß wann vnser herschafft nycht
 Zū hus ist/vnd es nyeman sicht/
 So schlemmen wir vnd tabernyeren
 Frömde prasser/wir mit vns heym füren
 Und geben da gar manchen stoß
 Der kannen/krusen/fleschen groß
 Wann nachts die herschafft schlossen gat
 Und rygel/tor/beschlossen hatt
 So drincken wir dann nit des bösten
 Wir lossen vß dem vass/dem grösten
 So mag man es nit wol an spüren
 Ans bett/wir dann eynander füren
 Doch dünt wir vor zwen socken an
 Das vns die herschafft nit hör gan
 Und ob man schon hört etwas krachen
 Dann wännt die katzen dünt das machen
 Und wenn eyn kleyn zyt vmbhar gat
 So wännt der herr/das er noch hat
 In sym vasslin eyn güten drunck
 So macht 3 zappff dan glunck glunck glück



Das ist eyn zeichen dar zû/das
 Bar wenig ist me in dem faß
 Bar zû/wir dar vff fliflich achten
 wie wir zû riechten vil der trachten
 Do mit den glust/vnd magen reytzen
 Mit kochen/syeden/brotten/schweytzen/
 Mit rôsten/bachen/pfeffer bry
 Vol zucker würtz vnd specery
 Geben vir eym eyn oxymell
 Der by der stâgen leydt gewell
 Oder muß das von im purgyeren
 Mit Syropen/vnd mit krystieren
 Des achten wir gantz nütz zû mol
 Wann wir ouch werden dar by vol
 Unser selbs wir nit vergessen
 Das best/wir ab dem hafen essen
 Wann ob wir hungers sturben schon
 Man sprech/es wer von völl gethon
 Der keller spricht/brot mir eyn wurst
 Der koch/so lesch ich dir den durst
 Der keller ist des wyns verräter
 Der koch ist des tüfels bräter/
 Wie dût er gewonen by dem für
 Das im dort kumen würt zû stür/
 Keller vnd köch sint selten lâr
 Sie tragen vff alß by der schwâr
 Ins narren schyff stat all jr bgâr
 Do Joseph inn Egypten kam
 Der fürst der köch inn zû im nam
 Iherusalem gwan Nabursadam




Der. LXXXI. nar Folio

Ich bett vergessen nach inn mir
Das ich nit noch eyn schyff in für
Do ich der buren narrheyt rür



Von burschem vffgang
Die buren eynfalt ettwan woren
Müwlich inn kurtz vergangenem joren
Berechtikeyt was by den buren
Do sie hoch vß den stett vnd muren



wolt sie in ströwen hüttlin syn
 Eedan die buren druncken wyn
 Den sie ouch yetz wol mögen tulden
 Sie stecken sich in grosse schulden
 wie wol in korn/vnd wyn gilt vil
 Flamen sie doch vff borg vnd zyl
 Und went bezalen nit by zyten
 Dan muß sie bannen vnd verlüten
 In schmeckt der zwilch nit wol/als ee
 Die buren went keyn gyppen me
 Es muß syn lündsch/vnd mechelsch kleydt
 Und gantz zerhacket/vnd gespreyt
 Adit aller varb wild/über wild
 Und vff dem ermel eyn gouchs bild
 Das statt volck yetz von buren lert
 wie es in böfheyt werd gemert
 Allbschiff yetz von den buren kunt
 All tag bant sie eyn nuwen funt
 Keyn eynfalt ist me in der welt
 Die buren stecken gantz vol gelt
 Korn vnd wyn haltens hynder sich
 Und anders das sie werden rich
 Und machen selber inn eyn dūr
 Bis das der tunner kumbt mit für
 So würt verbrent dann korn/vnd schūr
 Des glich by vnser zyten ouch
 Ist vff gestanden mancher gouch
 Der vor eyn burger/kouffman was/
 will edel syn/vnd ritters gnab
 Der edelman gert syn eyn fry

Der groff/das er gefürstet sy
 Der fürst der kron des künigs gert
 Til werden ritter/die keyn schwert
 Sün bruchen für gerechtikeyt
 Die buren tragen syden kleyt
 Und gulden ketten an dem lib
 Es kunt da har eyns burgers wib
 Til stoltzer dann eyn gräfin dūt
 wo yetz gelt ist/do ist hochmūt
 was eyn ganß von der andern sicht
 Bar vff on vnderloß die dicht
 Das muß man han/es dūt sunst we
 Der Adel hat keyn vorteyl me
 Man fyndt eyns hantwercks mannes wib
 Die bessers wert treyt an dem lib
 Clon rōck/ryng/mantel/borten schmal
 Bann sie im huf hat überall
 Do mit verdyrbt manch byderman
 Der mit sym wib muß bātlen gan
 Im winter drinckan vß eym krüg
 Das er sym wib mög thun genüg
 wam sie hūt hatt als das sy gelangt
 Bar bald es vor dem kōuffler hangt
 wer frowen glust willhengen noch
 Den frürt gar dick so er spricht schoch
 Inn allen landen ist groß schand
 Keynen benügt me/mit sym stand
 Myemans denckt wer syn vordern woren
 Des ist die welt yetz gantz voll doren
 Das ich das worlich sagen magk
 Der dry spit/der muß in den sack

Der. LXXXII. nar CIX

Dis narren freüt nüt inn der welt
Es sy dann / das es schmeck noch gelt
Sie gebözen ouch inns narren feldt







Von verachtung armut

Belt narren sint ouch überal
So vil das man nit syndt ir zal
Die lieber habent gelt dann er
Nach armut frogt yetz nyeman mer

Folio

Bar kum vff erd yetz kumen vff
Die tugent hant/sunst nüt im buß
Man düt wißheyt keyn eren me an
Erberkeyt muß verr hynden stan
Und kumbt gar kum vff grünen zwig
Man will yetz das man jr geschwig
Und wer vff richthum flisset sich
Der lüg ouch das er bald werd rich
Und acht keyn synd/mort/wücher schand
Des glich verretery der land
Das yetz gemeyn ist inn der welt
All boßheyt/syndt man yetz vmb gelt
Berechtikeyt/vmb gelt ist seyl
Burch gelt kem mancher an eyn seyl
wenn er mit gelt sich nit abkoufft
Umb gelt vil sünd blibt vngestrofft
Und sagt dir türsch wie ich das meyn
Man henckt die kleynen dieb alleyn
Eyn bräm nit in dem spynn wep kläbt
Die kleynen mücklin es behebt
Achab ließ nit benügen sich
Adit synem gantzen künigrich
Er wolt ouch Habothis garten han
Des starb on recht der arm frumman
Alleyn der arm muß inn den sack
was gelt gyt/das hat guten geschmack
Armüt die yetz ist gantz vnwert
was ettwan lieb/vnd hoch vff erd
Und was genem der gulden welt
So was nyemans der achtet gelt

O der der ett was hatt alleyn
 All ding die woren do gemeyn
 Und lief man des benügen sich
 was on arbeyt das erterich
 Und die natur on sorgen trüg
 Nach dem man bruchen wart den pflug
 So syng man an/ouch gytig syn
 So stünd ouch vff/wer myn das dyn/
 All tugend wozend nach vfferd
 So man nüt dan zymlichs begert/
 Armüt die ist eyn gob von gott
 wie wol sie yetz ist der welt spott
 Das schafft alleyn das nyeman ist
 Der gedenck/das armüt nüt gebrüst
 Und das der nüt verlieren magk
 Der vor nüt hat in synem sack
 Und das der lycht mag schwymmen wytt
 wer nacket ist vnd an hatt nüt
 Eyn armer syngt fry durch den walt
 Dem armen selten üt entpfalt
 Die frybeyt bat eyn armer man
 Das man in doch loßt bättlen gan
 Ob man in schon sicht übel an/
 Und ob man joch gar nüt gytt
 So bat er doch dest in ynder nitt
 By armüt fand man bessern ratt
 Wann richtum ye gegeben hat
 Das wiset Quintus Lurius
 Und der berümbt Fabricius/
 Der nit wolt haben güt noch gelt





 Sunder ere/tugent/erwelt/
 Armüt hett geben fundament
 Und anfang allem regyment
 Armüt hat gebuwen all stett
 All kunst Armüt erfunden hett
 Als üfels Armüt ist wol on
 All ere vñ Armüt mag erston
 By allen völker vñ der erd
 Ist armüt/langzyt gewesen werdt
 Glor vñ die Kriechen dar durch band
 Til stett bezwungen/lüt/vnd land
 Aristides was arm/gerecht
 Epamynondas streng/vnd schlecht
 Homerus was arm vnd gelert
 Inn wisheyt Socrates geert
 Phocyon inn milt übertrifft
 Das lob hat armüt in der geschrift
 Das nüt vñ erd ye wart so groß
 Das nit von erit vñ armüt floß
 Das römisch rich/vnd syn boher nam
 Anfänglich vñ armüt bar kam
 Ban wer merckt/vnd gedenckt do by
 Das Rom von hyrten gebuwen sy
 Von armen buren lang regiert
 Bar noch durch richtum gantz verfür/
 Der mag wol mercken das armüt
 Rom bas hat gihon/dann grosses güt
 Wer Cresus arm/vnd wis gesyn,
 Er hett behalten woll das syn
 So man frogt Solon vmb bescheyt





Ob er hett rechte sãlikeyt
 Dann er was mächting/rich/vnd werd/
 Sprach Solon man solt hie vff erd
 Keyn heissen sellig vor sym todt
 Adan weist nit was har noher got
 Wer meynt das er vest stand noch hüt
 Der weist doch nit/die künfftig zyt
 Der herr sprach/üch sy we vnd leydt
 Ir richen/hant hie üwer freud
 Ergetzlicheyt inn üwerm güt
 Sellig der arm/mit fryem müt/
 Wer samlet güt durch liegens krafft
 Der ist vnnützig/vnd gantz zaghaft
 Und macht sich veisst/mit sym vnglück
 Das er erwürg an todes strick
 Wer eynem armen vnrecht düt
 Und do mit huffen will syn güt
 Der fyndt eyn richern dem er gibt
 Syn güt/so er in armüt blibt
 Mit richt din ougen vff das güt
 Das allzyt von dir fliehen düt
 Dann es glich wie der Adler gwynnt
 Fädern/vnd flügt bald durch den wynnt
 Wer güt vff erden rich hie syn
 Christus wer nit der ärmst gsyn
 Wer spricht das im sunst nüt gebrest
 Dann on pfenning sy syn täsch
 Der selb ist aller wifheyt on
 Im gbrüst me dann er sagen kan
 Und vor vß das er nit erkennt
 Das er sy ärmer dann er wënt

Der. LXXXIII. na Folio

Uil griffen den pflug an gar resch
Und enden übel doch zu lest/
Das düt/der gouch der blibt im nest



Don beharren in guttem
Uil legen ir bandt an den pflug
Und sint von erst/inbrünstig genug
Zu wisheit/vnd zu guttem werck
Stygent doch nit woll vff den berg


Der sie für zů dem himelrich
 Sunder sehen sie hinder sich
 Und gefelt inn wol Egypten landt
 Do sie jr fleisch haff gelossen handt
 Und louffen zů den sünden groß
 Blich wie der hund zů synem oss
 Das er yetz dick mol gessen hat
 Die hant für wor eyn sörglich stat
 Gar kum eyn wund wider gen yst
 Die me dann eynst vff gebrochen ist
 Wenn sich der siech nit haltet recht
 Das wider vmb syn kranckheit schlecht
 So ist vast sörglich/das er mag
 Benäsen nit/in langem tag
 Til wäger wer/nit vohen an
 Bann noch dem anfang doch abstan/
 Gott spricht/ich wolt du betst gestalt
 Das du werst warm/oder gantz kaltt
 Aber die wile du lāw/wilt syn
 Do vnwillest du der selen myn
 Ob eyner joch vil gůtz hab gethon
 So würt jm doch nit der recht lon
 wann er nit bharret inn das end/
 Als grossem übel kam behend
 Und wart erlöst/die huffrow Loth
 Aber do sie nit hielt das gebott
 Und wider vmb sach bynder sich
 Bleib sie dan stan gantz wunderlich
 Eyn narr loufft wider zů synr schall
 Blich wie eyn hundt zů sym gewall

Der. LXXXIII. nar Folio


Adag adel/güt/sterck/jugens zyer
Ich an fryd vnd rüw/o tod vor dir
Als das/das leben ye gewann
Und tötlich ist das muß dar von



Zeit fürsehen den dott
wir werden btrogen lieben fründ
All die vff erden leben syndt
Das wir fürsehen nit by zyt
Ben dott/der vnser doch schon nüt



wir wissen / vnd ist vns wol kunt
 Das vns gesetzet ist die stundt
 Vnd wissend nit wo / wenn / vnd wie /
 Der dott der lief die keynen hie
 wir sterben all / vnd fließen byn
 Dem wasser glich zur erden in
 Dar vmb sint wir groß narrecht dozen
 Das wir nit gedencken in vil jozen
 Die vns gott dar vmb leben lott
 Das wir vns rüsten zu dem dot
 Vnd leren / das wir müssen können
 Vnd mögen in keyn weg entrynnen
 Der wynkouff ist gedruncken schon
 wir mögen nit dem kouff abston
 Die erste stund / die letst ouch bracht
 Vnd der den ersten bat gemacht
 Der wust ouch / wie der letst würd sterben
 Aber die narrheyt düt vns ferben
 Das wir gedencken nit dar an
 Das vns der dott nit hie würt lan
 Vnd vnsers hübschen hofs nit schonen
 Hoch vnser grünen krentz / vnd kronen
 Er heisst worlich / hans acht syn nit
 Dann wellen er begryfft / vnd schüt
 Er sie wie starck / schon / oder jung
 Den lert er gar eyn seltzen sprung
 Den ich billich den dotsprung heis
 Das eym vñ dringt kalt / grym / vnd sweis
 Vnd streckt / vnd krimbt sich / wie eyn wurm
 Dann do düt man den rechten sturm



O dott wie starck ist din gewalt
 Sydt du byn nymst beid jung/vnd alt/
 O dott wie gar herr ist din nam
 Dem adel/gwalt/vnd hohem stam
 Glor vß dem der syn freud/vnd müß
 Alleyn setzt/vff das zytlich güt
 Der dott mit glichem fuß zerschütt
 Der künig Sål/vnd byrten hüt
 Er acht keyn pomp/gewalt/vnd güt
 Dem babst/er wie dem buren düt
 Dar vmb eyn dor ist/wer all tag
 Flucht/dem er nit entrinnen mag
 Und meynt/wann er syn schellen schütt
 Das in der dott/dar vmb sâh nitt
 Tuff sollich geding eyn yeder har
 Kunt/das er ouch von hinnan far
 Und erlobet sy dem dott
 wann von dem lib die sel vß got/
 Mit glichem gsatz/der dot byn furt
 Als das/das leben ye berürt
 Du stirbst/der blibt noch lenger hie
 Und blieb die leng doch keyner nye
 Die tusent jor erlebten schon
 Die müsten doch zû letst ouch gon
 Es ist kum vmb eyn rock zû thûn
 Das nach dem vatter leb der sün
 Der vor dem watter stirbt zû zyt
 Wann man fyndt ouch vil kelber hüt
 Je eyner fert dem andern noch
 wer nit wol stirbt/der fyndt syn rock

Des glich jr narrheyt ouch erschynen
 Die vmb eyn dotten/truren/weynen/
 Und jm vergünnen synr rûw
 So wir doch all begeren zû/
 Dann keyner fert zû frûg do hyn
 So er müß ewicklichen syn
 So geschicht gar manchem wol dar an
 Das gott jm rufft zyttlich hyn dan
 Der dott ist manchem nütz glyn
 Das er on wart/trübsal/vnd pyn/
 Til hant den dot ouch selb begert
 Der dott vil dancks an den bewerdt
 Zû den er kam/ee man jm ruff/
 Til gefangen er inn fryheyt schuff
 Til hat er vß dem kercker bracht
 Den der was ewicklich eracht/
 Das glück deylt vnglich güt/vnd rich
 Aber der dott macht es als glich
 Der ist eyn richter/der gantz nytt
 Etwas abloft durch yemans bytt/
 Der ist alleyn/der all ding lont/
 Der ist/der nye keym ye hat geschont
 Nye keym gehorsam er ye wart
 Sie müsten all vff syne fart
 Und dantzen jm noch synem reyen
 Bâbst/keyser/künig/bisch off/leyen
 Der mancher noch nit hat gedacht
 Das man den vordantz jm hat bracht
 Das er müß dantzen an dem gzotter
 Ben wâsterwâlder/vnd den trotter

Wett er sich vor dar zu gerüst
Er wer nit so stympling erwüst
Dann manch groß narr ist yetz do byn
Der sorg hat vff die grebnis syn
Und leyt dar an so grosses güt
Das es noch manchen wundern düt
Als Adansalum/das ihm man
Arthemisia hatt gemachen lan
Und so vil kosten dran geleyt
Mit grosser gzyerd/vnd rylicheyt
Das es der syben wunder eyne
Ist/die man synndt im erden kreiß/
Ouch gräber inn Egypten landt
Die man Pyramides hat genant
Dor vñ als Chennis macht eyn grab
Dar an er benckt syn güt vnd hab
Do dry mol hundert tusent man
Und setzig tusent werckten an
Dann er vmb krut gab also vil
(Der ander kost ich schwigen will)
Keyn fürsten ich so rich yetz halt
Der das alleyn möcht han bezalt/
Bes glich ouch Amasis im macht
wie Rhodope/hatt eyne volbracht
Das was eyn groß dorheyt der welt
Das man leit eyn so mechtig gelt
An gräber/do man würffet byen
Ben alsch sack/vnd die schelmen beyn
Und gab so grossen kosten vñ
Das man den würlen macht eyn hus

Und durch der selen willen nüt
 Büt die doch leben muß all zyt/
 Die sel hilfft nüt eyn kostlich grab
 Oder das man groß marmal hab
 Und vff henck schylt/helm/baner groß
 Hie lyt eyn herr/ist woppens gnof
 Howt man jm dann eynen steyn/
 Der recht schilt/ist eyn dotten beyn
 Dar an würm/schlangen/krotten nagen/
 Das woppen/Keyser/buren/tragen
 Und wer hie zücht eyn seyften wangst
 Der spist/syn wäpner aller langst/
 Do ist eyn vächten/ryssen/brechen/
 Die fründ sich vmb das güt erstechen/
 welcher es gantz behalten well
 Die tüfel/sint gewiß der sel
 Und dünt mit der wüß triumphieren
 Von eym bad inn das ander füren/
 Von yttel kelt/inn yttel bytz
 wir menschen leben gantz on wytz/
 Das wir der sell/nit nâmen war
 Des libs wir sorgen yemer dar/
 All erd die ist gesâgnet gott
 wol lytt der/der do wol ist dott
 Der hymel manchen dotten deckt
 Der vuder keynen steyn sich streckt
 wie kund der han eyn schöner grab
 Dem das gest yrn lücht oben ab/
 Gott fyndt die bey u zu syner zytt
 wer wol stirbt/des grab ist des höbst/
 Der sündler dot/der ist der böst

wer meynt gott well jnn stroffen nytt
Dar vmb/das er beyt lange zyt
Dem schlecht der tunder dick noch hüt



Von verachtung gottes
Der ist eyn nar/der gott veracht
Und wider in vieht/tag vnd nacht
Und meynt/er sy den menschen glich
Das er schwig/vnd laß farzen sich

Wann mancher sieht dar vff verlosst
 So im der tunder nit anstost
 Sin buß so bald/vnd schlecht in dott
 So er syn boßheyt hatt verbrocht
 O der nit stirbet gäbelich
 Das er nit me dürff vörchten sich
 Wann gott hab syn vergessen doch
 Das er so lang joz beittet noch
 Er werd im dar zū lonen ouch
 Do mit versündet sich mancher gouch
 Der erst inn synen sünden verhart
 Dar vmb/das im gott ettwan spart
 Meynt er im gryffen an den bart
 Als ob er mit im schympffen wolt
 Und gott vertragen solches solt/
 Hör zū o dor/würd witzig narr
 Verloß dich nüt vff solche harr
 Es ist worlich eyn grusam bandt
 Welcher gott fallet in syn handt
 Wann ob er joch lang zyt d yn schon
 Dir würt des beittens wol gelont
 Manchen loßt sünden gott der herr
 Das er in dar noch stroff dest mer
 Und im bezal das/vnd das eyn
 Man spricht es mach den seckel reyn/
 Mancher der stirbt inn sünden kleyn
 Dem düt gott solche gnad dar an
 Das er in zyttlich nymbt von dan
 Do mit er nit vil sünd vff lad/
 Und grösser werd der selen schad

Got/ hatt all rüwern zü gesezt
 Ablas/ vnd syn barmhertzikeyt
 Keyn sündler er doch ye verbiet
 Das er in so lang leben lief
 Bis er rüwt/ vnd nām besserung an
 O der das er rüw würd entpfan/
 Gott geb eym dick syn gnad noch hüt
 Vnd will im doch geben nüt/
 Ezechias von gott erwarb
 Das vff syn gsatzet zyl er nit starb
 Sunder lebt noch dann fünffzeben jor
 Balthesar durch sünd syn zyl kam vor
 Die hand/ von aller freud im treib
 Die Ane/ Ishares/ Thetel schreib
 Er was zü lycht an dem gewiecht
 Dar vmb wart im eyn entzuckt syn lycht
 Vnd merckt nit das syn vatter vor
 Durch gott gestrofft/ vor manchem jor
 Zü besserung vnd büß sich kert
 Dar vmb wart er von gott erhört
 Das er in wyebes gestalt nit starb
 Durch rüw/ er gnad vnd zyl erwarb
 Ey yedem ist gesetzt syn zyl
 Vnd zal der sünd/ dar über nüt
 Dar vmb zü sünden nyeman yl
 Wer vil sündt der ist bald züm zyl
 Vil sindt/ dott yetz in disem jor
 Hetten sie sich gebessert vor
 Vnd jr stundglas vmb kört by zyl
 Der sant wer vß gelouffen nitt
 Sie lebten noch on zwyfel hüt



Wer löstert gott mit flüchen / schweren
 Der lebt mit schand / vnd stirbt on eren
 We dem / der solchs ouch nit düt weren




Von gottes lesteren

Die grösten narren ich ouch kenn
 Die ich nit weiß wie man sie nenn
 Die nit benügt an aller sünd
 Und das sie sint des tüfels kynd



Sie müssen öfflich zougen das
 wie sie sygen in gottes hass
 Und haben im gantz widerseyt
 Der hebt gott syn omechtikeyt
 Der ander /im syn martter für
 Syn miltz /syn byrn /syn kröb /vnd nyet
 wer yetz kan vngewönlich schwür
 Die dann verbietten dünt all recht
 Den halt man für eyn fryschen knecht
 Der müß eyn spieß /eyn armbrust han
 Der gtar alleyn /wol vier bestan
 Und vß der fläschen freüdig syn
 Adörtlich schwür dünt man by dem wyn
 Und by dem spyel vmb wenig gelt
 Mit wunder wer /ob gott die welt
 Durch solche schwür /ließ vnder gon
 Oder der hymel bräch dar von
 So lästert /vnd geschmácht man gott
 All erberkeyt ist leyder dott
 Und gatt mit recht /keyn straff dar noch
 Des lyden wir vil plag /vnd roch
 Bann es so öfflich yetz geschicht
 Das es all welt merckt hört /vnd sicht
 Mit wunder /ob gott selber rycht
 Gott mags die leng vertragen nycht
 Bann er entphalb /das man solt dün
 Clersteynen /der Ysrahelyten sün
 Senacherib /der flüchet gott
 Und wart geplagt mit schand /vnd spot
 Lycaon /vnd Adezencius
 Entpsand das /vnd Antyochus



Wer meynt das vns gott stroff zu vil
Das er vns plaget vnder wil
Des plag/ist nit eyn viertel myl



Ein plag vnd strof gots
Eyn narr ist/wer für wundert helte
Das gott der herr/yetz strofft die wêlt
Und eyn plag schickt/der ander noch
Die wile vil krysten sygen doch



Und vnder dān/vil geistlich lüt
 Clon den vil vasten/gbet all zyt
 Beschāhen stāts on vnderloß
 Doch hōr/es ist keyn wunder groß
 Dan du nit f yngeß eyne Stadt
 Inn dem es yetz nit übel gat
 So nit abnām syg/vnd gebuch/
 Bar zū so ist des wisen spruch
 wann du zerbrischst/das ich dir buw
 So würt vns beyden nit dann rüw
 Und das wir arbeit hant verlor
 So spricht ouch sunst/der herr mit zorn
 wann jr nit halten myn gebott
 wil ich üch geben plag vnd dott
 Krieg/bunger/pestilentz/vnd dūr
 lhytz/ryff/kelt/bagel/tunders für
 Un meren das/von tag zū tag
 Und nit erhōren bātt noch klag
 Ob joch Moyses vnd Samuel
 Adich bātt/so byn ich doch der sel
 So vyndt/die nit von sünden latt
 Gre muß han plag/wile ich byn gott
 Adan sah alleyn an jüdisch landt
 was sie durch sünd verlor hant
 wie dick sie gott vertriben hatt
 Durch sünden/vß der heyligen statt
 Die krysten hant das ouch verloren
 So sie verdienten gottes zorn
 Adyn sorg ist wir verlyeren me
 Und das es vns noch übler gee

Der. LXXXVIII. na. CXIX

Wer syn mul/vmb eyn sackpfiff gytt
Der selb/syns tuschens genüßet nytt
Und muß oft gan/so er gern rytt



Hom dorechtem weschel

Uil grösser arbeyt hatt eyn narr
wie das syn sel zur hellen far
Dann keyn eynsydel vor ye hatt
In aller wüst/vnd heymlich statt

Folio

Do er dient vastend/bettend/gott
Man sieht was hochfart arbeit hat
wie man sich mutz/schmeyer/nestel/bryß
Und hõrte drück lyd/jnn manche wyß
Der gydt tribt manchen über see
Durch vngewitter/råg/vnd schne
In Morwegen/ßylappen landt
Keyn rüw noch rast/die büler handt/
Die spieler haben übel zyt/
Til mer der schnapphan/der do ryt
Tff dem halßacker wogend sich
Bes prassers will gschwigen ich
Der all zyt vol ist/vmb syn hertz
was drück der lyd/vnd heimlich schmertz
Bes yfers zyt/ist nit die best
Er wõrcht eyn andern gouch jm nest
Syn eigen glider kocht der nydt
Nyemans durch gottes ere sich lydt
Der in gedult an sãb syn sel
Als Moë/Job/vnd Daniel
Bar vil sint/den das böß gefeltt
Bar selten der das güt erwelt
Erwõlen güttes eyn wiser soll
Das böß kunt all tag selbs wol
wer gibt das hymelrich vmb in yst
Der ist eyn narr/so vil syn ist
Syn duschen der genüßet nitt
wer ewigs vmb zergenglichs gytt
Und das ichs kurtz mit worten bgriff
Bybt er eyn esel/vmb eyn pfiff

Ere vatter vnd mütter allzytt
 Do mit dir gott lang leben gytt
 Vnd würdſt geſetzt in ſchanden nitt



Ere vatter vnd mutter
 Der iſt eyn narr der kynden gytt
 Do er ſyn zyt ſolt leben mitt
 Vterloſſend ſich vff güthen won
 Das inn/ſyn kynd nit ſollen lon






Und im ouch helffen inn der nôt/
 Dem wünscht man allen tag den dot
 Und würt gar bald eyn überlast
 Den kynden sy eyn vnwerd gast
 Doch im geschicht wol halber recht
 worlich ist er an witzen schlächt
 Das er mit Worten im loft klusen
 Des sol man im mit kolben lusen
 Doch lebt der selb nit lang vff erdt
 wem vatter/mütter sindt vnwerdt/
 In mit der vinster/lescht des lyecht
 wer vatter vnd mütter ert nycht
 An sym vatterbschuldt Absolon
 Das inn solt vnglück jung an gon
 Des gleichen wart verflüchet Cham
 Do er entblöst syns vatters scham/
 Balthassar hat nit vil glück
 Das er syn vatter hüw inn stück/
 Sennacherib von syn sūnen starb
 Ir keyner doch das rich erwarb
 Thobias gab sym sūn die ler
 Ersolt syn mütter han in er
 Bar vmb stund künig Salomon
 Syner mütter vff/von synem tron
 Als Corylaus ouch hat gethon
 Die sūn Rechab/lobt selber gott
 Das sie bielten irs vatters gbott
 wer leben will spricht gott der herr
 Der büt vatter/vnd mütter er
 So würt er alt/vnd richen ser

Im choꝝ gar mancher narr ouch stat
 Der vnnütz schwätzt/vnd hilfft/vnd ratt
 Das schiff vnd wag/von land bald gat




Von schwetzen im choꝝ

Al stant in kirchen/vnd im choꝝ
 Die schwetzen/rotten durch das joꝝ
 Wie sie zürchten schiff/vnd karr
 Das man gon Marragonyen far

Do seyt man von dem welschen krieg
 Do lüg man/das man redlich lieg
 Und ettwas nüws bring vff die ban
 Als würt die mettlin gefangen an
 Und wert dick/zü der vesper zyt
 Vil kâmen nit/trib nit der gydt
 Und das man gelt geb in dem choz
 Sunst weren sy on die kirch vil joz
 Es wer besser vnd weger eyin
 Er blib gantz über all do heym
 Und richt das klapper benckly zü
 Und synen genßmerckt/anderßwo
 Wann das er in der kyrchen will
 Sich irren/vnd sunst ander vil
 Was mancher nit vß richten kan
 Das schlecht er in der kyrchen an
 Wie er vff rüst schyff vnd gschyr
 Und bring vil nüwer mer har für
 Und hat grof flyß/vnd ernstlich geberd
 Do mit das schiff nit wendig werd
 Er gieng ee vß dem choz spatzieren
 Das er den wagen recht möcht schmieren
 Aber von den dar ich nit drucken
 Die inn den choz alleyn dūn gucken
 Und zeigen sich mit presentieren
 Treffen doch bald wider die türen
 Das ist andächtug gebett/vnd güt
 Do man sollich ding vß richten thut
 Do werden pfründen wol verdient
 So man den roaffen zü gyent



Wer hochfart ist / vnd düt sich loben
 Vnd sitzen wil alleyn vast oben
 Den setzt der tūfel vff syn kloben



Überhebung der hochfartt.

Der füret vff eym strowen dach
 Der vff der welt rüm setzt syn sach
 Vnd all ding düt vff zytlich ere
 Dem würt zu lest nüt anders me

r ij



Dann das syn won/jnn hat betrogen
 So er buwt vff eyn regenbogen
 Wer welbât vff eyn dânnyn sul
 Dem würt eezytt/syn anschlag ful
 Wer rûm vnd weltlich ere hie bgerdt
 Der wart nit/das jm dort me werdt/
 Adanch narr halt sich gar hoch dar vmb
 Das er vß welschen landen kum
 Und sye doch zû schûlen worden wiß
 Zû bonony/zû Pauy/Paris
 Zû hohen Syen jnn der Sapientz
 Ouch in der schûl zû Olyens
 Und den roaffen gsâhen bett
 Und Adeter pyrr de Conniget/
 Als ob nit ouch in tûtscher art
 Hoch wer vernunft/syn houbter zart
 So mit man wißbeyt/kunst môcht leren
 Mit not/so verr zû schûlen keren
 welcher will leren in sym landt
 Der fyndt yetz bûcher aller hand
 Das nyeman mag entschuldigen sich
 Er well dann liegen lasterlich
 Adan meynt ettwan/es wer keyn ler
 Dann zû Athenas über mer
 Dar nach man sy/by walhen sandt
 Yetz sicht mans ouch in tûtschem land
 Und gebrâst vnß nyt/wer nit der wyn
 Und das wir tûtschen vol wend syn
 Und môgen keyn recht arbeyt thûn
 wol dem/wer hat eyn wysen sîn

Ich acht nit/das man vil kunst kün
 Und stell do mit noch hochfart gwynn
 Und meynt dar durch syn stoltz/vnd klüg
 wer wiß ist/der kan kunst genüg
 wer lert durch hochfart/vnd durch gelt
 Der spiegelt sich alleyn der welt
 Glich als eyn nârrin die sich mutzt
 Und spieglen düt/der welt zû tutz
 So sie vff spannt des tûfels garn
 Und macht vil selen zû der hellen farn
 Das ist das kützlin/vnd der klob
 Do durch der tûfel sücht groß lob
 Und hat gefürett manchen hyn
 Der sich bedunckt vor witzig syn/
 Balaam gab Balach eynen rott
 Das Israhel erzürnet gott
 Und nit möbt in dem stritt beston
 Das es durch frowen zû möcht gon/
 Hett Judith sich nit vff gezyert
 Holofernes wer nit verfür/
 Jesabel streich sich varben voll
 Do sie meynt Jesu gefallen wol
 Der wiß man spricht/ker dich geschwynd
 Von frowen/sie reitzt dich zûr sünd
 Bann nârrin vil sint also geil
 Das sie jr gesiecht bald biettent feil
 Und meynen/es sol schaden nüt
 Ob sie eyn blück dem narren gytt
 worlich gesicht/bringt böß gedanck
 Und setzt eynen vff den narren banck

Folio

Der dar noch lichtlich nit abstat
Bis er den hâber gefangen hatt/
Hett Bersabee jr lib bedeckt
Sie wer durch eebruch nit besleckt
Dyna wolt schowen frembde man
Bis vmb jr junckfrowschaft sie kam/
Eyn demüttig frow ist eren wert
Und würdig/das sie werd geerd
Aber welch hochfart nymbt für hend
Deren hochfart ist ouch gantz on end
Die wil ouch allzyt vornen dran
Das nyeman mit jr gestellen kan/
Die größte wisheyt vff aller erdt
Ist/können thûn das yeder bgerdt
Und wo man das für güt nit nymbt
Doch können thûn das yedem zymbt
Wer aber frowen thûn will recht
Der muß syn ettwan me dann knecht
Dann sie gar oft durch blödikeyt
Ase thûn/dann durch jr lystigkeyt
Der hochfart die do hant gotts haß
Stigt stâts vff/ye baß vnd baß
Und felt zu lest zu boden doch
Zu Lucifer jnnis belleiloch
Hör hochfart/es kumbt dir die stundt
Das du sprichst vß dym eygnen munt
Was bringt myn boher müt mir freud
So ich hie sitz in trübsal/leyd/
Was hilfft mich gelt/güt/vnd richtum
Was hilfft der welt ere/lob vnd rûm

Er ist nüt dann eyn schätt gesyn
 Augenblicklich ist es do hyn
 wol dem/der diß als hat veracht
 Und hat alleyn ewigs betracht/
 Nüt dunckt eyn narren bie so hoch
 Es felt mit im zü letsten doch
 Und vor vñ/die schäntlich hochfart
 Die hatt an jr natur/vnd art
 Das sie den höchsten Engel stieß
 Vom hymel ab/vnd ouch nie ließ
 Im Paradis den ersten man
 Sie mag noch nit vñ erden bestan
 Sie muß ye süchen jren stül
 By Lucifer in hellen pfül
 Sücht sie den/der sie hat erdacht
 Hochfart ist bald zür hellen bracht
 Agar durch hochfart wart von huf
 Mit irem kynd getriben vñ/
 Durch hochfart Pharao verdarb
 Chore mit syner gesellschaft starb
 Der herr gar gröflich des erzürn
 Do man in hochfart macht den thurn
 Als Daud dett in hochfart zelen
 Das volck/mußt er eyn plag erwelen
 Herodes kleydt in hochfart sich
 Als ob syn wesen wer göttlich
 Und wolt ouch haben göttlich ere
 Und wart vom Engel geschlagen sere
 Wer hochfart tribt/den nydert gott
 Bemüt er allzytt gehöheret hat

Die wücherer füren wild gewärb
 Ben armen sint sie ruch / vnd härb
 Mit achtens / das all welt verdärb



zwucher vnd furkouff

Dem solt man griffen zů der huben
 Und im die zächen wol ab klubem
 Und rupffen die fluckfäder vß
 Der bynder sich koufft inn syn hus



Als wyn vnd korn im gantzen land
 Und vörchten weder sünd noch schand
 Do mit eyn arm man nützet synd
 Und hungers sterb mit wib/vnd kynd
 Do durch/so hat man yetz vil dūr
 Und ist/dann vārnyg/böserhūr
 Hūn galt der wyn kum zehen pfundt
 In eym monates dar zū kundt
 Das er yetz gyltet d: yssig gern/
 Als geschicht/mit weissen/rocken/kern/
 Ich will vom übernütz nit schriben
 Den man mit zynß/vnd gült dūt triben
 Adit lyben/blätschkouff/vnd mit borgen
 Manchem eyn pfundt/gwynt eyn morgen
 Ade dann es thūn eyn jor lang solt
 Dann lybet eym yetz müntz vmb golt/
 Für zehen schribt man eylff juns bűch
 Bar lydlich wer der juden gesűch
 Aber sie mögen nit me bliben
 Die krysten juden/sie vertriben
 Adit juden spieß die selben rennen
 Ich kenn vil/die ich nit will nennen
 Die triben doch wild kouffman schatz
 Und schwygt dar zū all recht/vnd gsatz/
 Ir vil sich gegen dem bagel neygen
 Die lachend/vff den ryffen zeygen
 Doch geschicht dar gegen ouch gar dick
 Das mancher henckt sich an eyn strick/
 Wer rich will syn/mit schaden der gemeyn
 Der ist eyn narr/doch nit alleyn


Mancher fröwt sich / vff frembde hab
wie er vil erb / vnd trag zü grab /
Die mit sym gebeyn nuss werffen ab




Don hoffnung vfferben

Eyn narr ist / wer sich dar vff spitzt
Das er eyne andern erb besitzt
Oder für in kum in den rott
Syn güt / pfründ / ampt / besitzt noch dott





Mancher eyns andern dott sich fröwt
 Des end/er nyemer me beschowt
 Hoffte eynen tragen byn zum grab
 Der mit sym gbeyn würfft bieren ab/
 Wer hoffet vff eyns andern dott
 Und weiß nit/wann syn sell vff gat
 Der selb den esel düt beschlagen
 Der in gen narrenberg würt tragen/
 Es sterben jung/starck frölich lüt
 So syndt man ouch vil kelber hüt
 Es gat alleyn nit/über die küg
 Eym yeden syn armüt benüg
 Und bgär nit/das es grösser werd
 Eyn wilder vmbblouff ist vff erd
 Bulgarus erbt ouch synen sün
 Des er nie hat gehofft zū thün
 Pyramus sach syn kynd all sterben
 Die er hofft/sie wurden syn erben
 Absolon syns vatters tod nach schleich
 Und reycht syn erbteyl an der eich
 Manchem eyn erb würt über nacht
 Vff das/er vor nie hat gedacht
 Mancher eyn erben überkunt
 Dem lieber wer/in erbt eyn hundt/
 Mitt yedem gatt noch hoffens won
 Als Abraham/vnd Symeon
 Lof vöglin sorgen/wann gott will
 So kumbt das glück/zyt/end/vnd zyl/
 Das best erb/ist im vatter landt
 Do wir byn hoffen alle sandt
 Bar wenig stoß es doch zur handt






Mancher solt zu der kyrchen gan
 Und an dem fyrtag müßig stan
 Der sich doch vil geschefft nymbt an




Von verführung am fyrtag

Das sint burger zu Affenbergk
 Die all jr sachen/vnd jr werck
 Sparen alleyn vff gebannen tagen
 Die müssen vff den affen wagen
 Dem eynen/muß man roß beschlagen







Den andern knöpfen setzen an
 Das mas nun langst solt han gethan
 Do man saß by dem spyl vnd wyn/
 Dem füllet man die spitzen syn
 Til budelen muß man dar in stossen/
 Dem muß man an thun rock/vnd hosen
 Das möcht er sunst nit legen an
 Hett ers nit vff eyn frytag ghan/
 Die köch zu richten für/vnd glüt
 Ee man die kilch morgens vff düt
 So fyndt man by in schlemmē vñ prassen
 Eenyemans recht kumbt/vff die gassen
 So sint die wynhäuser schür voll
 Das tribt man on end yemerdol
 Uor vß/vff den gebannen tagen/
 So andre werck sint vnder schlagen
 So düt man faren mit den karren/
 Den fyrtag manchen macht zum narren
 Der meynt der frytag sy er dacht
 Das kleyner arbeyt gott nit acht
 Als/das mans holtz im spielbrät schlag
 Und kartten sitzt eyn gantzen tag
 Til lont sunst wercken jr gesynd
 Und hant keyn acht/das dienst vnd kynd
 Zu kyrchen/predig/gotts dyenst gon
 Oder früg zu der meß vff ston
 Den māt went sie erst recht vß kochen
 Den sie gesotten hant die wochen/
 Keyn hantwerck ist dem nit gefüg
 Das es am fürtag ettwas düg



Folio



Sy sint dem pfenning also gferd
Als ob keyn tag me wer vff erd
Eyn teyl stont schwätzen vff der gassen
Die ander sitzen spielen/prassen
Manchem jm wyn do mer zerrynt
Dann er eyn woch mit arbeit gewynt
Der muß eyn schmürtzler/hümpler syn
wer nit will sitzen by dem wyn
Tag/vnd nacht/bis die katzen kreygt
Oder der morgen lufft bar weygt/
Die juden spotten vnser ser
Das wir dem fyrtag dünt solch er
Ben sie noch halten also styff
Das ich sie nit jnns narren schyff
wolt setzen/wenn sie nit all stunt
Sunst irren/wie eyn touber bundt
Eyn arm man holtz am fyrtag laß
Und wart verfteynt/alley n vmb das/
Die Achabeer wolten nitt
Am fyrtag weren sich zu stritt
Ir wurden vil erschlagen dott/
Man samlet nit das hymelbrott
Uff den fyrtag/als gott gebott/
Aber wir arbeytten on not
Und sparen vil/vff den fyrtag
Das wir nit thun went andere tag
O narr den fyrtag halt/vnd ere
Es sint noch wercktag vil vnd mere
wann du schon fulest in dem grunt
Uff gyttikeyt als laster kunt






Der ist eyn narr der trurt all tag
 Umb das er nit gewenden mag
 O der den rüwt/das er hat gethon
 Eym gütz/der's doch nit kan verston




Schencken vnd berurven

Der ist eyn narr/der schencken vut
 Vnd das nit gibt mit gütem müt
 Vnd dar zů fur/vnd übel sicht
 Das eym nüt liebs dar von geschicht



Do mit er gab/vnd lon verlürt
 So in syn schenck so vast bedürt
 Als düt ouch der/der ett was güt
 Durch gottes ere/vnd willen düt
 Und hat doch rüw/vnd leid dar von
 wann gott jm nit glich gibt den lon
 Bann wer mit eren schencken well
 Der lach/vnd sye eyn güt gesell
 Und sprech nit/zwor ich thû es vngern
 will er nit danck/vnd lon entbern
 Bann gott sicht ouch des gab nit an
 Der nit mit freüden schencken kan
 Jeder das syn behalttet wol
 Zû schenck man nyeman zwyngen sol
 Alleyn vß fryem hertzen gat
 Die schenck/die yedem wol an stat
 Selten verloren würt der danck
 wie wol er ettwan kumet langk
 So würt es doch gewonlich schlächt
 Bann zwen vmb eyn/ist faden recht
 Ob eyner schon vndanckbar sy
 Syndt man dar gegen eren fry
 Eyn danckbaren wisen man
 Der es alles wider gelten kan
 Aber wer schenck verwissen düt
 Der will den truck nit han für güt
 Und will nit warten wyder gob
 Uerwissen schenck ist gar zû grob
 Man sicht in über die achslen an
 Der syn gütät verwissen kan
 Und würt jm sunst nit me dar von



Tragkeit fyndt man in allen geschlechten
 Uo: vñ in dienst mägten/vnd knechten
 Wen kan man nit gnügsam lonen
 Sie können doch jr leibit wol schonen



Von tragkeyt vnd fulheyt

Keyn besser narr in aller sach
 Ist/vann der all zyt dar tün gmach
 Und ist so träg/das im verbrennt
 Syn schyenbeyn/ee er sich verwent



wie roch den ougen ist nit güt
 was essig ouch den zenen düt
 Des glich der tråg/vnd ful düt schyn
 Bänen/die hant gesendet in/
 Eyn träger mensch ist nyemans nutz
 Dann das er sie eyn wynterbutz
 Und das man in lof schlossen gnüg
 Sytzen bym ofen ist syn füg/
 Sellig der werckt mit synem karst
 wer müßig gat/der ist der nârrst
 Die müßig gânden/strofft der her
 Und gibt der arbeyt lon vnder/
 Der böß vindt/nymbt der tragkeyt war
 Und sagt gar bald syn somen dar/
 Tragkeyt eyn vrsach aller sünd
 Macht murmelen Israhel die kynd
 Daud dett eebuch/vnd dotts Schlag
 Dar vmb das er tråg/müßig lag/
 Und Chartago was gantz vmbkert
 Dar vmb wart Rom ouch gantz zerstört
 Eyn größern schaden Rom entpfing
 An dem das Chartago vnderging
 Dann sie von stritt entpfing dar vor
 Von jr/hundert vnd sechzeben jor/
 Der tråg/der nit gern gat her für
 Der spricht/der löw stat vor der thür
 Der dorecht bund in heym behalt
 Fulkeyt erdenckt eyn wörwort baldt
 Fulkeyt sich wider went/vnd für
 Blich wie der angel an der ihür

Wie hab ich gsetzt noch vil zů samen
 Die narren sint/ vnd vant den nammen
 Bern ander narren sich doch schammen



Von vslendigen narren

Noch synt sunst vil vnnützer lüt
 Die wüst gantz inn den narren hüt
 Und sint dar inn verharret gantz
 Gebunden vff des tufels schwantz



Und sint zů bringen nit dar von
 Will ich stillschwigend für sie gon
 Und sie lon inn jr narrheyt bliben
 Und von jr torheyt wenig schriben
 Als Saracenen / Türcken / Heyden
 All die vom glouben sint gescheyden
 Ben glich ich ouch / die kätzer schul
 Die halt zů Prag / den narren stul
 Und hat gespreit vñ jren standt
 Das sie ouch hat yetz Adarrhern landt
 Die wußt inn die narren kappen treten
 Blich wie all die anders an betten
 Wann dry person / eyn woren gott
 Ben vnser gloub wie eyn spott
 Die ich nit für schlecht narren han
 Sie müssen vñ der kappen stan
 Wann jr narrheyt so offlich ist
 Das yedem tuch zür kappen gbrist
 Des glich all die verzwiselt hant
 Und sin verstrickt inn tufels bandt
 Als dorecht frowen / böse wiber
 All kupplerin / pfowen triber
 Und andere die in sünden synt
 Und inn jr narrheyt gantz erblyndt
 So mit will ich ouch deren gedencken
 Die sich selbs dönnen / oder hencken
 Und kynd vertün / vñ die ertrencken
 Die sint nit würdig der gesatz
 Oder das man sie ler / vñ satz
 Doch ghören sie inn narren zall
 Ir narrheyt gibt inn kappen all

Der.XCVIII.nar CXXXI

Iah bitt ouch herren groß/vnd kleyn
Bedencken den nutz der gemeyn
Lont mir myn narreu kapp alleyn



Von abgang des glouben

wann ich gedenck sümnyß/vnd schand
So man yetz spürt/in allem land
Von fürsten/herren/landen/stett
wer wunder nit/ob ich schon hett

f. iij




Adyn ougen gantz der zäheren voll
 Das man so schwächlich sehen soll
 Den krysten glauben nemen ab/
 Uerzich man mir/ob ich schon hab
 Die fürsten ouch gesetzet har
 wir nemen (leyder) gröblich war
 Des krysten klouben not vnd klag
 Der myndert sich von tag zu tag/
 Zum ersten hant die kätzer bert
 Den halb zerryssen/vnd zerstört
 Barnach der schäntlich Adachamet
 Inn mer/vnd me verwüster hett
 Und den mit sym irsal geschänt
 Der vor was groß inn Orient
 Und was gläubig alles Asia
 Der Adoren landt/Und affrica
 Jetz hant dar inn/wir gantz nüt me
 Es möcht eym herten steyn thun we
 was wir alleyn verloren hant
 In kleyn Asien/vnd kriechen landt
 Das man die groß Türcky yetz nennt
 Das ist dem glauben abgetrennt
 So sint die syben kirchen gsyn
 So hat Johannes geschriben hyn
 So ist eyn so güt landt verloren
 Das es all welt möcht han verschworn
 On das man in Europa sytt
 Uerloren hat in kurtzer zyt
 Zwey keyserthüm/vil künig rich
 Vil mechtig land/vnd stett des glich


Constantinopel/Trapezunt
 Die landt syn aller welt wol kunt
 Achayam/Etholyam
 Boeciam/Thessaliam
 Thraciam/Macedoniam
 Atticam/vnd beyd Mysiam
 Auch Tribulos/vnd Scordiscos
 Bastarnas/sambt vnd Thauricos
 Euboiam genent Mygrapont
 Auch Peram/Lapham/vnd Idreunt
 On ander schaden vnd verlust
 Die wir erlitten haben sunst
 In Adorea/Balmacia
 Styer/kernten/vnd Croacia
 In Hungern/vnd der wyndschen march
 Jetz sint die Türcken also starck
 Das sie nit hant das mer alleyn
 Sunder die Tünow ist jr gemeyn
 Und dünt eyn jnnbruch/wann sie went
 Til bystum/kyrchen sint gsechent
 Jetz griff er an Apuliam
 Bar noch gar bald Siciliam
 Italia die stoß dar an
 So würt es dann an Rom ouch gan
 An Lombardy/vnd welsche land
 Den vyndt den hant wir an der bandt
 Und wend doch schloßend/sterben all
 Der wolff ist worlich in dem stall
 Und roubt der heylgen kyrchen schoff
 Die wile der hirt lyt in dem schloß

Folio


Die Römische kirch vier schwestern hat
Do man hielt patriarchen stadt
Constantinopel/Alexandria
Iherusalem/Antiochia
Die sint yetz komen gantz dar von
Es würt bald an das haupt ouch gon/
Das ist als vnser sünden schuldt
Keyns mit dem andern hat gedult
O der miltiden syner schwär
Jeder wolt/das er grösser wär/
Und geschicht vns/als den ochsen geschach
Do eyner dem andern zū sach
Bis das der wolff sie all zerreyß
Erst ging dem letzten vß der schweyß/
Jeder der griff yetz mit der hant
Ob noch kalt sy syn mur/vnd want.
Und gedenckt das er nit vor lesch vß
Das für/ee es jm kum zū huß
So kumbt jm dann rüw/vnd leytt/
Zwytracht/vnd vngehorsamleyt
Ben kristen gloub zerstören düt
On not vergüßt man krysten blüt
Nyeman gedenckt/wie nach es jm sy/
Und went doch alweg bliben fry
Bis jm vnglück kumbt für syn thür
So stoßt er dan den kopff har für/
Die porten Europe offen syndt
Zū allen sitten ist der wyndt
Der nit schlossen noch rüwen düt
In durst alleyn/noch krysten blüt




O Rom/do du hatst künig vor
 So waist du eygen/lange jor/
 Dar nach inn fryheyt wardst gefürt
 Als dich eyn gmeiner rott regiertt
 Aber do man noch hochfart stalt
 Hoch richtum/vnd noch grossem gwalt
 Und burger wider burger vacht
 Des gmeyn nutzes nyeman acht
 So wart der gewalt zum teyl zer gon
 Zu letzt/eyn keyser vnderthon
 Und vnder solchem gwalt vnd schyn
 Bist fünffzeben hundert jor gesyn
 Und statts genomen ab/vnd von
 Glich wie sich myndern düt der mon
 So er sch wyndt/vnd im schyn gebrist
 Das yetz gar wenig an dir ist
 Well gott/das du ouch grösselt dich
 So mit du sygst dem mon gantz glich/
 Ben dunckt nit/das er ettwas hab
 Wer nit dem römischen rich bricht ab
 Zum erst die Saracenen hant
 Das heilig vnd gelopte landt
 Dar noch die Türcken bandt so vil
 Das als zu zalen/nam vil wil/
 Til stett sich brocht hant inn gwer
 Und achten yetz keyns keyfers mer
 Eyn yeder fürst/der ganz bricht ab
 Das er dar von eyn fader hab/
 Dar vmb ist es nit wunder groß
 Ob joch das rich sy blutt vnd bloß




Dan byndt eym yeden vor das in
 Das er nit vordern soll das syn
 Und lossen yedem in sym stadt/
 wie ers byß har gebruchet hadt
 Durch gott/jr fürsten sehen an
 was schad/zü letst dar vß werd gan/
 wann joch byn vnder kem das rich
 Ir bliben ouch nit ewiglich/
 Eyn yedes ding me sterckung hatt
 wann es bynander gsamlet statt
 Dann so es ist zerteylt von eyn/
 Eynhellikeyt in der gemeyn
 Uff wachsen die bald all dyng macht
 Aber durch mißhell/ vnd zwitteracht
 werden ouch grosse ding zerstört/
 Der tütschen lob was hoch geert
 Und hat erworben durch solch rüm/
 Das man inn gâb das keyserthüm/
 Aber die tütschen flissen sich
 wie sie vernychten selbst jr rich
 So mit die stüdt zerstörung hab
 Bissen die pferd jr schwentz selb ab
 worlich yetz vff den füßen ist
 Der Leraestes/vnd Basylist/
 Dancher würt vergyfften sich
 Zer gyfft dar schmeycht dem Rômschê rich
 Aber jr herren/künig/land
 Lit wellen gestatten solch schand
 wellent dem Rômschen rich zû stan
 So mag das schiff noch vffrecht gan



Ir haben 3woz eyn künig milt
 Der üch wol furt/mit ritters schylt
 Den 3wungen tüg all land gemeyn
 Wann jr im helffen wendt alleyn
 Der edel fürst Maximilian
 Wol würdig ist der Römischen kron
 Dem kumbt on 3wifel in syn handt
 Die heilig erd/vnd das globte landt
 Und würt syn anfang thun all tag
 Wann er alleyn üch trüwen mag/
 Werffen von üch solch schmoch/vnd spott
 Bann kleynes heres/waltet gott/
 Wie wol/wir vil verlorh handt
 Sindt doch noch so vil krysten landt
 Frumkünig/fürsten/adel gemeyn/
 Das sie die gantze welt alleyn
 Gewynnen vnd vmb bringen baldt
 Wann man alleyn sich zamen halt
 Trüw/fryd/vnd lieb sich brüchen düt
 Ich hoff zü gott/es werd als güt/
 Ir syndt regierer doch der land
 wachen/vnd dünt von üch all schand
 Das man vch nit dem schiffman glich
 Der vff dem mer flist schloffens sich
 So er das vngewitter sicht/
 Oder eym hund der höllet nicht/
 Oder eym wächter der nit wacht
 Und vff syn hütt hatt gantz keyn acht
 Stont vff/vnd wachen von dem troum
 worlich /die art stat an dem boum



Folio

Ach gott gib vnsern höptern in
Das sie süchen die ere dyn
Und nit yeder syn nutz alleyn
So hab ich aller sorgen keyn
Du gebst vns sigk in kurtzen tagen
Des wir dir ewig lob thun sagen
Ich mane all stadt der gantzen welt
was würde/vnd tyttel die sint gezölt
Das sie nit dünt/als die schüßflüt
Die vneins sint/vnd hant eyn stritt
wann sie sint mitten vff dem mer
Inn wynd/vnd vngewyitter ser
Und ee sie werdent eyns der für
So nymbt die Galee eyn gruntrür/
wer oren hab/der merck vnd höz
Das schifflin schwancket vff dem möz
wann Christus yetz nit selber wacht
Es ist bald worden vmb vns nacht
Bar vmb jr die noch üwerem stadt
Bar zü gott vsserwelet hatt
Das jr sönt vornen an den spytz
Mit lout/das es an üch ersytz
Bünt was üch zymbt noch üwerm grad
So mit nit grösser werd der schad
Und gantz abnam die Sunn/vnd mon
Das houbt/vnd glyder vnder gon/
Es löst sich eben sorglich an
Leb ich/ich man noch manchen dran
Und wer nit an myn wort gedenck
Die narren happen ich im schenck

Wer yetz kan strichen wol den hengst
 Und ist zū allem bschiff der gengst
 Der meynt zū hoff syn aller lengst



Von falben hengst strichen

Adir kem cyn verdeckt schiff yetz recht
 Dar inn ich setzt der herren knecht
 Und ander die zū hoff gont schlecken
 Und heimlich by den herren stecken



Do mit sie sassen gar alleyn
 Und vngetrengt von der gemeyn
 Dann sie sich nit wol mögen lyden
 Der eyn klubt fädern/der stricht kryden
 Der liebkosst/der runt inn die oren
 Das er vff kum in kurtzen joren
 Und sich mit daller schlecken ner/
 Dancher durch lyegen würt eyn herr
 Dann er den kutzen strichen kan
 Und mit dem salben hengst vmb gan
 Zü bloßen mäl ist er geschwynd
 Den mantel hencken gen dem wynd
 Zü düttlen hilfft yetz manchem für
 Der sunst langzyt blib vor der thür
 wer schlagen kan/boz vnder woll
 Der selb zü hoff gern bliben soll
 Do ist er worlich lieb/vnd werd
 Der eberkeyt man do nit bgert
 Adit tozheyt dünt sie all vmb gon
 went mir die narrenkapp nit lon
 Doch striglet mancher oft so ruch
 Das in der hengst schmytzt in den buch
 Oder gyt im eyn dryt in die ryppen
 Das im das daller felt in die kryppen
 Der selben wer güt müßig gon
 wann man sunst wifheyt wolt verston/
 wann yeder wer/als er sich stelt
 Den man für frumm/vnd redlich belt
 Oder stel sich als er dann wer
 Til narren kappen stunden lâr

Eyn zeychen der lichtfertikeyt
 Ist/glouben was eyn yeder seyt
 Eyn klapperer bald vil lüt vertreyt



Von oren bloßen

Der ist eyn nar/der vassjt inns houbt
 Und lichtlich yedes schwätzen gloubt
 Das ist eyn anzeig zu eym toren
 Wann cyner dünn/und witt bat oren



Man halt nit für eyn redlich man
 wer eyne will zů ruck an gan
 Und schlagen ee dann ers jm sag
 So er sich nit gewözen mag
 Aber verl yegen hynder ruck
 Das sol yetz syn eyn meyster stuck
 Das man nit licht versetzen kan
 Das tůt yetz triben yederman
 Mit hynder red/abschnyd der ere
 Uerrotten/vnd der glichen mere
 Das kan man verben/vnd verklügen
 So mit man mög dest bas betriegen
 Und schaffen das mans gloubt dest ee
 Den andern teyl hört man nit me
 Eyn vrteyl über manchen gat
 Der sich noch nie verantwürt hat
 Und syn vnschuld noch nit endeckt
 Das schafft er ist jm sackt ersteckt
 Als Aman Abardocheo dett/
 Syba der knecht Myphiboseth
 Grof Alexander lob erholt
 Das er nit lichtlich glauben wolt
 Bān die verklagten Jonathan
 Bald glauben/keyn gūt end nie nam/
 Adam wer nit der gnaden berobt
 Hett er nit bald der frowen gloubt
 Und sie dem schlangen syner wort
 wer bald gloubt der stift dick eyn mort
 Mit yedem geist man glauben soll
 Die welt ist valsch vnd liegens voll
 Der rapp dreit dar durch schwartze woll

Man spüret wol inn der alchemy
 Und inn des wyne artzeny
 was falsch/ vnd bschiff vff erden sy



Von falsch vnd beschiffz

Betrüger sint/ vnd fälscher vil
 Die tönen recht zü narren schiff
 falsch lieb/ falsch rott/ falsch frünt/ falsch gelt
 Völl vntrüw ist yetz die gantz welt

Folio

Brüderlich lieb/ist blynd vnd dott
Alff btrogenheyit eyn yeder gat
Do mit er nutz hab on verlust
Ob hundred joch verderben sust
Keyn erberkeyt sicht man me an
Man loft es über die selen gan
Echt eyns ding möcht kumen ab
Gott geb ob tusent sturben drab/
Glor vß loft man den win nit bliben
Groß falscheyt düt man mit jm triben
Salpeter/schwebel/dotenbeyn
weydesch/senff/milch/vil krut vnreyn
Stoß man züm puncten in das faß
Die schwangern frowen drincken das
Das sie vorzyt genesen dick
Und sehen eyn ellend anblick/
Til kranckheyit springen ouch dar vß
Das mancher fert ins gernerhuß
Man düt eyn lam roß yetz beschlagen
Das wol gehört vff den spiegel wagen
Das muß leren vff filtzen stan
Als solt es nachts zü metten gan
So es von armüt binckt vnd zält
Muß es doch yetz gelten syn gelt
Do mit beschissen werd die welt
Man balt kleyn mossen/vnd gewicht
Die elen sint kurtz zü gericht
Der koufflad muß gantz vinster syn
Das man nit seh des tüches schyn
Die wile eyner düt sehen an

Was narren vff dem laden stan
 Bent sie der wogen eyne druck
 Das sie sich gen der erden buck/
 Und frogen eyns/wie vil man heysch
 Ben tuinen wigt man zu dem fleysch
 Man ert den weg yetz zu der furch
 Die alte münztz ist gantz har durch
 Und möcht nit lenger zyt beston
 Hett man jr nit eyn zusatz gethon
 Die münztz die schwächert sich nit kleyn
 Falsch gelt/ist worden yetz gemeyn
 Und falscher ratt/falsch geystlicheyt
 Münch/priester/bägin/blorzbüder treit
 Til wölff gond yetz inn schöffen kleidt
 So mit ich nit vergeß hie by
 Ben grossen bschiff der alchemy
 Die macht das sylber/golt/vff gan
 Das vor ist in das stäcklin getan
 Sie goucklen/vnd verschlagen grob
 Sie lont eyn seben vor eyn prob
 So würt dan bald eyn vncken druf
 Der guckuf manchen tribt von huf
 Der vor gar sanfft/vnd trucken saß
 Der stoß syn güt inns affen glasß
 Bis ers zu buluer so verbrennt
 Das er sich selber nit me kennt
 Til hant also verderbt sich
 Bar wenig sint syn worden rich
 Bann Aristoteles der gycht
 Die gestalt der ding wandeln sich nicht

Folio

Uil fallen schwär in dise sücht
Ben doch dar vß gar wenig sücht/
Für golt man kupfer yetz zu rüst
Adüßdreck man vnder pfeffer myschst
Man kan das beltzwerck alles verben
Und düt es vß das schlechtest gerben
Das es bebelt gar wenig hoz
Wann mans kum treit eyn viertel joz
Zysmüß die geben bysem vil
Des gstanck man schmeckt eyn halbe myl
Die fulen herring man ver myst
Das man verkoufft sie gar frysch
All gassen sint fürkouffer vol
Bremperwerck triben schmáckt gar wol
Fyrn/vnd núw/man vermáncklen kan
Adit btrügnis gat vmb yederman
Keyn kouffmanschatz stat inn sym werd
Jeder mit fallch vertriben bgárt
Das er syns kroms mög kumen ab
Ob es Ball/vberbeyn/joch hab
Sellig on zwifel ist der man
Der sich vor falch yetz hüten kan
Das kynd syn eltern btrügt vnd mog
Der vatter hatt keynr syppschaft frog
Der würt den gast/der gast den würt
Falsch/vntrüw/bischoff würt gantz gspürt
Das ist dem endkryst güt für louff
Der würt inn falsch dün/all syn kouff
Bann was er gdenckt/heist/düt/vnd lert
Würt nüt dan falsch/vntrüw/verkert



Sidt ich den fürloß han gethon
 Clon denen die mit falsch vmbgon
 So fynd ich noch die rechten knaben
 Die by dem narren schiff vmb traben
 wie sie sich / vnd sust vil betriegen
 Die heilig gschrifft krümmen / vnd byegen
 Die gent dem glouben erst eyn büß
 Und netzen das bapyeren schyff
 Eyn yeder ettwas rißt dar ab
 Das es dest mynder bort me hab
 Ruder / vnd ryemen nymbt dar von
 Das es dest ee mög vndergon /
 Til sint in irem synn so klüg
 Die dunckent sich syn witzig gnüg
 Das sie vß eygner vernunft in fall
 Die heilig gschrifft vß legen all /
 Bar an sie fälen doch gar oft
 Und würt jr falsche ler gestrofft
 Wann sie vß andern geschrifftten wol
 (Der allenthalb die welt ist vol)
 Aböchten sunst vnder richten sich
 wann sie nit wolten sunderlich
 Gesehen syn / für anderlüt
 Do mit verfart das schiff zu zyt /
 Die selben man wol druncken nennt
 Das sie die worheyt hant erkennt
 Und doch das selb vinkerer gantz
 Do mit man sah jrn schyn / vnd glantz /
 Was sint falscher propheten ler
 Clor den sich hütten heist / der herr

Die anders die geschrifft vmb keren
 Bann sie der heilig geist selb düt leren
 Die band eyn falsch wog inn der hend
 Und legen druff/als das sie wendt
 Machent eyns schwär/das ander lycht
 So mit der gloub yetz vast hyn zücht
 Inn mitt wir der verkerten ston/
 Yetz regt sich vast der scorpion
 Durch solch anreytzer/von denen bett
 Geseyt Ezechiel der prophet
 Die überträtter des glatz
 Die süchen dem endkrist syn schatz
 Das er hab ettwas vil entvor/
 wann schyer verlouffen sint syn jor
 Und er vil hab/die by jm ston
 Und mit jm inn syn falscheyt gon/
 Der würt er han vil inn der welt
 wann er vñ teylen würt syn gelt
 Und all syn schätz würt fürbar bringen
 Darff er nit vil mit streichen zwynnen
 Das mer teyl würt selbs zū jm louffen
 Durch gelt würt er vil zū jm kouffen
 Die belffen in das er dann mag
 Die güten bringen alle tag/
 Doch werden sie die leng nit faren
 Inn würt bald brechen schiff/vnd karren
 wie wol sie faren vmb vnd vmb
 Und würt die worheynt machen krumb
 So würt zū lest doch worheynt bliben
 Und würt jr falscheynt gantz vertriben

t. iiii

Die yetz vmbfert inn allem stand
 Ich vörcht das schiff kum nym zū landt
 Sant Peters schifflin ist im schwanck
 Ich sor gar vast den vnderganck
 Die wällen schlagen all sytt dran
 Es würt vil sturm vnd plagen han
 Bar wenig worheyt man yetz hört
 Die heilig gschryfft würt vast verkört
 Und ander vil yetz vß geleyt
 Dann sie der mündt der worheyt seyt
 Tlerzych mir recht wā ich bie triff
 Der endkryst sytzt im grossen schiff
 Und hatt syn botschafft vß gesandt
 Falscheyt verkünt er/durch all landt
 Falsch glouben/vnd vil falscher ler
 wachsen von tag zū tag ye mer
 Bar zū/dünt drucket yetz güt stür
 wann man vil bücher würff inns für
 Adan brant vil vnrecht falsch dar inn
 Til trachten alleyn vff gewynn
 Von aller red sie bücher süchen
 Der correctur sie wenig rüchen
 Tff groß bschiff vil yetz studieren
 Til drucken/wenig corrigieren
 Sie lügen übel zū den sachen
 So sie mennlin/vmb nennlin machen
 Sie dünt inn selber schad/vnd schand
 Dancher der druckt sich vß dem land
 Die mag das schiff dann nit getragen
 Sie müssen an den narren wagen
 Das eyner tüg den andern jagen

Die zyt die kumbt/es kumbt die zyt
 Ich vörcht der endkryst sy nit wyt
 Das man das merck/so nām man war
 Uff dry ding/vnser gloub stat gar
 Uff apploß/bücher/vnd der ler/
 Der man yetz gantz keyns achtet mer/
 Die wile der gschrifft/spürt man do by
 Wer merckt die wile der truckery
 All bücher synt yetz fürher bracht
 Die vnser eltern yebant gmacht
 Der sint so vil yetz an der zal
 Das sie nütz geltten vberal
 Und man jr schyer nüt achtet mer/
 Des gleichen ist es mit der ler/
 So vil der schülen man nye fand
 Als man yetz hat in allem land/
 Es ist schyer nyenan statt vff erd
 Do nit eyn hobe schül ouch werd
 Do werden ouch vil gelerter lütt
 Der man doch yetz gantz achtet nütt
 Die kunst verachtet yederman
 Und sicht sie über die achseln an
 Die gelertten müssen sich schyer schammen
 Ir ler/vnd kleyt/vnd irs namen
 Man zücht die buren yetz har für
 Die gelertten müssen bynder die thür
 Man spricht schow/wmb den schluderaffen
 Der tüfel beschift vns wol mit pfaffen
 Das ist eyn zeychen/das die kunst
 Keyn er me hatt/keyn lieb/noch gunst

So mit würt ab gon bald die ler
 Bann kunst gespyset würt durch er/
 Und wan man jr keyn ere düt an
 So werden wenig dar noch stan/
 Der abbloß ist so gantz vnwärt
 Das nyeman dar noch frogt noch gart
 Nyeman will me den abbloß süchen
 So mancher woltt in jm nit flüchen
 Mancher geb nit eyn pfennig vf
 So jm der abbloß kumbt zu huß
 Und würt jm dar zu kumen doch
 Er reycht inn verer dann zu Ach/
 Dar vmb es vñ glich also gat
 Als denen/mit dem hymelbrot
 Die waren des so gar vrtrütz
 Sie sprochen es wer inn vnnütz
 Ir sel/vnwillen dar ab hett
 Und machten dar vf eyn gespöt/
 Als düt man mit dem abbloß ouch
 Der würt veracht/durch manchen gouch/
 Dar vñ nym ich mir eyn bericht
 Jetz stünd der gloub glich wie eyn liecht
 wann das will gantz verfaren hyn
 So gibt es erst eyn glantz/vnd schyn/
 Das ich es frylich sagen mag
 Es nach sich vast/dem jungsten tag
 Sidt man das lyecht der gnad veracht
 So würt es bald gantz werden nacht
 Des glichen vor nye würt gehört
 Das schiff den boden vast vmb kört


Wer durch lieblosen vnd trouwort
Die worheyt setzt an eyn ort
Berklopft dem endkrist an der port




worheyt verschwigen

Der ist eyn narr / wer würt zerstört
In sym gemüt / so man anfört
Und mitt gewalt / inn zwynge wöll
Das er die worheyt schwigen soll





Syn wißheyt vnder wägen lon
 Und sol den weg der torheyt gon
 Den der on zwiffel anhyt fert
 Der sich an solche trowort kert
 Die wile doch gott/vff syner sytt
 Ist/vnd bschyrmt den allezyt
 Der von der worheyt sich nit scheydt
 Das er zu keyner zyt beleyd
 Syn fuß/wer vff der worheyt blibt
 Bald/der all vīgend von jm tribt
 Eyn wiß man der worheyt zu/
 Ober joch säch phalaridis kü
 wer nit kan by der worheyt ston
 Der muß den wäg der torheyt gon
 Hett jonas worheyt gkundt by zyt
 Der visch hett in verschlucket nit
 Helias hielt mit worheyt priß
 Dar vmb für er juns paradys/
 Johannes floch der narren louff
 Dar vmb kam Christus zu sym touff
 wer eyne liplich stroffen düt
 Ob ers joch hat nit glich für güt
 So würt doch ettwan syn die stund
 Das es jm zu verdancken kundt
 Und grösser danckt nymbt vmb stroffwort
 Bann ob er redt/das man gern hort
 Daniel keyn lieb dar nemen wolt
 Als er Balthesar sagen soltt
 Und jm die worheyt legen vß
 Dyn gelt blib (sprach er) inn dym huß



Der engel byndert Balaam
 Dar vmb das er die gaben nam
 Und wolt thun wider die worheyt
 Des wart verkort als das er seyt
 Der esel strofft den/der in reyt
 Zwey ding mag man verbergen nit
 Zu ewig zyt sicht man das dryt
 Eyn statt gebuwen inn die hoh/
 Eyn narr/erstand/sitz/oder gee
 Sicht man doch bald/wesen vnd bscbeyt
 Worheyt sicht man inn ewigkeyt
 Und wurt sich nyemer me verlygen
 Wann narren schon den hals abschrygen/
 Worheyt ert man durch alle land
 Der narren freyd ist/spott/vnd schand
 Ich byn gar oft gerennet an
 Wile ich das schiff gezymberet han
 Ich solt es doch eyn wenig farben
 Und nit mit eychen rinden garben
 Sunder mit lynden safft ouch schmyeren
 Und ettlich ding ettwas glosyeren
 Aber ich ließ sie all erfruren
 Das ich anders dann worheyt seyt
 Worheyt die blibt inn ewigkeyt
 Und wurt eym vnder die ougen ston
 Wann nyemer wer diß büchlin schon
 Worheyt ist stercker dann all die
 Adich bynder reden/oder sie
 Wann ich mich hett gekort dar an
 Ich müst byn grösssten narren stan
 Die ich in allen schiffen han

Wer will der wozheydt by gestan
 Der muß gar vil durechter han
 Die inn abkeren vnderstan



Hyndernys des gutten

Der ist eyn nar durch all syn blūt
 Wer hyndern will eyus andern gūt
 Und er zū wören vnderstat
 Do von er doch entfocht keyn schad



Und sicht gern/das eyn ander sy
 Im glich/vnd stäckt jm narren bry
 Dann narren allzyt bassen dünt
 Die/so mit guttem ding vmb gont
 Eyn dor/den andern nit gern sicht
 Dem rechten doren doch geschicht
 Das er inn freüden sich nit spar
 Das er alleyn nit sy eyn narr
 Dar vmb er allzyt flisset sich
 wie yederman syg synen glich
 Und ratt das er nit sy alleyn
 Der narr/der trag den kolben heyn
 wann man sicht eyenen der do will
 Recht dün/vnd syu inn wisheyt still
 So spricht man/schow der duckelmuser
 Er will alleyn syn eyn Earthuser
 Und tribt eyn apostützer stodt
 Er will verzwisflen gantz an gott
 wir went eben als wol erwerben
 Das gott vns loft inn gnaden sterben
 Als er/wann er schon tag/vnd nacht
 Lyt vff den knüwen/bät/vnd wacht/
 Er wil vasten/vnd zällen buwen
 Er gar gott noch der welt truwen
 Gott hat vns nit dar vmb geschaffen
 Das wir münch werden oder pfaffen
 Und vor vß das wir vns entschlagen
 Der welt/wir went keyn kутten tragen
 Hoch kapp/sie hab dann schellen ouch
 Schow vmb den narren/vnd den gouch

Folio

Er möcht noch inn der welt han gethan
Eil güttes / Und hett nach grössern lon
Entpfangen / hett er vil gelert
Und vff den weg der sellikeyt kert
Dann das er do lyt wye eyn schwyn
Und mösst sich in der zellen syn
Oder bricht jm sunst so vil ab
Das er keyn freud noch kurtz wil hab /
Solt / wie er düt / dūn yederman
In der Earthuß die kутten an
wer wolt die welt dann fürbas meren
wer wolt die lüt / wysen vnd leren /
Es ist gotts will / noch meynung nit
Das man der welt sich ab schüt
Und vff sich selb alleyn hab acht /
Solch red dūnt narren tag vnd nacht /
Wie inn der welt hant als jr teyl
Des süchen sie nit selen heyl /
Hör zu / wāstu joch wiß vnd klüg
Es weren dennacht narren gnüg
wann du schon hettest münchesch gbārd
Es weren narren me vff erd /
wer yederman gsyn din glich
Es wer keyn mensch jm hymelrich /
wann du joch wārst eyn witzig gsel
Es füren dannacht vil zur hell
wann ich 3wo selen hett inn mir
Setzt ich licht eyn den gesellen für
Aber so ich hab eyn alleyn
So muß ich sorg han vmb die eyn
Gott hat mit Belyal nüt gemeyn

Wer hie anzündt syn ampel wol
 Und brennen löst syn liecht/vnd ol
 Der selb sich ewig fröwen sol



Ablossung gutterwerck

Der ist eyn narr/der zü der zyt
 So goit syn letstes vrtel gyt
 Sich vrteyln muß vß eygnem munde
 Das er verschlagen hat syn pfunde

v

Das im entpfolben hat syn her
 Das er do mit solt gewynnen mer
 Dem würt das selb genomen byn
 Und er geworffen inn die pyn
 Des glich ouch die jr ammpel hant
 Uerschüt/vnd nit mit öl gebrant
 Und went erst süchen ander öl
 So yetz vß faren ist die sell/
 Vier kleyne ding synt yetz vff der erd
 Sint wyser doch dann menschlich gberd/
 Die omeyß die keyner arbeyt schont
 Eyn häßlin das im vellen wont/
 Die hewstāß/die keyn künig hant
 Und ziehen doch zu veld all sant/
 Eyn eydes gat vff syn henden vß
 Und wont doch in der künig hūß
 Wer hunig fyndt vnd waffen scharpff
 Der āß nit me dann er bedarff
 Und büt vorfüllung sich der füß
 Das ers nit wider spüwen muß
 Ob joch eyn wiser gäbling stirbt
 Syn sel doch nyemer me verdyrbt/
 Aber der narr vnd vnwiß man
 Uerdyrbt vnd muß syn busung han
 Inn ewikeyt in synem grab/
 Den frömden loßt er sel/vnd hab
 Keyn grösser doz wart nye gemacht
 Bann der das künfftig nit betracht
 Und zytlichs für das ewig acht
 Es brennt manch boum in hellen glütt
 Der nit wolt tragen güte frucht

Zur rechten handt syndt man die kron;
 Zur lyncken handt/die kappen ston
 Den selben weg/all narren gon
 Und synden entlich bösen lon



Von lon der wyszheyt

Nach grosser kunst steltt mancher thor
 Wie er bald werd meyster/doctor/
 Und man inn halt/der welt eyn liecht
 Der kan doch das betrachten nicht

v ij

Folio

Wie er die rechte kunst erler
Mit der er zu dem hymel ker
Und das all wiffheyt diser welt
Ist gegen gott eyn dorheyt gelt
Uil meynen syn vff rechtem weg
Die doch verirren an dem stäg
Der zu dem woren leben furt
Woll dem/der vff dem weg nit irrt
Wann er inn schon ergriffen hat
Dann oft der neben weg ab gat
Das eyner bald kumbt ab der stroß
Es sy dann/das inn gott nit loß
Hercules inn syner jugent gdacht
Wes wegs er doch wolt haben acht
Ob er der wollust noch wolt gan
Oder alleyn noch tugend stan/
In dem gedänck/kumen zu im
Zwo frowen/die er bald on stym
Erkant/an irem leben wol/
Die eyn/was aller wollust vol
Und hübsch gezyert/mit reden süß
Groß lust vnd freud sie im verbieß
Der end doch wer der dot mit we
Bar nach keyn freud/noch wollust me
Die ander sach bleych/sur/vnd hert
Und hatt on freud eyn ernstlich gsert
Die sprach/keyn wollust ich verbeiß
Keyn rüw/dann arbeit in dym schweiß
Uon tugent zu der tugent gon
Dar vmb würt dir dann ewig lon

Der selben ging do Hercules noch
 wollust/rüw/freud er all zyt floch/
 wolt gott/als wir begeren all
 Leben noch vnserm wol gefall
 Das wir begeren ouch des glich
 Zü ban/eyn leben dugentrich/
 worlich/wir flühen manchen stäg
 Der vns fürt vff den narren weg/
 Die wile aber/wir all nit wend
 Bedencken wo eyn yeder lend
 Und leben blyntzend in der nacht
 Hant wir keyns rechten weges acht
 Das wir gar oft selbs wissen nitt
 wo vns hyen füren vnser dritt
 Dar vñ entspring/das vñ all tag
 Berüwen all vnser anschlag
 So wirs erfolgen nit on we
 Begeren wir nit mynders me/
 Das kumb alleyn dar vñ/das wir
 All hant eyn angeborne bgir
 wie vñ das recht güt hie vñ erd
 Bekum on wäl/vnd entlich werd
 Die wile aber das nit mag syn
 Und wir irren in vinstern schyn
 So hat gott geben vñ das liecht
 Der wisheyt/dar von man gesicht
 Die macht der vinsterniß eyn end
 wann wir sie nemen recht für bend
 Und zeigt vñ bald den vnderheit
 Der doren weg/von der wisheyt/

Folio

Der selben wißheyt stellten noch
Pythagoras / Plato der hoch
Socrates vnd all die durch jr ler
hant ewig rüm erholt / vnd ere
Und künden doch ergründen nie
Die rechte wißheyt funden hie
Dar vmb von in spricht gott der herr
Ich will verwerffen kunst vnd ler
Und wißheyt der / die wiß syndt
Leren die selb / die kleynen kyndt /
Das sint all die so wißheyt handt
Eruolget dort im vatter landt /
Die solche wißheyt hant gelert
werden in ewikeyt geert
Und schynent wie das firmament
welch hant gerechtikeyt erkennt
Und dar inn vnder wisen sich
Und ander me / die lüchten glich
Als Lucifer von orient
Und Hesperus gen occident /
Bion der meister spricht / das glich
wie zu den megten gselten sich
Die vmb Penelope lang zyt
Bülten / vnd möcht in werden nit /
Als dünt die hie nüt können gantz
Bgriffen / der rechten wißheyt glantz
Die nahend durch vil tugent zier /
(Die jr megtd sint) doch vast zu jr /
All freud der welt nymbt trurig end
Eyn yeder lüg wo er hyn lend

Ir' gesellen / kumen bar noch zů hant
 wir faren inn schluraffen landt
 Und gstecken doch im mür / vnd sandt



Das schluraffen schiff

Mit meyn / vnß narren syn alleyn
 wir hant noch brüder groß / vnd kleyn
 Inn allen landen vber al
 On end ist vnser narren zal

v iij




Folio



wir faren vmb durch alle landt
Vlon Harbon inn das schluraffen landt
Dar nach went wir gen Montflacon
Und inn das landt gen narragon
All port durch süchen wir / vnd gstad
wir faren vmb mit grossem schad
Und können doch nit treffen wol
Ben staden do man lenden sol
Unser vmbfaren ist on end
Dann keyner weiß / wo er zu lend
Und hant doch keyn rüw tag / noch nacht
Alff wißheyt vnser keyner acht
Dar zu hant wir noch vil gespanen
Trabanien vil / vnd Curtisanen
Die vnserm hoff statts ziehen noch
Kumen inns schiff zum lesten doch
Und faren mit vnß vff gewyn
On sorg / vernunft / wißheyt / vnd synn
Bün wir für wo z eyn sörglich fart
Dann keyner sorgt / lügt / merckt vnd wart
Alff Tablemarn / vnd den compass
Oder den vflouff des stundglas
Hoch mynder des gestyrnes zwang
wo hyn bootes / vrsagang
Arcturus oder Hyades
Des treffen wir Sympleyades
Das vnß die felsen an das schiff
Zu beyden sytten gend eyn büß
Und knützschen das so gar zu trymmen
Das wenig vß dem schiffbruch schwymmen

CXLVIII


Wir wogen vns durch mal sortun
 Des kumen wir zu land gar kum
 Durch Scyllam/Syrtem/Charibd
 Und sint gantz vß dem rechten trib
 Des ist nit wunder/ob ouch wir
 Im mer sehen vil wunder thier
 Als Delphynen/vnd Syrenen
 Die syngen vns süß Lantylenen
 Und machen vns als vast entschlossen
 Das vnsers zülend ist keyn hoffen
 Und müssen sähen vmb vnd vmb
 Cyclopen mit dem ougen krumb
 Dem doch Ulysses das vß stach
 Das er vor wifheyt inn nit sach
 Und in keyn schaden zu möcht fügen
 Bann das er bröllen dett vnd lügen
 Gleich wie eyn ochs/dem würt eyn streich
 Mit mynder der wise von im weich
 Und ließ inn schrygen/grynen/weinen
 Doch warff er noch mit grossen steynen
 Das selb oug wechszt im wider ser
 wann er an sicht den narren hö?
 So spert ers vff/gen inn so wytt
 Das man sunst sicht im antlyt nüt
 Syn mul spatzyert zu beyden oren
 Do mit verschluckt er manchen doren
 Die andern die im schon entrinnen
 Der würt Antyphates doch innen
 Mit sym volck der lästrygonum
 Die gont erst mit den narren vmb



Folio



Dann die sunst anders essen nüt
Dann narren fleisch zu aller zyt
Und drinckent blüt für irn wyn
Do wurd der narren herberg syn/
Homerus hat diß als erdacht
Do mit manbett vff wiszheyt acht
Und sich nit wogt licht vff das mer
Die mit lobt er Ulysses ser
Der wiserät gab/vnd güt anschlag
Die wil man yreit/vng vor Troy lag/
Und wie der zehen jor dar noch
Mit grossem glück durch all mer zoch
Do Lyrce mit ir dranches gwalt
Syn gesellen kert inn thieres gestalt
Do was Ulysses also wys
Das er nit nam dranch oder spysz
Bis er das falsch wyb über böst
Und syn gesellen all er löst
Mit eym krut das man moly heist
Also halff im vsz mancher nott
Syn wiszheyt/vnd vernünfftig rott
Die wile er aber ye wolt faren
Macht er die leng sich nit bewaren
Im kem zu lest eyn wider wynd
Der im syn schyff zerfüret geschwynd
Das im syn gesellen all erdryncken
All rüder/schyff/sägel/versyncken
Syn wiszheyt im zu hülff doch kam
Das er alleyn vsz nacket schwam
Und wust von vil vnglück zu sagen
Wart doch von sym sün dot geschlagen



Als er klopft an synr eygenn tür
 Do künd wißheyt nit helffen für
 Nyemans was der in kennen künd
 Im gantzen hoff/alleyn die hund
 Und starb dar vmb/das man nit wolt
 In kennen/als man billich solt/
 Do mit kum ich vff vnser für
 Wir süchen gwyn in dieffen mür
 Des würt vnß bald eyn böse rür
 Dañ vnß bricht mastboum/sägel/schnür/
 Und können doch im mer nit schwymmen
 Die wöllen syn böß vff zü klymmen
 wann eyner wânt er sitz gar hoch
 So stossen sie in zü boden doch
 Der wynd der tribt sie vff vnd nyder
 Das narren schiff kumbt nym her wider
 wann es recht vnder gangen ist
 Dann wir hant weder synn noch lyst
 Das wir vß schwymmen zü dem stad
 Als dett Ulysses noch sym schad
 Der me bracht nacket mit im vß
 Dann er verlor/vnd hat zü huf/
 Wir faren vff vnfalles schlyff
 Die wellen schlagen übers schyff
 Und nâmen vnß vil Baleoten
 Es würt an die schyfflüt ouch geroten
 Und ouch zü letst/an die patron
 Das schyff dût wußt inn schwâncken gon
 Und môcht gar licht eyn wirbel synden
 Der schyff/vnd schyfflüt wûrd verschlyndē

Folio

All hilff / vnd rotthat vns verlon
wir werden inn die harr vndergon
Der wynd verfür vns mit gwalt
Eyn wiß man sich do heym behalt
Vnd nãm by vns eyn wißlich ler
wog sich nit lichtlich vff das mer
Er künn dann mit den wynden stritten
Als Elisses det / zû synen zytten
Vnd ob das schiff gang vnder joch
Das er zû land künn schwynnen doch
Bar vmb ertrincken narren vil
Zûm stad der wißheyt yeder yl
Vnd nãm die rûger inn die hend
Do mit er wiß / wo er hyn lend
wer wiß ist / kumbt zû land mit fûg
Es sint doch on das narren gnûg
Der ist der best / der selber wol
weist / was man dîn vnd lossen sol
Vnd den man nit darff vnderwissen
Sunder die wißheyt selber dût brysen
Der ist ouch gût / wer andere hört
Vnd von inn zucht / vnd wißheyt lert
wer aber der keyns vber all
Kan / der ist inn der narren zal
Ob der diß schiff sich hatt versumbt
So wartt er biß eyn anders kumbt
Er würt gselschaft fynden geryng
Mit den Baudeamus sing
Oder das lied im narren don
wir hant vil brüder dussen gelon
Das schiff ouch würt zû boden gon

Der ist eyn nar / der nit verstat
 So im vnfal zü handen gat
 Das er sich wiflich schick dar in
 Unglück will nit verachtet syn



Verachtung vngefelles

Manchem ist nit mit glück wol
 Und ryngt dar noch doch yemer dol
 Dar vmb sol er nit wunder han
 Ob im das schiff würt vnder gan

Folio

Ob vnglück ettwan joch ist kleyn
So kumbt es selten doch alleyn
Bann noch der altten spruch/ vnd sag
Unglück/ vnd hoz/ das wechft all tag
Dar vmb den anfang man ab wend
Adan weißt nit/ wo der vfgang lend
wer vff das mer sich wogen düt
Der darff wol glück/ vnd wetter güt
Bann bynder sich fert der geschwynd
wer schiffen will mit wyder wynd
Der wiß mit nochwynd sâglen lert
Eyn narr hat bald eyn schyff vmb kert
Der wiß/ der halt in syner handt
Den rûder/ vnd fart licht zû landt
Eyn narr verstat sich nit vff für
Dat vmb er oft nymbt eyn grunt rûr/
Eyn wiß man/ sich vnd andere fûrt
Eyn narr/ verdyrbt ee dann ers spürt
Hett sich nit geschickt noch wyser ler
Alexander/ in bohem mer
Das im syne schiff warff/ an eyn sytt
Und hett sich gerichtet noch der zytt
Er wer im mer ertruncken gsyn
Und nit dot an vergyfftem wyn
Pompeius hat groß rûm vnd ere
Das er gereyniget hett das mere
Und die mer rôuber vertriben all
Hatt inn Egypten doch vnfall/
welch wißhayt/ tugent/ an in handt
Die schwymmen nackent wol zû landt/
Als spricht Sebastianus Brant

Manch nar der richt vñ yeder man
 Und henckt der katzen die schellen an
 Und will syn doch keyn wort nit han





Ibynderred der gutten


Uil mancher der hat freud dar ab
 Das ich vil narren gesamlet hab
 Und nembt dar by eyn nützlich ler
 Wie er sich von der narrheyt ker



Folio



Bar gegen ist es manchem leyt
Der meynt ich hab jm worgeseyt
Und gdar doch öfflich reden nicht
Dann das er schiltet das gedicht
Und henckt der katzen die schellen an
Die jm vff beyden oren stan/
Eyn rüdig roß/lydt nit lang
Das man mit stryglen vmb es gang
Wyrfft man vnder vil hund eyn beyn
So schrygt der troffen würt alleyn
Dann wisslich/ich mich des versich
Das narren werden schelten mich
Und meyn es stand mir nit zü
Das ich die narren stroffen dü
Und yedem zeyg/was jm gebryst
Jeder redt/was jm eben ist
Und klagt sich/do in druck der schüb
Wem nit gefält diß narrenbüch
Der mag wol lossen/das es louff
Ich bitt keynen das er es kouff
Er well dann witzig werden dar ab
Und ziehen selb die kappen ab/
Ich hab lang zyt gezogen dar an
Und will mir doch nit gantz ab gan
Wer stroffet das er nit verstot
Der kouff diß büch/es düt jm not/
Eyn yeder/was er sich verstat
Zü dem lieb/vnd neygung hat
Wer worheyt wyder sprechen gtar
Und wif will syn/der ist eyn narr



Der CX. nar CLIII

Ob diſch begat man grobheyt vil
Die mann hieß narreheyt vnder wil
Von den zuleiſt ich ſagen will





Von diſches vnzucht


So ich all narreheyt gantz durch ſuch
Setz ich billich zu end diß buch
Etlich die man für narren acht
Der ich doch vornit hab gedacht

Dann ob sie schon eyn mißbruch hant
 So mit die hoffzucht würt geschant
 Auch grob vnd vngezogen sint
 Sint sie doch nit so gentzlich blindt
 Das erberkeyt von in werd geletzt
 Als die dünt/die ich vor hab gesetzt/
 Oder sie gotts dar vmb vergessen
 Sunder mit drincken vnd mit essen
 Sint sie vast grob/vnd vnerfaren
 Das man sie heift vnboflich narren
 Als die nit weschen dünt jr hend
 Wann sie zū disch sich setzen wend/
 Oder die sich zū disch dünt setzen
 Und andere an dem sitzen letzen
 Die vor in soltten syn gefessen
 Uernunft/hofzucht also vergessen
 Das man zū in muß sprechen/ho/
 woluff güt fründ/sytz abbar do
 Lof den dar sytzen an din statt/
 Oder der vor nit gbettet bat/
 Ben segen über wyn vnd brott
 Ee dann das er zūm disch byn got/
 Der ouch zūm erst gryfft in die schüssel
 Und stoß das essen in den drüssel
 Uoz erbern lüten/frowen/herren
 Die er doch solt vernüfflich eren
 Das sie zūm ersten griffen an
 Und nit wer zū vorderst dran/
 Dem ouch so nott zū essen sy
 Das er bloß in das muß vnd bry

Und düt syn backen zerblösen
 Als wolt er eym eyn schür an stossen
 Mancher betreiff dischlach vnd kleidt
 Auch in die blatt er wider leit
 Was im so gröplich ist entpfallen
 Das vnlust bringt den gessen allen
 Auch ettlich die sint also ful
 wann sie den löffel zü dem mul
 Bunt/bencken sie den offnen trüffel/
 Über die blatten muß vnd schüssel
 Was in entfallet dann dar nyder
 Das selb kumbt in die schissel wider
 Ettlich die sint also naß wiß
 Die vorhyn schmecken an die spiß
 Und machent mit im ander lüt
 Unlustig/vnd schandbar zü zyt
 Ettlich die küwen in dem munde
 Und werffen das von in zü stund
 Vff dischlach/schissel oder erd
 Das mancher dar ab nymbt böß werd
 wer von eym munde sol gessen hat
 Und leyt den wider in die blatt
 Oder sich leyt vff den disch
 Und lügt wo syg güt fleisch vnd fisch
 Ob das schon vor eym andern lytt
 Griff er/vnd nymbt das doch zü zyt
 Und loßt das vor im bliben eyn
 Das es keym andern werd gemeyn
 Den selben man eyn schlyndrapp nennt
 Der über disch alleyn sich kennt

Und dar vfflegt arbeyt vnd flyß
 Das er alleyn eß alle spyß
 Und er alleyn mög füllen sich
 Und andern nit göndt ouch des glich
 Die selben heiß ich ruin den hag
 Lärß kārly / schmirwanst / füll den mag
 Das ist eyn böser mass genos /
 Und würt geheissen wol eyn froß
 Der sich mit solcher vnzücht moßß
 So jm gut essen / beschözt das heyl
 Das er es mit eym andern teyl /
 Ouch der syn backen fült also
 Als ob sie stackten im vol stro /
 Und mit dem essen vmb sich gaff
 In alle winckel wie eyn aff
 Und sicht eym yeden zū mit bger
 Ob der villicht me eß / dann er
 Und ee diser eyn mündt voll zuckt
 Hatt er vier oder fünff verschluckt /
 Und das jm nit villicht gebräst
 Breit er vff teller hyn zū nāst
 Das er sich villicht nit versum
 Lügt er / wie er die blattern ruin
 Eer die spiß dūt abbyn schlucken
 Dūt er eyn stych inn becher gucken
 Und macht eyn suppen mit dem wyn
 Dar mit schwenckt er die backen syn /
 Und ist jm oft dar zū also not
 Das es jm halb zur naß vß got
 Oder sprytzt es eym andern licht
 Inns drinckgschyr oder angesiecht /



Von narren hab ich vñ geseht
 Do mit man doch wiß recht bescheydt
 Wer witzig sy/gantz vmb/vnd vmb
 Der laß myn fründ Virgilium/





Der wylßman


Eyn güt vernunftig/witzig/man
 Des glich man nit möcht yenen han
 In aller welt als Socrates
 Appollo gab im kuntschafft des/


γ iii

Folio




Der selb syn eygen richter ist
wo im abgang/vnd wyßheit gebürt
Uersücht er vff eym näglin sich
Er acht nit/was der adel spricht
Oder des gemeynen volckes geschrey
Er ist rotund/gantz wie eyn ey
Do mit keyn frömbder mackel blib
Der sich vff glattem weg anryb
wie lang der tag im krebs sich streckt
wie lang die nacht den stein bock deckt
So gdenckt er/vnd wigt eben vß
Das in keyn winckel inn syn huf
Er trüb/oder er red eyn vort
Das nit glich wäg vff alle ort/
Do mit nit fäl das winckel maß
So vält syg/wes er sich vermäß
Sunder all anlouff mit der handt
Uersetz/vnd bald hab abgewant/
So ist im nit so lieb dheyne schloff
Das er nit gedenck verr/vnd sich stroff
was er den langen tag hab gthon
wo übersehen er sich mag han/
was er by zyt solt han betracht/
Und das zu vnzyt hab wolbracht/
war vmb vollendet er hab die sach
Unzymlichbeyt/vnd all vrsach/
Und er vil zyt vnnütz vertrib
war vmb er vff dem anschlag blib
Den er woll möcht verbessert han/
Und nit den armen gesehen an







Nun duben züg/vnd eyn bapphart
 Das ist mit drincken yetz die art
 Syn schmutzigen mundt wüschet keyner jm
 Do mit das veist jm becher schwym/
 Schmatzen am drincken lob ich nit
 Man töubt ander lüt dar mit
 Wann man so süßflet durch die zen
 Solch drincken gibt eyn böß getön
 Mancher drinckt mit solchem geschrey
 Als ob eyn kü kem von dem hew
 Eyn ere was ettwan drincken noch
 Yetz ist den wynschlüch also goch
 Do mit sie drincken mögen vor
 Das drinckgschyr heben sie entbor
 Und bringent eym eyn frün tlich drunck/
 Do mit der becher macht glunck glunck/
 Und meynen do mit andere eren
 Das sie den becher vor vmb keren/
 Ich darff der selben hoffzucht nit/
 Das man mir vor das glas vmb schüt
 Oder man mich zu drincken bitt
 Ich drinck mir selbs/keyn andern zu/
 Wer sich gern fült/der ist eyn kü
 Der ouch schwätzt über disch alleyn
 Und nit loft reden/syn gemeyn
 Sunder müß hören yederman
 Im zu/das er vil schwätzen kan/
 Keyn andern er vß reden loft
 Eyn yeden er mit Worten stoßt
 Und hynder redet alle frist
 Manchen/der nit zu gegen ist



Folio



uch der sich kratzet in dem grind
Und lüg ob er keyn wiltpreth fynd
Mit sechs füß/vnd eym vlnier schilt
Das er dann vff dem täller knylt
Und in die blatt die finger tüg
Do mit er mach eyn näglyß brüg
Ober im selv syn nasen wisch
Und strich die synger an die disch/
Die ouch so höflich synt erzogen
Die vff jr arm vnd elenbogen
Sich länen vnd den disch bewegen
Dar vff mit allen viere legen
Als die brut det von Geyspitzheyn
Die vff den teller legt jr beyn
Do sie sich buckt noch dem sturtz
Entfür jr ob dem disch eyn furtz
Und ließ eyn roubtzen jr entwischen
Wo man nit kumen wer dar zwischen
Mit küblen/vnd sie vffbett gethan
Das mul/keyn zanbett sie behan/
Ettlich die dünt also hofieren
Das sie das brot vast wol beschmieren/
Mit schmutzgen henden/pfeffer bry
Do mit es wol gesalbet sy
Es ist eyn vorteyl vff fürlegen
Das aller best düt man an regen
Und was nit wol gefellet mir
Das leg ich gern eym andern für
Dar durch würt dann eyn weg gemacht
Do mit ich nach dem besten tracht,



Eym andern würt was ich nit will
 Das best würt mir/des schwig ich still
 Mancher hat mit mir oft hofiert
 Ich wolt er hets nye angerürt
 Do mit/so wer mir bliben das
 Das vor mir lag/vnd mir schmeckt bas/
 Mancher den schlentrianum tribt
 Die blat er vff dem disch vmb schibt
 Do mit das best für in kum dar
 Ich hab des vil genomen war
 Das mancher treib solch ofentür
 Die zu sym anschlag jm gab stür
 Do mit jm wart gefült syn buch
 Des hat der disch manch seltzen gbruch
 wann ich die all erzelen solt
 Eyn gantz legend ich schriben wolt
 wie man dett in den becher piffen
 Adit synger in das saltzfaß griffen
 Das mancher acht es sy vast grob
 worlich/das selb ich vil mer lob
 Dann das man saltz nem mit dem messer
 Eyn geweschne hant ist vil besser
 Und süferer/dann eyn messer licht
 Das man erst vß der scheyden zücht
 Und man nit weißt zu machen stunden
 Ob man eyn kätz mit hab geschunden/
 Des glich für vnuernunft man halt
 wann man die eyger schlecht vnd spalt
 Und ander des glich gouckelspyl
 Dar von ich yetz nit schriben wyl

Folio

Dann es syn sol eyn hoflichkeyt
Ich schrib alleyn hie / von grobheyt
Und nit subtil hoflich sachen
Ich wolt sunst wol eyn bibel machen
Solt ich all mißbruch hie beschriben
Die man düt ob dem essen triben
Bes gleichen so acht ich ouch nit
wann etwas in dem drinckgschir lyt
Ob man das mit dem mund abbloß
Oder dar in das messer stoß
Oder eyn schnytten von dem brott
wie wol das selb hoflicher stott
So halt ich das doch also nün
Das man eyn yedes woll mög thun
wo man es aber hat so vergüt
Das man als vñ dem drinckgschyr düt
Und man eyn frisches dar in nymbt
Als ich by eren des wol zymbt
Das mag man schelten nit mit glympff
Für arm lüt / ist nit solcher schympff
Eyn arm man sich benügen lott
was im gott gibt / vñ in berott
Ber darff nit aller hoffzucht pflegen
Zum letsten sprech man doch den seggen
So man genomen hat das maß
So sag man deo gratias
wer sich in disem über siecht
Den acht ich für keyn wisen nicht
Sunder ich billich sprechen mag
Das er die narren kapp ouch trag

war vmb er in sym gemüt hat vil
 Enpfunden schmerz/ vnd wider will
 Vnd war vmb er diß hab gethon
 Vnd hab ihens vnder wegen gelon/
 war vmb er sy so oft geletzt
 Vnd hat den nutz für ere gesetzt
 Vnd sich verschult mit wort/ vnd geschicht
 Der erberkeyt geachtet nicht/
 war vmb er der natur noch heng
 Sin hertz zū zucht nit zyeck/ zweng
 Also bewärt er werck/ vnd wort
 Vom morgen / biß zū tages ort/
 Bedenck all sachen die er dūt
 Uerwürfft das böß/ vnd lobt das gūt
 Das ist eyns rechten wisen mūt
 Den inn sym gedicht/ vns zeychet vß
 Der hochgelobt Virgilius
 wer also lebet hie vff erd/
 Der wer by gott on zwifel werdt
 Das er recht wißheyt bett erkannt
 Die in fūrt in das vatter landt
 Das vns gott geben well zū hant
 wünsch ich Sebastianus Brant!

Deo gratias.


y iij

Folio


End des narrenschiffs.

Die endet sich das Narrschiff/So zu nutz heyl
samer ler/ermanung/vnnd erfolgung/der wyß/
heyt/vernunft/vnd gütter sytten/Duch zu ver
achtung/vnd stroff der narrheyt/blindheyt Irr
sal vnd dorheyt/allerstädt/vnnd geschlecht der
menschen/mit besundern fliß/müg/vnd arbeyt/
gesamlet ist/durch Sebastianū Brant In beide
rechten doctore/Bedruckt zu Basel vff die Cla
senacht/die man der narren kyrchwich nennet/
Im 102 noch Christi geburt tusent funffhundert
vnd sechs 102.






Von fasnacht narren



Ich weiß noch ettlich fasnacht narren
 Die inn der dorenkappen beharren
 wann man heiligzyt sol vohen an
 So hyndern sie erst yederman
 Eyn teyl/die dünt sich vast berutzen
 Antlitt/vnd lib sie gantz verbutzen
 Und louffen so inn böucken wiß
 Ir anschlag stat vff hālem yß
 Mancher will nit/das man in kennt
 Der sich doch selbst zū letsten nennt
 So im der kopff schon ist vermacht
 will er doch/das man vff in acht
 Das man sprech/schow myn her vō Rückel
 Der kumbt vnd bringt am arm eyn kunckel
 Es muß jo ettwas groß bedütten
 Das er doch kumbt zū armen lütten
 Durch syn demüt vns düt besehen/
 Syn meynung ist/er wolt gern schmeben
 Und eym zū fasnacht eyger legen
 Die guck guck syngend in dem meygen
 Kucheln reicht man in machem huß
 So wāger wer man blib dar yß
 Ursach zū zelen ist so vil
 Das ich vil lieber schwigen will/
 Aber die narrheyt hat erdacht
 Das man süch freuden zū fasnacht
 So man der selen heyl solt pflegen



So gönt die narren erst den seggen
Und süchent dann jr fast bar für
Das es vast nacht sy vor jr tür
Der narren / kyrchwych man wol kennt
So wol vast nacht würt es genennt
Man louft dar affter vff den gassen
Im moß / als solt man ymen fassen
welcher dann mag syn schöllig gantz
Der meynt er hab billich den krantz
Von eym buß zu dem andern loufft
Groß füllen er on bar gelt koufft
Das selb dick wärt noch mitter nacht
Der tüfel hatt das spiel erdacht
So man solt süchen selen heyl
Das man erst dantz am narren seyl
Mancher der füll düt so vergessen
Als solt er in eym joz nit essen
Und loßt sich nit benügen mit
Das er sich füll biß metten zytt
Verbottne spiß schat dann nitt
Man isst die selb biß gegen tag
worlich ich das sprich / red / vnd sag
Das weder Juden / Heyden / Batten
Jrn glouben als schentlich bestatten
Als wir die kristen wellen syn
Und dünt mit wercken kleynen schyn
So wir im anfang vnser andacht
Zu rüsten erst dryg / vier / vastnacht
Und werden erst on synnen gar
Das selb das wert dann durch das jar

Brechen das houbt der vasten ab
 Do mit sie mynder krefft hab/
 wenig sich zu der aschen nahen
 Das sie mit andacht die entphaen
 fürchten die asch die werd sie bitten
 Lieber went sie jr antlitz bschissen
 Und sich berömen wie eyn kol
 Des tüfels zeichen gfelt in wol/
 Das zeichen gotts/went sie nit han
 Mit Christo went sie nit erstan
 Die frowen gont dann gern zu strossen
 Das man sie dest baszkunn bemossen
 Der kirchen schonent ettlich nitt
 Sie lauffen dryn/vnd durch die mitt
 Und dünt die frowen drynn beschmieren
 Das halt man für eyn groß hofieren
 Die wüst rott/dünt den esel tragen
 Der sie die gantz statt macht vmb jagen
 So ladt man dann zu dantz vnd stechen
 Do muß man erst die sper brechen
 Und bringen narren recht zu samen
 Buren/bantwerck/dünt sich nit schamen
 Und nemen sich ouch stechens an
 Der mancher doch nit ryten kan
 Des würt mancher gestochen dick
 Das im der hals brucht oder ruck
 Das soll eyn hübscher schympff dann syn
 Dar noch füllet man sich dann mit wyn
 Von keyner vasten weiß man sagen
 Das wesen wärt ob vierzeihen tagen

Die fast gantz vß/an ettlich enden
Die kar wüch düt sie kum ab wenden
So kumbt man zü der bicht zü zyt
wann man die hültzen tafflen lüt
So vocht man dann den rüwen an
Das man well mordens wider dran
Dem narren seyl me hengen noch
Bon Emauß ist vns allen goch
Die gewychten fladen vns nit schmecken
Das houbt das düt man bald entdecken
Es mag gar licht eyn wynd har fegen
Er düt den frowen die sturtz ab wegen
Die hangen an den nächsten hecken
Die frowen went sich yngern decken
Reytzen do mitt die mañ vnd knaben
Die narrenkapp sie lieber haben
Das man die oren dar vß streck
Dann das man sich mit stürtzen deck
Do mit so mag ich vol beschliessen
wie wol ettlich hant drab verdriessen
Das/wo man sücht alleyn fastnacht
Das nyemer druß würt recht andacht
Und wie wir schicken vns zü gott
Lofte er vns dick biß in den dott
Die narren kapp hat angst vnd nott
Und mag nit so vil rüwen han
Das sie doch blib die fasten stan
Adan streift sie in der karrwoch an



Licht wer es/narren vohen an
 wann man ouch kündt von narrheyt lon
 welcher das schon wolt vnder stan
 Der würd doch vil gebündret dran




entschuldigūg des dichters


Der ist eyn nar/vnd grösser dor
 Der eyn werckman den lon gibt vor
 Der macht nit werschafft vff dem merckt
 wer nit vff künfftig blonung werckt/

Folio

Bar selten würt verdient der lon
Der vor verzert ist/ vnd verthon
Das werck gar langsam naher gat
Das man macht vff vorgessen brott/
Bar vmb hett man vorgelont
Das ich der narren hett geschont
Ich hett mich wenig dar an kört
Bar zu wer es doch yetz verzört/
Vnd hett die leng mich nit gewerdt
Als alles das do ist vff erd
Das ist vnnütz dorbeyt geacht/
wann ich ouch diß vmb gelt hett gemacht
Sorg ich mir würd nit gleicher lon
Ich hettß worlich lang lassen ston/
Aber die wile ichs hab gethon
Durch gottes ere/ vnd nutz der welt
So hab ich weder gunst noch gelt
Noch anders zytlich gesehen an
Des will icht gott zu zügen han
Vnd weiß doch/ das nit mag bliben
Bantz vngestrofft in mynem schriben
Den gütten will ichs lassen noch
Ir stroff/ in red/ vff nämen ouch
Dann ich mich des gen gott bezüg
Ist etwas bie/ dar an ich lüg
Oder das syg wider gottes lere
Der selen heyl/ vernunft/ vnd ere/
Des stroff nym ich vff/ mit gedult
Ich wil am glauben nit han schuldt
Vnd bitten bie mit yederman
Das man von mir für güt well han



Und nit zu argem messen vß
 Hoch ärgerniß/schand/nemen druß
 Bann ich habs dar vmb nit gedicht
 Aber ich weiß das mir geschicht
 Glich wie der blumen die wol rücht
 Dar vß das byenlin hunig zücht/
 Aber wann dar vß kumbt eyn spynn
 So sücht sie gyßz noch irem gwynn
 Das würt har inn ouch nit gespart
 Eyn yedes düt noch syner art
 wo nit ist güttes in eym huf
 So kan man nit güttis tragen vß
 wer nit gern hört von wyßheyt sagen
 Der würt dest dicker von mir klagen
 Dem hört man an syn Worten an
 was er sy für eyn gouckelman
 Ich hab gesehen manchen dor
 Der vß erhebt was hoch entbor
 Glich als der Läder Lybani
 Der bducht sich syner narrbeyt fry
 Ich wart eyn wile/vnd hort syn nym
 Ich sücht in/er gab mir keyn stym
 Man kund ouch synden nit die stat
 So der selb narr dewonet hat
 wer oren hab/der mörck/vnd hör
 Ich schwig/der wolff ist mir nit verr
 Eyn narr strofft manchen vor der zyt
 Das er nit weißt was im an lyt
 Müst yeder syn des andern ruck
 Er würt bald innen was in druckt



Folio

wer wel/der les diß narrenbüch
Ich weiß wol/wo mich druckt der schüch
Dar vmb/ob man wolt schelten mich
Und sprechen/artzt heyl selber dich
Dann du ouch bist inn vnser rott
Ich kenn das/vnd vergych es gott
Das ich vil dorheyt hab gethon
Und noch im narren orden gon
Wie wast ich an der kappen schütt
Wil sie mich doch gantz lassen nytt
Doch han ich flis/vnd ernst an kört
So mit (als du sichst) han gelert
Das ich yetz kenn/der narren vil
Hab müit ouch fürter/ob gott will
Adit witz mich bessern/mit der zyt
Ob mir so vil/gott gnaden gytt
Eyn yeder lüg das er nit fäl
Das im nit blib der narren sträl
Der kolb veraltt in syner bant
Des sye eyn yeder nari gemant
Als bschlüß Sebastianus Brant
Der yedem zu der wisheyt ratt
Er si was wesens/oder stat
Keyn güet werckman/kam nye zu spatt

Ad. ccccc. vj.

Mit on vrsach.
J. B.

Register der narren vnnnd Narrenschiffs.

Eyn vorred in das Narrenschiff.

Von vnnützen büchern, Ber. j. nar. fol. iij.

Von gütten räten, der. ij. nar. fol. iij.

Von gyttikeyt, der. iij. nar. fol. v.

Von nuwen sünden, der. iij. nar. fol. vj.

Von alten narren, der. v. nar. fol. vij.

Von ler der kynd, der. vj. nar. fol. viij.

Von zwitteracht machen, der. vij. nar. fol. xj.

Mit volgen guttem rat, der. viij. nar. fol. xij.

Von bösen sytten, der. ix. nar. fol. xij.

Von wozer fründtschaft, der. x. nar. fol. xiiij.

Verachtung der geschrifft, der. xj. nar. fol. xv.

Von vnbesynten narren, der. xij. nar. fol. xvj.

Von bülschaft, der. xiiij. nar. fol. xvij.

Von vermessenheyt gottes, der. xiiij. n. fo. xix.

Von narrechtē anschlag, der. xv. nar. fol. xx.

Von füllen vnd prassen, der. xvj. nar. fol. xxj.

Von vnnützem richtum, der. xvij. n. fo. xxiiij.

Von dienst zweyer herren, d. xviiij. n. fo. xxiiij.

Von vil schwätzen, der. xix. nar. fo. xxv.

Von schatz fynden, der. xx. nar. fo. xxvij.

Ander stoffen vñ selb thun, d. xxj. n. fo. xxviij.

Viele der wißheyt, der. xxij. nar. fol. xxix.

Von überhebüg glücks, der. xxiiij. nar. fo. xxx.

Von zu vil sorgen, der. xxiiij. nar. fo. xxxj.

Zu borg vff nemen, der. xxv. nar. fo. xxxij.

Von vnnützen wünschen, der. xxvj. n. f. xxxiiij.

Von vnnützem studieren, der. xxvij. n. f. xxxv.

Von wider gott reden, der. xxviij. n. fo. xxxvj.

Der ander lüt vrteylt, der. xxix. nar. fo. xxxvij.

Von vile der pfründen, der. xxx. n. fo. xxxviij.

Von vffschlag süchen, der. xxxj. n. fo. xxxix.

Von frowen hütten, der. xxxij. nar. fo. xl.

Folio

Von eebzuch, der, xxxiij, nar, fol, xli.
 War bür als vern, der, xxxiiij, nar, fo, xliij.
 Von lichtlich zürnen, der, xxxv, nar, fo, xliiij.
 Von eygenrichtikeyt, der, xxxvj, nar, fo, xlv.
 Von glückes fall, der, xxxvij, nar, fo, xlvj.
 Von kranken die nit volgē, d, xxxviij, f, xlvij.
 Von offlichem anschlag, d, xxxix, nar, fo, xlix.
 An narren sich stossen, der, xl, nar, fo, l.
 Mit achten vff alle red, der, xli, nar, fo, li.
 Von spott vogeln, der, xliij, nar, fo, liij.
 Verachtung ewiger freud, der, xliij, nar, f, liij.
 Bebracht inn der kirchen, d, xliij, nar, f, liij.
 Von müßwilligē vngesell, der, xlv, n, fo, lvi.
 Von dem gwalt der narrē, der, xlvj, fo, lvi.
 Von dem weg d selikeyt, d, xlvj, nar, f, lvij.
 Eyn gesellen schiff, der, xlvij, nar, fo, lix.
 Böß exempel der eltern, der, xlvij, nar, fo, lxi.
 Von wollust, der, xlix, nar, fo, lxiij.
 Heymlikeyt verschwigen, der, l, nar, fol, lxiiij.
 wiben durch gūts willen, der, li, n, fol, lxiiij.
 Von nyd vnd hasß, der, liij, nar, fol, lxv.
 Von vngedult der stroff, der, liij, nar, fol, lxvi.
 Von narrechter artzney, der, liij, nar, fo, lxviij.
 Von end des gewalts, der, lv, nar, fol, lxviij.
 Von fürwissenbeyt gottes, der, lvj, fol, lxx.
 Sin selbst vergessen, der, lvij, nar, fol, lxxij.
 Von vndanckberkeytt, lvij, nar, fo, lxxiiij.
 Im selbst wolgefallen, der, lxx, nar, fo, lxxiiij.
 Von dantzen, der, lx, nar, fol, lxxv.
 Von nachts hofieren, der, lxj, nar, fo, lxxvi.
 Von bärtlern, der, lxij, nar, fo, lxxviij.
 Von bössen wibern, der, lxiiij, nar, fo, lxxix.
 Von achtung des gſtirns, der, lxiiij, n, f, lxxxj.
 Von erfarug aller land, der, lxx, n, fo, lxxxiiij.
 Mit wellen eyn narr syn, lxxj, nar, lxxxvj.
 Schympff nit verston, d, lxxij, n, fol, lxxxviij.



CLXIII


Bôß thun vñ nit wartten, ð, lxxviij, n, fo, lxxxix
 Mit fürsehen by 3yt, der, lxxix, nar, fo, xc,
 Zanken vñd zü gericht gon, ð, lxx, n, fo, xcj,
 Von groben narren, der, lxxj, nar, fo, xcij,
 Von geistlich werden, der, lxxij, nar, fo, xciiij,
 Von vnnützem iagen, der, lxxiiij, nar, fo, xcvi,
 Von bösen schützen, der, lxxiiij, nar, fo, xcviij,
 Von grossem rümen, der, lxxv, nar, fo, xcix,
 Von spielen, der, lxxvj, nar, fo, cj,
 Von getruckten narrē, der, lxxvij, nar, fo, ciij,
 Von rüttern vñ schreiben, ð, lxxviij, n, fo, ciij,
 Von narrechter botschaft, ð, lxxxix, n, fo, cv,
 Von köchen vñd kellern, ð, lxxx, nar, fo, cvj,
 Von bürischem vffgang, ð, lxxxj, nar, fo, cvij,
 Von verachtüg armüt, ð, lxxxij, n, fo, cix,
 Von beharren in gutem, ð, lxxxiiij, n, fo, cxj,
 Mit fürsehen den doot, der, lxxxiiij, n, fo, cxij,
 Von verachtung gottes, ð, lxxxv, nar, fo, cxv,
 Von gottes leßtern, der, lxxxvj, nar, fo, cxvij,
 Von plag vñ stroff gottes, ð, lxxxviij, n, fo, cxviij,
 Von dorechtē wechsel, ð, lxxxviij, n, fo, cxix,
 Ere vatter vñd müter, ð, lxxxix, n, fo, cxx,
 Von schwätzen im chor, ð, xc, nar, fo, cxxj,
 Überhebüg der hochfart, ð, xcj, nar, fo, cxxij,
 Von wücher vñ fürkouff, ð, xcij, n, fo, cxxiiij,
 Von hoffungvfferben, der, xciiij, nar, fo, cxxv,
 Von verfürüg am fyrtag, ð, xciiij, n, fo, cxxvj,
 Schencken vñ beruwen, ð, xcvi, n, fo, cxxviij,
 Von trakeyt vñ fulheyt, ð, xcviij, n, fo, cxxix,
 Von vflendigen narren, ð, xcviij, nar, fo, cxxx,
 Von abgäg des gloubēs, ð, xcviij, n, fo, cxxxi,
 Von falben henst strichē, ð, xcix, n, fo, cxxrv,
 Von oren bloßern, der, c, nar, fo, cxxrvj,
 Von falch vñd beschiff, ð, cj, n, fo, cxxrvij,
 Von endkrift, der, cij, nar, fo, cxxxiij,
 Von worheyt verschwigen, ð, ciij, n, fo, cxliij





Folio


Das schluraffen schiff, der, cvij, n, fo, cxi viij.
Uerachtung vngesels, der, cvij, nar, fo, cli.
Hynder red des gûten, der, cir, nar, fo, clij
Von disches vnzucht, der, cir, nar, fo, cliij.
Von sabnacht narren, fo, clvij.
Entschuldigûg des dichters, d, cx, nar, f, clix.
Der wifman, der, cxj, nar, fo, clxj.


finis.













306

